

আমাদিগের যেমন শরীর আর মনেতে পরস্পর সম্বন্ধ আছে, এবং এই সম্বন্ধ জনা যেমন আমরা দর্শন করি, শ্রবণ করি, বাক্য কহি; পরমেশ্বর তেমন শরীর-মন-মিলিত কোন জীব নহেন, সুতরাং আমাদিগের ন্যায় তিনি চক্ষু দ্বারা দর্শন করেন না, এবং মুখ দ্বারাও বাক্য কহেন না; তিনি অচক্ষু, অকর্ণ, অবাক্য। তিনি মনোবিহীন, তিনি দেহ-শূন্য মনও নহেন, তাঁহাতে মনের কাণ্ডা কিছুই নাই। তিনি অসঙ্গ—মাংসাত্মিক জুথ ছুপে লিপ্ত নহেন। তিনি যদি জড়ও নহেন, এবং মনও নহেন, তবে তিনি কি ছায়া, কি অন্ধকার, কি আকাশের ন্যায় কোন অবস্তা হইবেন? না; তিনি ছায়া, কি অন্ধকার, কি আকাশের ন্যায় কোন অবস্তা নহেন; তিনি নিত্য সত্য বস্তু; তিনি অনন্ত-স্বরূপ, জ্ঞান-স্বরূপ; তাঁহার সহিত কাহারও উপমা হয় না। জড় হইতে যেমন মন স্রষ্ট, মন হইতে জড়রূপ সেই জ্ঞানস্বরূপ পরমাত্মা অনন্ত গুণে স্রষ্ট। তাঁহার জ্ঞান সৃষ্ট মানসিক জ্ঞানের ন্যায় নহে; জ্ঞান-ক্রিয়া তাঁহার স্বভাব-সিদ্ধ। কোন বস্তু জানিবার জন্য সেই সর্বজ্ঞ পুরুষের ইচ্ছার আবশ্যক করে না; পূর্ব বুভাঙ্ক জানিবার নিমিত্তেও তাঁহার সৃতিশক্তি আবশ্যক হয় না। তিনি এক কালে সমুদয় বস্তু জানিতেছেন। আমাদিগের ন্যায় তাঁহার ক্রোধও নাই, দ্বেষও নাই, দুঃখও নাই, শোকও নাই এবং আমাদিগের ন্যায় তাঁহার দয়াও নহে, মেহও নহে, প্রেমও নহে, হর্ষও নহে। তিনি মঙ্গল-স্বরূপ; তাঁহার সেই মঙ্গল ভাবের অন্তর্ভূত মেহ, করুণা, প্রীতি তাঁহা হইতে বহমান হইয়া, জগৎকে সিদ্ধ রাখিয়াছে। তিনি

আমাদিগের মানসিক বৃত্তি—ন্যায়, দয়া, মেহ, প্রেমকে অনন্তগুণে অতিক্রম করেন, আমাদিগের প্রেম অনন্ত প্রেমের কণা মাত্র।

“তাঁহার শাসনে সূর্য্য, সৌর জগতের মধ্যস্থিত হইয়া, প্রদীপবৎ তাঁহার অন্তর্কর্ত্তী ভূলোক ও গ্রাহাদি অন্যান্য লোকে স্বীয় জ্যোতি দ্বারা প্রকাশ করিতেছে, স্বীয় শক্তি দ্বারা তাহাদিগকে নিজ নিজ পথে আরুঠ করিয়া রাখিয়াছে, এবং তেজ বিতরণ দ্বারা পশু পক্ষ্যাদি জন্তু ও বৃক্ষলতাদি উদ্ভিজ্জের জীবন ধারণ করিতেছে। সকলের রমনীয় সুধাংশু চন্দ্রও তাঁহারই নিয়মে বদ্ধ থাকিয়া, শূন্যপথে বিচরণ করিতেছে। এবং প্রতি রজনীতে নূতন নূতন বেশ ধারণ করিয়া সকলের অন্তঃকরণ প্রফুল্ল করিতেছে ও স্বীয় মনোহর আলোক প্রদান দ্বারা উদ্ভিজ্জদিগকে সতেজ ও সজীব রাখিতেছে।

“ভূলোক ত্রিচ-সূর্য্য-গ্রহ-নক্ষত্রাদি অন্যান্য যত জ্যোতির্কিশিষ্ট লোক সমুদায়ের সাধারণ নাম ছালোক। আমাদের পদতলে এই যে ভূলোক, এবং মস্তকের উপরে যে ছালোক,—সকলই সেই মঙ্গল-স্বরূপ বিশ্বপাতার প্রশাসনে নিয়ত স্থিতি করিতেছে। তাহাদের এক কণামাত্রও তাঁহার নিয়মের বহির্ভূত হইতে পারে না।

“কালে কালে যে সমুদায় ঘটনা ঘটিতেছে, তাহা তাঁহারই নিয়মে ঘটিতেছে, তাঁহার অনতিক্রমণীয় নিয়মের বহির্ভূত হইয়া, জলমাত্র ঘটনাও ঘটিতে পারে না।

“পরম মঙ্গল্য পরমেশ্বরের নিয়মে বেগবতী নদী সকল উচ্চ উচ্চ পর্ব্বত হইতে নিঃসৃত এবং প্রবাহিত হইয়া,

অসংখ্য জীবজন্তুদিগের অতি উপকারিণী ও কল্যাণদায়িনী হইয়াছে। দৃষ্টি-বহির্ভূত কোন অপরিজ্ঞাত পুরুষের কোন অনির্দিষ্ট স্থানে যে জলরাশি সঞ্চিত হয়, আমরা তাহা হইতে শত শত যোজন দূরে থাকিয়াও, তাহা অনায়াসে প্রাপ্ত হইতেছি।

“মঙ্গলস্বরূপ পরমেশ্বরকে হৃদয়ে সাক্ষাৎ জানিয়া তাঁহার সহিত প্রীতিভাব নিবদ্ধ করিতে হইবে, জানিয়া গুনিয়া তাঁহার কার্য্যে বোণ দিতে হইবে; তবে তাঁহার সহবাস-ভনিত অনন্ত ফললাভ করা যায়। তাঁহাকে না জানিয়া অনামনক ও বিষয়াসক্ত হইয়া, বাহ্য আভিষয়ের সহিত দিবারাত্র তাঁহার উপাসনা করিলেও, বা লোক-রঞ্জন, বুধা যাগ-যজ্ঞ-ক্রিয়া-কলাপে শরীর ও মনকে নিপাত করিলেও, অপবান-অধ্যাদা, যশঃ কীর্ত্তি প্রাপ্তির আয়াসে আপনার যথাসম্পদ বিতরণ করিয়া দিলেও, ঈশ্বরের সহিত তাহার কিছুমাত্র সৎক নিবদ্ধ করা হয় না, অতরাং তাহার অনন্ত ফললাভ হয় না। যে ব্যক্তি পরমেশ্বরের জ্ঞান লাভ পূর্বক এবং তাঁহাকে প্রীতি পূর্বক তাহার প্রিয় কার্য্য সম্পাদন করিবার উদ্দেশে তাঁহার প্রতিষ্ঠিত ধর্ম্মচরণ করেন, তাহাতে ধর্ম্মের সমুদয় লক্ষণ প্রাপ্ত হয় এবং তিনি অনন্ত কাল পর্য্যন্ত পরম প্রার্থনীর অক্ষয় স্বচ্ছানন্দ উপভোগ করিতে থাকেন।

“ভূমণ্ডলে বাবতীর জীব আছে,

তন্মধ্যে কেবল মনুষ্যই ব্রহ্ম-জ্ঞান-লাভে অধিকারী। পরাংপর পরমেশ্বরকে এবং তাঁহার প্রতিষ্ঠিত ধর্ম্ম-সমুদায়কে জানিবার অধিকার আছে বলিয়াই মনুষ্য নামের এত গৌরব হইয়াছে; যিনি এই পরমোৎকৃষ্ট মনুষ্য-জন্ম প্রাপ্ত হইয়াও তাঁহাকে জানিতে না পারিলেন, তাঁহার অপেক্ষা হতভাগ্য আর কে আছে? পরম প্রীতিভাজন পরমেশ্বরকে উপলব্ধি করিয়া যে অনির্বচনীয় আনন্দ অমৃত হইয়াছে, যিনি তাহার স্বাদ-গ্রহণেও সমর্থ না হইলেন, তাঁহার অপেক্ষা দীন আর কোন্ ব্যক্তি? তিনি রূপাণ্ডা অতি দীন। তাঁহার জন্ম ভার-বাহক পশু জন্ম। আর, যিনি তাঁহাকে জানিয়া এ লোক হইতে প্রস্থান করেন, তিনি পরম ভাগ্যবান, তিনি মনুষ্যদিগের মধ্যে শ্রেষ্ঠ, তিনিই ব্রাহ্মণ।

“আমরা দর্শন শ্রবণ মনন প্রভৃতি বাবতীর ব্যাপার দ্বারা বাহ্য কিছু জানিতে পারি, তাহা তিনি জানিতেছেন; এবং আমরা বাহ্য না জানিতে পারি, তাহাও তিনি জানিতেছেন; কিন্তু তিনি কাহারও দর্শন-শ্রবণ-মনন-বিজ্ঞানের বিষয় নহেন। তিনি আপনাকে আপনি যেমন জানিতেছেন, তেমনি করিয়া তাঁহাকে আর কেহই জানিতে পারে না। অনন্ত স্বরূপকে বুদ্ধি বুঝিয়া অন্ত করিতে পারে না। এই অনন্ত অক্ষয় পুরুষের দ্বারা আকাশ ব্যাপ্ত হইয়া রহিয়াছে; এমত স্থান নাই, যেখানে এই সর্বব্যাপী পরমেশ্বর নাই।”

রাধাচরণ ও নন্দকুমার।

(দুইটি প্রাচীন ঐতিহাসিক বিবরণ।)

অনেকেরই বিশ্বাস, ভারতে ইংরাজ-শাসন প্রতিষ্ঠিত হইবার পর অবাধি অন্য পর্যন্ত যে সকল ব্যক্তির প্রতি প্রাণদণ্ডের আদেশ প্রদত্ত হইয়াছে, রাজা নন্দকুমার তাহাদের সর্বাগ্রগণ্য। এই বিশ্বাসট ভুল; ১৭৬৫ খৃষ্টাব্দে রাধাচরণ মিত্র নামে এক ব্যক্তির উপরে সর্বাগ্রগণ্য প্রাণদণ্ডের আদেশ প্রদত্ত হইয়াছিল। ১৮৭৯ অব্দে এপ্রিল মাসের কলিকাতা রিভিউ নামক ত্রৈমাসিক পত্রের ২৯০ পৃষ্ঠায় মাননীয় রিভারিজ সাহেব পুরোঁক রাধাচরণ মিত্রের মোকদ্দমার কথাখিঃ বিবৃতি প্রকাশ করিয়াছেন। রাধাচরণ বাবু এবং রাজা নন্দকুমার এতদ্ভয়ের প্রতি ইংরাজ বিচারকেরা যে অভূতপূর্ব অবিচার ও অন্যায় ব্যবহার প্রদর্শন করিয়া গিয়াছেন, তাহার পূর্ণ ইতিহাস এখনও লিখিতে বাকি আছে। রাজা নন্দকুমার সম্বন্ধে এ পর্যন্ত বাহা কিছু প্রকাশিত হইয়াছে, তাহাও সম্পূর্ণ নহে; রাধাচরণের ইতিহাস আদৌ লিখিত হয় নাই। আমরা এই প্রস্তাবে সংক্ষেপে অনেক নূতন অথচ সার কথা বলির মনে করিয়াছি; প্রথমে রাধাচরণের কথা উল্লেখ করা উচিত,

যেহেতু ইনি নন্দকুমারের পূর্ববর্তী। আমাদের এই প্রস্তাবে, অনেক আশ্চর্য্য এবং গুঢ় স্ত্রীচরিত্রও প্রকাশিত হইয়া পড়িবে।

রাধাচরণ মিত্র ভবানীপুর জগুবাঘুর বাজারের পার্শ্বস্থিত কোন স্থানে বাস করিতেন। ঢাকা জিলা ইহার জন্মস্থান বলিয়া প্রকাশিত হইয়াছে। ইনি হেষ্টিংস সাহেবের আমলে মুর্শিদাবাদের নবাব সরকারে প্রধান মুন্সীর পদে নিযুক্ত ছিলেন এবং কার্যদক্ষতার জন্য খাজাকীর ভার প্রাপ্ত হইয়া অবশেষে প্রভূত ধন উপার্জন ও সঞ্চয় করেন। কথিত আছে, ইনি তৎকালীয় দেশাচার ও হিন্দুধর্ম-সম্বন্ধে ব্যবহার পরিত্যাগ পূর্বক সাহেবদিগের সহিত “খানা” খাইতেন এবং কখন কখন সাহেবী পোষাকে অঙ্গাঙ্গীভূত করিতেন। হেষ্টিংস সাহেবের সহিত ইহার বিশেষ বন্ধুত্ব ছিল। হেষ্টিংস সাহেব বিপদ জ্ঞান অতিক্রম করিয়া প্রভুত্ব লাভ করিলে পর একদিন আপন কুঠীতে রাধাচরণ বাবুকে “খানা” খাইবার জন্য অনুরোধ বা নিমন্ত্রণ করেন। এই অবসরে হেষ্টিংস সাহেব রাধাচরণের নিকট ২ লক্ষ টাকা ঋণ গ্রহণের প্রস্তাব

করিলে, রাধাচরণ তাহা দিতে স্বীকৃত
হয়েন; কিন্তু (কি কারণ বশতঃ বলিতে
পারি না) শেষে তিনি হেষ্টিংসকে ঐ
টাকা দেন নাই। সাহেব পুনঃ পুনঃ
টাকা চাহিয়া পাঠাইতেন, রাধাচরণও
পুনঃ পুনঃ “দিব” “দিব” বলিয়া উত্তর
দিতেন। রাধাচরণের প্রতি হেষ্টিংসের
এইজন্য সর্বপ্রথম কোপ ও বিদ্বেষের
সঞ্চার হয়। কেহ কেহ বলেন, রাধাচরণ
এবং গবর্ণর সাহেব উভয়ে একত্রে
রাজিতে বাঙালী স্ত্রীলোকের বাটীতে
বেড়াইতে যাইতেন; আমবা ইহার
বিশেষ প্রমাণ এ পর্য্যন্ত পাই নাই।
বাহা তউক, প্রায় এক বৎসর পরে,
শজুনাথ চক্রবর্তী নামক এক মহাজনের
নামে রাধাচরণ ও লক্ষ টাকার দাবীতে
আদালতে অভিযোগ উপস্থিত করিয়া-
ছিলেন; সেই মোকদ্দমায় রাধাচরণ
বাবু আপনার দাবীর সত্যতা প্রমাণ
করিবার জন্য যে রসিদ, খং এবং
কাগজপত্র প্রদর্শন করেন, তাহা
আদালতের বিচারে কৃত্রিম বলিয়া
প্রতিপন্ন হয়; এবং সেই মোকদ্দমায়
রাধাচরণ জালিয়াৎ বলিয়া প্রাণদণ্ডের
আদেশ প্রাপ্ত হইলেন। আমরা দেখাইব,
রাধাচরণ সম্পূর্ণ নির্দোষী। রাধাচরণের
নির্দোষিতার প্রমাণের জন্য অন্যত্র
যাইতে হইবে না; ইংরাজ লেখকেরা
ইহার কি প্রমাণ দেন, দেখা যাউক।

সামুয়েল জনসন সাহেব বিলাতের
একজন অত্যন্ত কষ্ট লেখক, ইহার সহিত

হেষ্টিংস সাহেবের অকৃত্রিম বন্ধু ছিল।
ইনি রাজা নন্দকুমারের ফাঁসির
পরে ভারতে যে গজ লেখেন, তাহা
প্রকাশিত হইয়াছে। তিনি গিথিয়া-
ছিলেন, “রাধাচরণ হেষ্টিংস সাহেবের
অভাবের দিকে দৃষ্টিপাত করিলে হয়ত
এই বিচার বিভ্রাট ঘটিত না”; অন্যত্র
লিখিত আছে “বিচারের সময়ে শজু
চক্রবর্তীর সহিত একত্রে ভ্রমণ করা
হেষ্টিংস সাহেবের পনোচিত কার্য্য হয়
নাই, এ কথা আমি স্বীকার করি।”
ফলতঃ এই মোকদ্দমায় হেষ্টিংস সাহেব
সাক্ষী ছিলেন এবং “তিনিই শজুনাথের
উকিলকে পরামর্শ ও পাত্রেয় দিতেন।”
এখন দেখা যাউক, ঐ কাগজপত্র
কৃত্রিম কি না; এবং যদি বাস্তবিক
কৃত্রিম হয়, তাহা হইলে ঐ কৃত্রিমতার
জন্য কে দোষী, তাহাও বিবেচনা করিয়া
দেখা উচিত।

১৭৬৩ খৃষ্টাব্দের অক্টোবর মাসে
শজুনাথ চক্রবর্তী, রাধাচরণ বাবুর প্রাপ্য
টাকা পরিশোধ করিবেন বলিয়া
প্রতিশ্রুত হন। অক্টোবর মাস
অতিবাহিত হইল, কিন্তু শজুনাথ সমুদয়
টাকা দিয়া উঠিতে পারিলেন না। তিন
লক্ষ টাকার মধ্যে এক লক্ষ টাকা শোধ
দিয়া শজুনাথ আবার সময় চাহিলেন;

* কলিকাতা রিভিউ, এপ্রেল, ১৮৭৮।

† রাজা নন্দকুমারের উকিল মানসন
সাহেবের বক্তৃতা। ১৭৭৫ অঙ্ক; ৯ই জুনা
(বর্কের বক্তৃতা; দ্বিতীয় খণ্ড)।

এ বারে ৯ মাসের মধ্যে সময় টাকা দেওয়া হইবে, এইরূপ কথা স্থির হইল। নবেম্বরের প্রথমে রাধাচরণ পশ্চিম যাত্রা করিলেন, বাইবার পূর্বে ব্রজবিলাস কৌয়ার নামে এক সম্ভ্রান্ত বৃদ্ধের হস্তে ধং দিয়া গেলেন। কথা হইল, শত্ননাথ সময় টাকা পরিশোধ করিতে চাছিলে, ব্রজবিলাস ঐ টাকা লইয়া শত্ননাথকে “ধং” ফিরাইয়া দিবে। সময় অতিবাহিত হইল, শত্ননাথ টাকা দিলেন না; রাধাচরণও পশ্চিম হইতে স্বদেশে ফিরিয়া আসিতে পারিলেন না। ক্রমে রাধাচরণ বিরক্ত হইয়া শত্নর নামে আদালতে অভিযোগ উপস্থিত করিবার জন্য আপনায় মোক্তারকে পত্র লিখিলেন। ঐ মোক্তারের নাম হর-কিশোর। সাবেক হাইকোর্টের (মুখ্যীম কোর্টের) সাবেক সেরেস্তার ঐ মোক্তারের নাম দেখিতে পাওয়া যায়। মোক্তার আপন প্রভুর আদেশ মত অভিযোগ উপস্থিত করিল; হেষ্টিংস

বিবরণটি শুনি লম। শত্নর রাধাচরণ এই মোক্তার করিবার হইয়াছে শুনিয়া তিনি স্বীয় হুজুরিসন্ধি পূর্ণ করণোদ্দেশে সুযোগাভাসকালে সম্মত হইলেন। “যে দিন মোক্তার উপস্থিত হয়, তাহার এক পক্ষ কাল মধ্যে শত্ননাথকে অনেক দিন চারি বার হেষ্টিংস সাহেবের কুঠীতে মাইতে দেখিয়াছিল।”* কি কারণে বশতঃ বলিতে পারি না, এই সময়ে হর-কিশোরের মোক্তারী মনস্ কাড়িয়া লওয়া হইল; কিন্তু কি আশ্চর্যের বিষয়, হরকিশোর রাধাচরণের কর্তৃত্বাঙ্গ কণ্ঠে, সেই মনস্ আবার তাহাকে প্রদত্ত হইয়াছিল। ইহার কিছু কাল পরে ব্রজবিলাস কৌয়ার রাধাচরণকে পত্র লিখিলেন যে, তাহার কাঠের সিঁদুক হইতে শত্ননাথের হাতের লেখা ধং খানি অপহৃত হইয়াছে। ইহার পর পাঠক, বোধ হয় আর রহস্যোন্মেষ করিতে বিশেষ কষ্ট পাইতে হইবে না।

(ক্রমঃ)

তিন বন্ধু !

শুন সবে সাবহিতে যতক ভগিনী ।
‘তিন বন্ধু’ আখ্যায়িকা পুরাণ কাহিনী ॥
প্রজা ধর্ম যশ ছিল বন্ধু তিন জনা ।
দেশ-পর্যটনে কৈল অন্তরে বাসনা ॥
ভূতলে দিগন্ত-যাত্রা ভারতের নাম ।

পবিত্র পুণ্যদ ভূমি স্মরতি হৃদাম ॥
তথা বিচরণ আশা চিত্তে বিচারিয়া ।
উত্তরিল নিম্ন দেশ গিরিবন্দ্য দিয়া ॥
প্রজা কহে “ভাবি চিন্তি দেখ বন্ধুগণ ।
নব দেশে সবে যাত্রা নব পদার্পণ ॥

কায় ছায়া প্রায় মোরা ছিহ্ন তিন ভাই ।
 বিরহ বিচ্ছেদ ক্ষোভ কভু জানি নাই ॥
 দৈব লিপি স্মরহস্য কে করিবে ভেদ ।
 কে বলিবে হবে না যে কদাপি বিচ্ছেদ ॥
 সঙ্গচ্যুত হই যদি দৈব দুর্লিপাকে ।
 কোন স্থানে খুঁজি পুনঃ পাইব কাহাকে ॥
 অগ্রেতে করহ সবে বর্ণনা তাহার ।
 পদে দেশ-পর্যটন এই যুক্তি সার ॥”
 “ভাল ভাল” বলি ধর্ম যশ দিয়া সায় ।
 ইঙ্গিত পাইয়া প্রজ্ঞা বহে পুনরায় ॥
 “কবি গুরু বাণীকির পুণ্য তপোবন ।
 যথা বিরচিলা ঋষি কাব্য রামায়ণ ॥
 তথা বিচারিব আমি উদাসীন বেশ ।
 যদি বা তথায় মম না পাও উদ্দেশ ॥
 নুপেজ্ঞ বিক্রমাদিত্য বিক্রমে কেশরী ।
 লক্ষ্যে যার অঙ্গগতা কণ্ঠে বাণীধরী ॥
 নবরঙ্গ সভা তাঁর মন প্রিয় স্থান ।
 খুঁজিলে অবশ্য তথা পাইবে সন্ধান ॥
 কহিছে দ্বিতীয় বন্ধু “শুন, প্রজ্ঞা যশ ।
 ধর্ম আমি শুধুদিন সাধু হারি বশ ॥

রাজসভা তীর্থস্থলী যত দেবালয় ।
 নিরধিব তন্ন তন্ন করি সমুদয় ॥
 প্রবেশিতে নাহি যদি পাই অধিকার ।
 দরিদ্র কুটীরে পাবে সন্ধান আমার ॥”
 প্রজ্ঞা ও ধর্মের বাক্য করি আকর্ষণ ।
 কাতরে কহিলা যশ ব্যাকুলিত মন ॥
 দূরে দূরে এমনি তোমরা যদি যবে ।
 অভাগা যশের ভালে না কি হবে ॥
 জনমে নির্জন-বাস কখনো না জানি ।
 বিদেশে বিপাকে পড়ি খোঁসার পরানী ।
 স্তম্ভগ স্তম্ভপা তাই স্তম্ভগে জন্মিলে ।
 সঙ্গছাড়া হ’য়ে পুনঃ উভে যাও নিলে ॥
 যশ আমি এক বার হলে সঙ্গহারী ।
 খুঁজিয়া না পায় দেখা আস্তবন্ধু যারী ॥
 তাই বলি ভাই ছুটি ছোয়ে দয়াশীল ।
 চক্ষুর আড়ালে নাহি কর এক হিল ॥”
 শ্রী * * * ভগ্নে স্তম্ভ যশের বচন ।
 “মন্দঃ কবি-বংশঃ-প্রাপী আমি এক জন ॥
 করুণা-কটাক্ষে যদি মোর পানে চাও ।
 তিন বন্ধু মিলে আসি বাসনা পূরাও ॥”

করহর বালীর কয়লার খনি ।

পচখা ভ্রমণ করিতে গিয়া গিরিধি ও
 পচঘর মধ্যবর্তী করহর বালী নামক
 স্থানের কয়লার খনি আমরা দেখিতে
 গিয়াছিলাম । ইহা ইষ্ট ইণ্ডিয়া রেলওয়ে
 কোম্পানির খাস, ইহার অনতিদূরে
 জীরামপুর নামক স্থানে এইরূপ খাস
 আর একটি কয়লার খনি আছে । পূর্বে

রানীগঞ্জের কোল কোম্পানীর নিকট
 হইতে রেলওয়ের অধ্যক্ষদিগকে কয়লা
 কিনিতে হইত, কিন্তু এই ছুই খনি
 আবিষ্কৃত হওয়াতে তাঁহারা এত কয়লা
 পাইতেছেন যে, আপনাদিগের সুদীর্ঘ
 লাইনের সমুদায় কার্য্য তাহা দ্বারা সম্পন্ন
 হইতেছে, তন্নিমিত্ত তাঁহারা সময় সময়

অন্য রেলওয়েকে কয়লা বেচিয়া থাকেন। কোম্পানি পচবার টিকেত নামক জমীদারদিগের নিকট ৯ লক্ষ টাকার খনি কিনিয়াছিলেন। সে টাকা কবে উঠিয়া গিয়াছে, এখন তাঁহারা ও তাঁহাদের স্থলাভিষিক্তগণ এই অক্ষয় ভাণ্ডার কত কাল ভোগ করিবেন, তাহার সীমা কে করিবে?

কয়লার খনির উপরে ৭৮ হস্ত প্রস্থত একটা প্রবেশদ্বার আছে, তাহার চারি ধারে কয়লার গাড়ী রাখিবার ও কয়লা ফেলিবার যত্ন সকল সুসজ্জিত। এক বাল্‌তী কয়লা উঠিল, অমনি ছোট গাড়ী করিয়া রেলের উপর দিয়া তাহা কতকদূর চলিল; নিয়ে রেলওয়েতে লইয়া যাইবার জন্য বড় গাড়ী অপেক্ষা করিতেছে, ছোট গাড়ী কয়লা শুদ্ধ কেবল ঠেলিয়া দিতে হয়, সে কয়লা ফেলিয়া খালি হইয়া আপনি পশ্চাতে সরিয়া আসে। প্রবেশ দ্বারের দুইটা ভাগ, এবং দুই ভাগ দিয়া দুই বাল্‌তী কয়লা উঠিতে পারে। তাহার এমনি ব্যবস্থা, এক দিক দিয়া এক বাল্‌তী কয়লা পূর্ণ হইয়া যখন উঠিল, তখন অন্য ভাগ দিয়া পালি বাল্‌তী নামিল, খনির কৰ্মচারীরা সেই সময় তাহা চড়িয়া নামিয়া যায়। দ্বারের উপর কবট আছে, যেমন বাল্‌তী উঠে, সে আপনি উল্টে উঠিয়া যায়, নামিলেই আবার যথাস্থানে গিয়া পড়ে। বাল্‌তী রাখিবার লোহার দুইটা খুলান পিড়ি আছে, তাহা লোহার তারে পাকান

মোট লৌহ কাছি দ্বারা খুলান আছে। আমরা ৪ জন এক খুলান পিড়ির উপর চাপিলাম, অমনি নিয়ে গভীর অন্ধকারের রাজ্যে অবতরণ করিতে লাগিলাম। আমাদের সঙ্গে একটা আলোক ছিল, তথাপি অন্ধকার। এই গহ্বরটা ৪৫০ ফিট গভীর, উল্লীখঃ সরল ভাবে গিয়াছে, নামিতে ১ মিনিটের অধিক সময় লাগিল। গহ্বরের যে যে স্থান আমাদের দৃষ্টিগোচর হইল, তাহাতে দেখিলাম, চারিদিক প্রস্তরময়; প্রস্তর কাটিয়া এই গহ্বর প্রস্তুত হইয়াছে। সৰ্ব্ব নিম্নতলে মশাল জালিয়া সঙ্গে সঙ্গে লইয়া চলিলাম, সেখানে দিকনির্ঘণ হয় না, এক দিকে সর্কীর্ণ পথ দিয়া ২০০০ ফিট চলিলাম। তাহার ভিতর দ্বিবা বায়ু সঞ্চার হইতেছে, উপরের প্রবেশদ্বার দিয়া বায়ু আসিতেছে, অন্য দিকে খনির উপরে নির্গমদ্বার আছে, তাহা দিয়া বায়ু বহির্গত হইতেছে। বায়ু ইচ্ছামতে কোন দিকে অধিক চালনা করা যায়, তাহার জন্য পাশে পাশে গ্যালারী ও কবট আছে। ইহার ভিতরে যে অন্ধকার, তাহা বর্ণনীয় নহে। আমরা মশাল একটু সুরাইয়া লইতে বলিয়া দেখিলাম, আর কিছুদূর দৃষ্টিগোচর হয় না, সকলই অন্ধতমসাক্ষর। খনির যে পথ সরিয়া আমরা চলিলাম, তাহা কয়লা খুঁড়িয়া খুঁড়িয়া প্রস্তুত হইয়াছে, অনেক স্থানে পাথর কাটিয়া সোজা পথ করিয়া যাইতে হইয়াছে। এই খনিতে ইতিমধ্যে

৭০০ ফিট দীর্ঘ পথ প্রস্তুত হইয়াছে, তবু রীতিমত খনন-কার্য ৭৮ মাসের অধিক হয় নাই। এই সুড়ঙ্গপথে রেল সকল স্থাপিত হইয়াছে। কয়লা কাটিয়া কাটিয়া পাড়ী বোঝাই করিয়া এই পথ দিয়া গহবরের নিম্নে লইয়া যাওয়া হয় এবং উপরে উঠাইবার জন্য খুলান গিড়িতে চড়ান হয়। পথের উপরে পাথর ও ছই ধারে পাথর, উপরে অনেক স্থানে পাথরের নীচে কাঠ দেওয়া হইয়াছে, কেননা পাছে উপর হইতে পাথরের চাপ বা অন্য পদার্থ খসিয়া পড়ে। পথের কতক স্থানে সোজা দাঁড়াইয়া চলা যায়, অনেক স্থানে মাথা হেঁট করিয়া ও কোমর ভাঙ্গিয়া চলিতে হয়। পথের ধারে ধারে জল চৌয়াইয়া চলিয়াছে, উপর হইতেও কোথাও ফোঁটা ফোঁটা করিয়া জল পড়িতেছে। খনির ভিতর অনেক জল জমে, এক স্থানে দেখিলাম, তাহাতে একটি বৃহৎ পুকুরিণী হইয়াছে। পম্প যন্ত্রে করিয়া এই জল ছেঁচিয়া উপরে ফেলিয়া দেওয়া হইতেছে। প্রধান পথে যদিও বেশ হাওয়া চলে, কিন্তু শাখা পথে ও সঙ্কীর্ণ পথে বায়ুর অভাবে গ্রীষ্ম বোধ হয়। একটি পথ বেথানে শেষ হইয়াছে, দেখিলাম, সেখানে এক একটি প্রদীপ আলিয়া কুলী সকল কয়লা বা পাথর খুঁড়িতেছে। সাবলের ন্যায় যন্ত্রে তাহারা এই কার্য সম্পন্ন করে। কিন্তু কঠিন

প্রস্তরে শাবল ভাঙ্গিয়া যায়। শাবল দ্বারা তাহাতে কেবল এক একটা ছিদ্র বা গর্ত করা হয়, পরে তাহার ভিতরে বাক্সদ আলিয়া দিয়া চারি দিকের পাথর কাটাওয়া ফেলা হয়।

এই বন্টিতে তিন তাল কয়লার পথ দেখিলাম। নিম্নতল হইতে দ্বিতীয় তলে উঠিতে স্থানে স্থান সিঁড়ী মূখে কটি বাধান আছে, তাহা দিয়া উঠিতে কিছু কষ্ট হয়, বেন পাহাড়ে উঠিতেছি। স্থানে স্থানে কয়লার একটি পথের উপরেই আর একটি পথ হইয়াছে। কয়লা যে প্রণালীতে সজ্জিত থাকে, তাহা ধরিয়াই অনেক স্থানে পথ করিতে হয়। কিন্তু নীচে উপরে প্রস্তরের বাঁধন না পাইলে, আবার পথ হয় না। এক এক স্থান খুঁড়িতে খুঁড়িতে কখন কখন ১০১৫ ফিট নিম্নতর হইয়া পড়ে তখন সে স্থান ছাড়িয়া অন্য দিক দিয়া আবার সুড়ঙ্গ প্রসারিত করিতে হয়।

আমরা দ্বিতীয় তলে একটি স্থানে আসিয়া নির্গমদ্বারের গহবর পাইলাম। সেখানে খুলান গিড়িতে চাপিলাম। উঠিতে উঠিতে মধ্য পথে তৃতীয় সুড়ঙ্গ দেখিলাম। এবার অনেকটা আলোকের মধ্য দিয়া আসিলাম, কিন্তু তথাপি ১ হইতে ১৬০ গণিতে যত সময় লাগে, গহবর দিয়া উঠিতে তত সময় লাগিল। আমরা উজ্জ্ব উঠিয়া দেখি, প্রবেশদ্বার হইতে বহুদূরে আসিয়া পড়িয়াছি।

অসভ্য জাতির বিবরণ।

সাঁওতাল জাতি।

সাঁওতালের অনাথ্য। ইহারা মেদিনী-
পুর, বাঁকুড়া, বীরভূম, মানভূম, রাঙ্গামহল,
চোটনাগপুর প্রভৃতি স্থানে বাস করে।
পূর্বে ইহারা জঙ্গলে ও গাছাড়ে থাকিত,
এবং মৃগয়া প্রভৃতি দ্বারা জীবিকা
নির্ভর্য করিত। এখন ইহারা কৃষির
নির্মাণ করিয়া গ্রামে বাস করে এবং কৃষি-
কর্ম্য করিতেও আরম্ভ করিয়াছে।
কমলার খনি খনন, পাথর কাটা এবং
অন্যান্য শ্রমজনক কার্যে ইহারা অনেক
নিযুক্ত। ইহাদিগের মধ্যে কতকগুলি
খৃষ্টীয় ধর্ম অবলম্বন করিয়া সভ্য পরিচ্ছদ
ও আহারপ্রণালী অবলম্বন করিয়াছে,
অনেকে আবার হিন্দুদিগের পদ্ধতি
অনুসরণ করিয়াও চলিতে আরম্ভ
করিয়াছে। ইহাদিগের মধ্যে পাঠশালা
সকল স্থাপিত হইয়াছে, ক্রীড়াক্ষারও
সুত্রপাত হইয়াছে।

ডাক্তার কোর্টস চোটনাগপুরের ৭৮
বর্ষের জাতির ভাষা বিবরণ লিখিয়া যে
পুস্তক প্রণয়ন করিয়াছেন, প্রধানতঃ তাহা
অবলম্বন করিয়া পাস সাঁওতাল জাতির
বৃত্তান্ত সংগৃহীত হইল। সাঁওতালদিগের
মধ্যে জাতিভেদ নাই এবং ভিন্ন ভিন্ন
শ্রেণীবোধক উপাধিও নাই। ইহারা
ব্যাস হইতে ইন্দুর পর্য্যন্ত সকল জন্তুর
মাংস খায়। ইহাদিগের নিকট অখাদ্য

কিছুই নাই; কুকুর ও শকুনির মাংস
ভাল লাগে না বলিয়া ইহারা খায় না।
পুষ্টিকর উদ্ভিদ মাত্রই ইহাদের খাদ্য।
যে কোন জাতি রন্ধন করিয়া দিগে
থাকিতে ইহাদের আপত্তি নাই। ইহারা
সকল প্রকার মদ্যপান করে এবং
তানাক খায়।

সাঁওতালেরা সর্বপ্রকার কার্য করি-
তেই প্রস্তুত। কাঠের বোঝা মাথায়
ও কাঁধে করিয়া সমান বহিতে পারে।
ইহাদের মধ্যে কামার নাই কিন্তু ইহারা
লোহার কাজ করিতে পারে। ইহারা
কাপড় বোনে ও পরে, কখনও এককালে
উলঙ্গ থাকে না এবং গাছের পাতা বা
বস্ত্রলও পরিধান করে না। ইহাদের
জীলোকের মধ্যে কেহ কেহ পিত্তলের
গহনা হাতে ও পায় পরিধান করে। কেহ
কেহ হাত, গলা ও উরুদেশে উল্কি পরে,
কিন্তু কেহ উল্কী পরিয়া মুখশ্রী মষ্ট
করে না। সাঁওতালেরা অত্যন্ত আমোদ-
প্রিয়। ইহারা বাঁশী বাজান, গান করে
ও নাচে। সাঁওতালী নাচ অনেকটা
উরাজদিগের “বল ড্যান্সের” ন্যায়।

সাঁওতালেরা কখনও তীর্থযাত্রা করে
না। ইহারা দেবতা ও অপদেবতায়
বিশ্বাস করে। ভূত অপদেবতাদিগের
রাজ্য। ইহাদিগের মধ্যে স্বর্গ বা নরক

বলিয়া কোন স্থান নাই। ইহাদিগের উপাস্য দেবতা সিং বা চান্দ বঙ্গ অর্থাৎ চন্দ্র ও সূর্য। ইহারা নক্ষত্রদিগের পূজা করে না। ইহাদের মতে পৃথিবী সূর্য ও চন্দ্রের, সুতরাং সূর্য চন্দ্রের পূজা করিলে পৃথিবীরও পূজা করা হয়। ইহারা উপাস্য দেবতার নিকট গো, মহিষ, ভেড়া বা মুরগী বলি দেয় না, কেবল পাঁটা বলি দেয়। যখন ছাগ বলি দিয়া পূজা দেয়, পরিবারের জীপুরুষ সকলে তাহাতে যোগ দিয়া থাকে। বৎসরান্তে, কখনও দুই বৎসরান্তে একরূপ পূজার উৎসব হয়। ইহাদিগের মতে ছয়টা অপদেবতা আছে, তাহাদের নামঃ—মারা বৃক্ক, পরগানা, মাঝি হারাম, মোড়িকো, জিহার হিরা ও গোসাঁই উরা। ইহারা জ্বর আনে, গো মেষ প্রভৃতিকে মারিয়া ফেলে, ভাল শস্য জন্মিতে দেয় না এবং অন্যান্য অমঙ্গল ঘটাইয়া থাকে। পুরুষ বা জীলোক ডাইন হইতে পারে, ইহা তাহারা বিশ্বাস করে না। ইহারা অপদেবতাদিগকে সন্তুষ্ট করিবার জন্য মুরগী বলি দেয়। ইহাদের বিশ্বাস ইহাদের মৃত আত্মীয়গণ ইহাদের বাটীর চতুর্দিকে, মাঠে বা শাল গাছে থাকে। যখন কোন অমঙ্গল ঘটবার সম্ভাবনা হয়, তখন তাহারা স্বপ্নে বলিয়া দেয় এবং ভূতদিগের পূজা দিতে পরামর্শ দেয়।

ইহাদের পরিবারের বিনি কর্তা, তিনিই পূজা ও বলিদান করেন। দেবতার

কাছে প্রার্থনা করা হয়, পরিবারের সকলে ঘন ভাল থাকে, গীড়ার শান্তি হয়, শস্য প্রচুর পরিমাণে উৎপন্ন হয়, এবং ধন বৃদ্ধি হয়। পরকালে পাপের কোন শাস্তি হইবে সে বিশ্বাস ইহাদের নাই এবং সেই শাস্তি নিবৃত্তির বা মজ্জির জন্যও ইহারা প্রার্থনা করে না। ইহাদের প্রধান দেবতা ইহাদের মহাস হইলে ভূতদিগের উপাস্য হইতে ইহাদিগকে রক্ষা করিতে পারেন। ইহারা বলি দিবার সময় বাটীর বাগিচের কোন প্রশস্ত স্থানে বা মাঠে প্রাতঃ সূর্যোদয় দিকে মুখ করিয়া বলি দিয়া মুণ্ডচ্ছেদ করে। যেখানে বলি দেয়, সেখানে মুণ্ড গড়িয়া থাকে ও তাহা হইতে রক্তের স্রোত বয়। পরে পক্ষীর শালক বা পাঁটার লোম ঝলসাইয়া লয়, চামড়া খণ্ড খণ্ড করিয়া কাটে, গাঁট সকল ছাড়াইয়া লয়, নাকী ভুড়ী বেশ করিয়া ধুইয়া মসলা দিয়া এক পায়ে রাখে এবং চাউল, তরকারী ও লবণ দিয়া সিক্ত করে। বাটীর মধ্যেও মাংস সিক্ত হইতে পারে, কিন্তু ভোজনের সময় বাহিরে আসিয়া পূর্বদিকে মুখ করিয়া খাইতে হয়। আহারের সময় পরিবারের কর্তা প্রথম গ্রাস লন, তৎপরে আর সকলে খাইতে আরম্ভ করে। ফল, ভাত প্রভৃতি এক সঙ্গে খাওয়া হয়। পুরোপলক্ষে ভোজের সময় দুধ ও জল পান করে, স্রাপান করে না। আহার শেষ হইলে বহুগণ একত্র মিলিয়া মদ্য পাইলে পান করিতে

পারে, কিন্তু তাহা প্রসাদী দ্রব্য বলিয়া গণ্য হয় না ।

ইহারা কখনও সর্পের পূজা বা তাহার নিকট বলিদান করে না । যে সকল পরিবার প্রধান দেবতার পূজোপলক্ষে একত্র প্রসাদী ভক্ষণ করে, তাহাদের মধ্যে সন্দেহ সূচ হয় । এরূপ উপলক্ষে সকল পরিবার মিলিত হয় না এবং তাহা না হইলে কোন দোষও বিবেচিত হয় না । তবে বাহারী এইরূপে সম্মিলিত হয়, তাহাদের মধ্যে বাধাবান্ধকতা ও আত্মীয়তা বাড়িয়া থাকে । ভোজের সময়ে কখন মুরগী বলিদান হয় না । পিতা মাতা মরিয়া গেলে তাহাদিগের

স্মরণার্থ মোরগ বা মুরগী বলি দেওয়া হয় ।

ইহাদিগের প্রধান বার্ষিক উৎসবের নাম বাহা, তাহা প্রতিবৎসর বৈশাখ মাসে হয় । তখন ইহারা মুরগী বলি দেয় এবং তাহা চাউল ও লবণের সজ্জিত গিদ্ধ করিয়া শাল পাতায় রাখিয়া ভোজন করে । তখন যে যত পারে মদ খায় ও মাতাল হয় । সে সময় স্ত্রীলোকেরা বাড়ীতে থাকে, পুরুষেরা শাল বনে মাচ গান ও খেলা করিয়া বেড়ায় । বিবাহাদি উপলক্ষে অন্য প্রকার উৎসব ও ভোজ হইয়া থাকে ।

(ক্রমশঃ)

আশাবতীর উপাখ্যান ।

(পূর্ব প্রকাশিতের শেষ)

ঈশ্বরদর্শন ভিন্ন মন নিঃসংশয় হয় না । কেহ বলে, তিনি সাকার ; কেহ বলে নিরাকার, তাহা প্রথমে কিরূপে স্থির করিব ?

যোগী । শাস্ত্রে আছে, তিনি নিরাকার, এবং তিনি সাকার । এই বিশ্বব্রহ্মাণ্ড কিছুই ছিল না । পরব্রহ্ম স্বীয় শক্তি দ্বারা এই অখণ্ড ব্রহ্মাণ্ড সৃষ্টি করিয়াছেন । সৃষ্ট পদার্থ জড় ও চৈতন্য ক্ষিতি, অপ, তেজঃ, মরুৎ, ব্যোম এই সকল পদার্থ এবং তৎ তৎ যোগে যত কিছু পদার্থ হইয়াছে, সমস্তই জড় ।

কীট, পতঙ্গ, পশু, পক্ষী, মনুষ্য ইহারা চৈতন্য । সৃষ্টিকর্ত্তা এই উভয়বিধ পদার্থ হইতেই সত্ত্ব । তিনি সৃষ্টি করিয়াছেন, কিন্তু নিজে স্বাতন্ত্র্য কাহারও মহিত তাঁহার তুলনা হয় না । এজন্য তিনি নিরাকার । নিরাকার বলিতে শূন্য নহে । তিনি সচ্চিদানন্দ । তাঁহার রূপ আছে । সে রূপ নিত্যরূপ । সে রূপ সচ্চিদানন্দময় । জ্ঞানচক্ষু—ভক্তিচক্ষু প্রস্তুত হইলে, পরমেশ্বরের নিত্যরূপ দর্শন করা যায় । যতদিন তাঁহার নিত্যরূপ দর্শন না হয়, ততদিন তাঁহাকে

মাকার নিরাকার বলিয়া যাহা প্রকাশ করিবে, তাহা তোমার কল্পনা, অথবা শোনা কথা। চিরকাল ভক্ত সাধকগণ ভগবানকে দর্শন করিয়া অপার ব্রহ্মানন্দ ভোগ করিয়া আসিতেছেন। সেই রূপ-মাধুরী যে একবার দেখিয়াছে, সে আর তাহা ভুলিতে পারে না। বাগানের কত বাগানে আসিলে, বাগানের মাগী যেমন দূরে গিয়া দণ্ডায়মান হয়, সেইরূপ দীনবন্ধু গড়ু স্তদয়-উন্মাদনে উপস্থিত হইলে, অহঙ্কার-মাগী দূরে গিয়া করযোড়ে অবরতি করে। “প্রভো! আমি দাস”, মাগীর মুখে কেবল এই কথা। প্রভুর আগমনে মাগী বন্দনা করিলে শরীরের রোমগুলি ভক্তিভাবে দাঁড়াইয়া প্রভুর স্তব করে, নয়ন তাঁর চরণ ধৌত করে।

আশাবতী। প্রভো! দাসীর প্রতি অনেক রূপা করিলেন, ধর্মের এ সকল গুণ তবু কে আমার দয়া করিয়া উপদেশ করিতেন?

যোগী। মা! ধর্মের গুণ তবু তোমাকে আমি বলি নাই। যখন যোগিনী জননী রূপা করিবেন, তখনই তাহা অবগত হইবে। আমি যাহা বলিলাম, তাহা বিবিধ গ্রন্থে লিপিত আছে। ধর্মকথা নহে, মন্ত নহে, ধর্ম প্রত্যক্ষ—তাহা সংযোগ করা যায়।

আশাবতী। আহা! কত দিনে আমার জীবন ধন্য হইবে।

যোগী। ঐ যে, দূরে পাঁচড়

দেখিতেছ, উহার নাম প্রেতগয়া। এখান হইতে ও ক্রোশ হইবে। এখানে বিশেষ কিছু নাই। চল অন্য আকাশ-গঙ্গা আজ্ঞে গমন করি।

পরদিন প্রাতঃকালে যোগির ও আশাবতী স্নান পূজা করিয়া বিজ্ঞান করিতেছেন, এমন সময় কয়েকটি বাগাল আগিয়া বলিল যে, উপরের পাঁচড় একটা মহাত্মা বসিয়া আছেন। ইহা শ্রবণমাত্র আশাবতী কিছু সেবার বস্ত্র লইয়া সেই মহাত্মার নিকট উপস্থিত হইলেন। মহাত্মার দিবা কান্তি, দিবা হাবণা; এক প্রকার স্বর্গীয় জ্যোতিঃ বাহির হইতেছে। তদর্শনে আশাবতী মুগ্ধা হইলেন; জ্ঞানহারী হইয়া অজ্ঞাত-ভাবে যৌদন করিতে লাগিলেন। পিতা কে রূপ কন্যাকে ক্রোড়ে গ্রহণ করেন, মহাত্মা আশাবতীকে সেইরূপে গ্রহণ করিলেন। আশাবতী মনঃসুখের ন্যায় সেই মহাপুরুষের প্রতি ফাল্ ফাল্ করিয়া চাহিতে লাগিল। মহাত্মা শক্তি সঙ্গার পূর্বক আশাবতীকে দীক্ষিত করিলেন। আশাবতীর প্রাণে এক অপূর্ব শক্তি প্রবেশ করিল। মহাপুরুষ আশাবতীকে সাধকপ্রণালী শিক্ষা দিলেন। আশাবতী এই অযাচিত দয়া লাভ করিয়া ভক্তিভাবে গুরুদেবকে সগাম করিলেন। আশাবতী সগাম করিয়া অজ্ঞান হইয়াছিলেন। উঠিয়া দেখিলেন, মহাপুরুষ প্রস্থান করিয়াছেন। অনেক অন্বেষণ করিলেন। কিছুতেই পাইলেন

মা, নীচে আসিয়া সনস্ত খটন যোগিবরকে জানাইলেন। তিনি হাস্য করিয়া বলিলেন, আশাবতী! যোগিনী জননী তোমাকে কৃপা করিয়াছেন। তোমার মনোবাঞ্ছা পূর্ণ হইয়াছে। তাঁহার দর্শনের জন্য চিন্তা করিও না। যখন প্রয়োজন হইবে, তখন তাঁহার দর্শন পাইবে। এই কথোপকথন হইতেছে, এমন সময়ে কেহ আসিয়া সংবাদ দিলেন যে, বারাবার পাহাড়ে এক মহাত্মা অবস্থিতি করিতেছেন। আশাবতীর নিত্য ইচ্ছা হইল যে, তিনি সেইখানে গমন করেন। কিছু প্রকাশ করিতে পারিতেছেন না।

যোগী। মা আশাবতী! বারাবার পাহাড়ে যাইতে বড় ব্যাকুল হইয়া, চল 'তোমাকে সঙ্গে লইয়া আমিও মহাপুরুষ দর্শন করিয়া আসি।

আশাবতী যোগিবরকে প্রণাম করিয়া মহাপুরুষ দর্শনের জন্য প্রস্থান করিলেন।

যোগী। মা! এই বারাবার পাহাড়। এ যে মন্দির, ওখানে এক জন ভৈরব থাকেন। চল তাঁহার নিকট গেলে, সকল সংবাদ প্রাপ্ত হইবে। মন্দিরের নিকটবর্তী হইয়া দেখিলেন, ভৈরব মর্কট শরীরে কালী মাথিয়া মুখে মিস্ত্র দিয়া ভয়ানক রূপ করিয়া দণ্ডায়মান আছেন। যোগীও আশাভীক দেখিবামাত্র প্রস্থর ছুড়িতে লাগিলেন। যোগীরা ভীত না হইয়া ভৈরবের স্তব করিতে করিতে তাঁহার

নিকটে গিয়া তাঁহার চরণ ধরিয়া প্রণাম করিলেন। বলিলেন প্রভো! আমরাগকে দয়া করুন, আমরাগকে মহাপুরুষ দর্শন করান। স্তব স্তবিত্তে ভৈরবের দয়া হইল।

ভৈরব। তোরা কিছু প্রসাদ পাবি? তোদের ক্ষুধা হয়েছে; কিছু প্রসাদ গ্রহণ কর।

যোগী। আপনি কৃপা করিয়া বাহ্য দিবেন, তাহাই প্রসাদ। দয়া করিয়া প্রসাদ দিন।

ভৈরবী প্রসাদ আনিয়া দিলেন।

যোগী। (কিঞ্চিৎ স্তব্ধ ভাবে) আজ্ঞা আমরা মৎস্য মাংস ভোজন করি না। বিশেষতঃ নরমাংস !!!

ভৈরব। তবে তোরা অধোরের আশ্রমে এসেছিস কেন?

যোগী। প্রভো! দয়া করুন। আমরা দিগকে পরীক্ষা করিবেন না। আমরা সম্ভান। পিতা পরীক্ষা করিলে, কি সম্ভান রক্ষা পায়?

ভৈরব। চল তোরা চল। মহাপুরুষ, মহাপুরুষ; কত মহাপুরুষ দেখি চল। উভয়কে সঙ্গে লইয়া এক সম্মুখ পথ দিয়া এক প্রকোষ্ঠে উপস্থিত হইলেন। সে গৃহের চারি কোণে চারি জন মহাত্মা সমাধি লইয়া বসিয়া আছেন।

দিবা অবসান সময়ে তাঁহাদের সমাধি ভাঙিল। তাঁহারা জানাদি কার্য সমাপন করিয়া আসনে উপবেশন পূর্বক জিজ্ঞাসা করিলেন।

টৈব। উহারা আপনাদিগকে
দর্শন করিতে আসিয়াছেন।

মহাপুরুষ। সেবা হইয়াছে?

ভৈরব। মহাপ্রসাদ দিয়াছিলাম,
উদার নরমাংস বলিয়া ত্যাগ করিলেন।
যৎকিঞ্চিৎ ফলমূল সেবা করেছেন।

মহাপুরুষ। একি অনায়াস। তোমার
ধর্ম্ম নরমাংস ভোজন করে, পীড়ায় কি
সকলেই ভাষা করিবে। ইহাতে অতিথির
অপমান করা হয়।

যোগী। আজ্ঞা, গুরুপ বস্ত্র ভোজন
করা কি ধর্ম্মের অঙ্গ?

মহা। না মহারাজ! ধর্ম্ম এক, গম্য
পথও এক, লোচের কুটি অল্পসারে
নানা মত, নানা পথ। যে, যে পথে গমন
করে, সেই পথের অনুরূপ তাহার আহার
ব্যবহার। কোন পথে অন্ন ব্যঞ্জন
প্রভৃতি বিবিধ উপাদেয় খাদ্য বস্ত্র প্রাপ্ত
হওয়া যায়। কোন পথে মাংস ভিন্ন
আর কিছুই মিলে না। গম্য স্থানে
উপনীত হইলে আর ভেদ-জ্ঞান থাকে
না। দেখ আমরা এই চারি জন পূর্বে
সম্পূর্ণ স্বতন্ত্র পথে চলিতাম। একজন
রামাত, একজন নানকপন্থি, একজন
কপালী, আর আমি অখোরী। পূর্বে
আমাদের মধ্য মিল ছিল না। বরং
বৈরি বিরোধ ছিল। পথে চলিতে চলিতে
যখন আমরা গম্য স্থানে অর্থাৎ সত্য গৃহে
উপস্থিত হইলাম, তখন আমরা চারি
জনই দেখি যে, আমরা এক স্থানে
আসিয়াছি। আমাদের সমস্ত ভিন্নতা

চলিয়া গিয়াছে। আমরা একগুহে
এক ভাবে এক বস্ত্র দেখিতেছি,
একরূপ আশ্বাদন করিতেছি। ভেদজ্ঞানে
জগৎকে যে ক্লেশ ভোগ করিতাম; এখন
সে ক্লেশ নাই। যত দিন গম্যস্থানে
উপনীত না হওয়া যায়, ততদিনই
মতভেদ, দলাদলি, সম্প্রদায়। সুতরাং
মতভেদের সঙ্গেই আহার বিহার সমস্ত
বিষয়েরই ভিন্নতা থাকে।

যোগী। আপনার উপদেশে আমরা
অত্যন্ত উপকৃত হইলাম। এখন অমুমতি
করুন আমরা প্রস্থান করি।

যোগিবর আশাবতীকে সঙ্গে লইয়া
আকাশগঙ্গা আশ্রমে আগমন করি-
লেন।

আকাশগঙ্গার পূজনীয় বাবাজী
আশাবতীকে বলিলেন, মা! তোমার
মনোবাঞ্ছা পূর্ণ হইছে। এখন একবার
তীর্থ ভ্রমণ কর।

আশাবতী। মহারাজ! গুরুদেব
আমাকে কৃপা করিয়াছেন, কিন্তু এই
অমূল্য রত্ন কি রূপে রক্ষা করিতে হয়,
কিছুই জানি না।

বাবাজী। তজ্জন্যই তীর্থ ভ্রমণ করিতে
বলিতেছি, এখন তোমাকে স্পর্শমণি
স্পর্শ করিও। যেখানে যাইবে, সেই
খানেই মহাপুরুষগণ তোমাকে স্নেহভরে
আদর করিয়া গ্রহণ করিবেন। তাঁহাদের
নিকট সমস্ত সাধনতত্ত্ব অংগত হইবে।
এখন আপনা হইতেই পথ পরিষ্কার
হইবে।

আশাবতী। তীর্থভ্রমণে অর্থের
প্রয়োজন, বণীর প্রয়োজন, তাহা কোথার
পাবে?

য়েণী। মা! আশাবতী! এখনও

কি আশাকে বিশ্বাস করিতে পার না।
তোমার সমস্ত ভাব আমি লইয়াছি।
ভগবান ভরসা, তিনি তোমার আশা
ফলবতী করিবেন।

নূতন সংবাদ।

১। ব্রহ্মরাজ খিদের সহিত ইংরাজ-
দিগের যুদ্ধের ইন্দোপগ হইয়াছে। ইতি-
পূর্বে ছই বারের ব্রহ্মযুদ্ধে ইংরাজের
ব্রহ্মরাজ্যের প্রায় আর্দ্ধিক হস্তগত
করিয়াছেন, এবার বোধ হয় সর্বগ্রাস
হইবে। যুদ্ধের কারণ শুনা যায়, কতক-
গুলি ইংরাজ বণিক রাজস্ব না দিয়া
ব্রহ্মদেশে হইতে অনেক টাকার কাঠ
কাটিয়া লইয়া যান, তাহাতে ব্রহ্মরাজ
তাহাদিগের অসম্মান করেন। ভারত-
বর্ষীয় গবর্ণমেন্ট ইহাতে হস্তক্ষেপ
করিতে যাওয়াতে, ব্রহ্মরাজ দুর্বৃত্তিবশতঃ
তাহাদিগের মধ্যস্থতা গ্রাহ্য করেন
নাই। ইংরাজ-কোপের ফল এই বার
বুঝিবেন।

২। আমরা শুনিয়া যার পর নাই
আশ্চর্য হইলাম অমৃতধর আর্ধ্য-
সমাজের সাংবৎসরিক অধিবেশনে এক
জন হিন্দু মহিলা সমাজ সংস্কার বিষয়ে
একটা সুন্দর বক্তৃতা করিয়া শ্রোতৃবর্গকে
মোহিত করিয়াছেন। কার্যক্ষেত্রে গুলিয়া
দিলেই স্ত্রীলোকের ক্ষমতার পরিচয়
পাওয়া যায়।

৩। সঞ্জীবনী পুরাতন জরী নূতন

করিবার এক সংকল্প লিখিয়াছেন—
প্রথমে জরীর উপর ঈষৎ উফ ইষ্ট্রী
করিয়া ভাঁজ করিবে, পরে তাহা
পরিষ্কার কাপড়ের একটা থলিয়ার মধ্যে
পুরিয়া ২৪ ঘণ্টা বাদামের তৈলের মধ্যে
ডুবাইয়া রাখিবে। একটা পাতে সারান
গোলা তপ্ত জলে থলিখুটি ১৫ মিনিট
শিক্ত করিয়া জরী তুলিয়া লইয়া শীতল
জলে ধুইবে, তাহা বাতাসে শুকাইলেই
ঠিক নূতন জরী হইবে।

৪। ভাদ্র মাসে যে ভূমিকম্প আরম্ভ
হইয়াছে, ময়মনসিংহের কোন কোন
স্থানে আজিও তাহার বিরাম হয় নাই।

৫। উড়িষ্যার বন্যাপীড়িত লোক-
দিগের সাহায্যার্থে গবর্ণমেন্ট ২০ হাজার
টাকা মঞ্জুর করিয়াছেন, বঙ্গদেশেও
সাহায্যের চেষ্টা হইতেছে। দুঃখের
বিষয়, সুব্যবস্থার অভাবে বিপন্ন লোকে
সময়ে সাহায্য পাইতেছে না।

৬। মেক্সিকো উপসাগরে এক মৎস্য
ধূত হইয়াছে, তাহা দীর্ঘ ১৪ ফিট ও
প্রস্থে ১৬ ফিট, তাহার সুগ ৪ ফিট,
তাহার ছই দিকে শৃঙ্খলিত ছইটি ডাঁড়
আছে, তাহা দ্বারা আহার শিকার করে।

পুস্তক প্রাপ্তি ও সমালোচনা।

১। বরদান—শ্রীশঙ্কর বিদ্যাস
বিরচিত, মূল্য ১/০ আনা। আমা
কুলীরমণীর প্রতি সাহেব অত্যাচার
উপলক্ষ করিয়াই বোধ হয় ইহা লিখিত
হইয়াছে। ইহা দৃশ্যভিনয় বোধ্য,
লেখকের লিপিনৈপুণ্য প্রশংসনীয়।

২। সতী বিলাপ—শ্রীমদ্বৈকুণ্ঠ
বিদ্যারত্ন প্রণীত, মূল্য ১/০ আনা।

কবিতাগুলি অনেক স্থলেই জদ্বন্দ্বস্পর্শী
ও ধর্মভাবোদ্দীপক।

৩। কবিতা পাঠ—শ্রীমহেন্দ্রনাথ চক্র-
বর্তী বিরচিত, মূল্য ১/০ আনা। বিবিধ
বিষয়ক প্রবন্ধ জুলিলিত কবিতা ছন্দে রচিত
হইয়াছে। মধ্যে মধ্যে লেখকের কবিত্ব-
শক্তিরও বেশ পরিচয় পাওয়া যায়। একপ
গ্রন্থবিদ্যালয়ের পাঠ্য হইবার যোগ্য।

বামাগণের রচনা।

আবার! আবার!

১

বিগত রে কতদিন, তথাপি সে সব,
মনে পড়ে প্রাণ ভরা বালোর বৈভব।

সেই যে সুমিষ্ট কথা,
সুপবিত্র সরলতা,

ভালবাসা-মাথা মুখ, আজি-রে কোথায় ?
কোথা সেই বালা সাধী জীবনের প্রায় ?

২

কোথা সেই দিন, যবে—সকলে মিলিয়া,
ছুটিতাম বাড়ী পানে, কে যাবে বলিয়া ?

‘কে আগে এগুতে পারে,
কে বেশী ছুটিতে পারে,’

সেই মধু মাথা কথা, আজি অপ্রকাশ,
স্বপ্নের সে দিন নাই বিষাদ নিরাস।

৩

যবে সেই বিদ্যালয়ে অপূর্ব মিলন,
যবে রে হেরিছ তারে, প্রিয় দরশন,

সে সব এখনো যে-রে,

“ছব্বের স্তরে স্তরে,”

আছে আঁকা, মুচিবে না, ভুলিবে না আর,
সেই প্রিয় মুখ ধানি জীবনে আবার,

৪

বিনোদ! কি আছে মনে বালা সঙ্গিনীবে ?
সে দিন কি কভু তব উদে গো অন্তরে ?

আর কি এ অভাগীরে,

ভুলিয়াও মনে পড়ে,

অতীত সে সুখ যদি বিস্মৃতির নীবে,
দিরেছ কি বিসর্জন জনমের তরে ?

৫

ভুলেছ কি সেই দিন, যবে গো হাঁসিয়া,
রাগাইতে ‘বসন্তের’ হাত তালি দিয়া ?

সেই যে সে ভালবাসা,

সঙ্গে সঙ্গে কাঁদা হাঁসা,

সেই যে সহ্যভুত্ব, বদনে প্রকাশ,
অব্যক্ত মনের ভাব, হৃদয়ের সহাগ ।

৬

এখনো চমকে বুক বিনোদ বলিলে,
ভাসিরে শৈশব মাথা স্থবের সলিলে,

আজো সেই বাড়ীটির,

সেই সরসীর তীরে,

চাহিলে ভাগিয়া যায় স্বপ্ন আমার,
নিরাশা কি ভয়ানক কেবলি আঁধার ।

৭

দেখি নাই কত দিন ব্যতীত স্বপ্নে,
সেই চাঁদমুখ থানি, প্রীতির নয়নে,

সেই যে বৈকালে সখি,

সর্কাসে শিটুলি মাখি,

দিতছিলে আলিপানা সৌজুতি পূজায়,
মনে পড়ে সেই দিন, আবার ! আবার ।

৮

বিনোদ ! কি আছে মনে সাধের কালনা,
দেখিতে শৈশব মাথা আছে কি বাসনা ?

মনে আছে সেই হাসি ?

সেই ভাল বাসা বাসি,

সেই গলা পরা ধরি, গলি পথ দিয়ে, —

যেতেম, ফুটিত কাঁটা, কে দেখিত চেয়ে ?

৯

সেই থাকিতাম পথে, অপেক্ষা করিয়া
রৌদ্র বৃষ্টি হেরে যেত বল প্রকাশিয়া,

সেই অু চেহারা থানি,

সেই যে অনিয় বাণী,

ভুলিনি আজিও তাহা, গাথা এ অন্তরে,
পাষাণে পড়েছে দাগ বিনোদ অকরে ।

১০

আজিও স্মরিলে তোমা, কি যে সে যাতনা,
ভাষাতে মুখেতে ব'লে বুঝাতে পারিনা,

বিনোদ বলিলে সখি,

কেবলি তোমারে দেখি,

শ্রবণে দর্শন অহো, মধুরতা মর,

জগয়ের মূর্তি থানি নয়নে উদয় ।

১১

পত্রিকা কাগজে দেখি (বিনোদিনী) নাম,
সেই পূর্বের স্থখ, সেই সে আশ্রাম ।

সেই বালা লীলা চর,

একে একে মনে হয়,

বাণের বিনোদ বলি ; সহজ রকমে,

বিধে সেই পূর্ব ছবি মরমে মরমে ।

১২

কোথা চিন্তা ভয় হীন শৈশব জীবন ?

কোথায় সাধের খেলী—বিনোদ এখন ?

কোথা মুখ নিরমল,

জদি পদ্ম শত দল—

ফুটিত রে একেবারে যে মুখ দেখিয়া,

কোথায় বগলা আজ বিষাদে মথিয়া ?

শ্রীহরিমতি দেবী ।

বামাবোধিনী পত্রিকা।

THE
BAMABODHINI PATRIKA.

“कन्यायेवं दान्त्वनीया शिष्यणीयानियन्तः।”

কন্যাকে পালন করিবেক ও যত্নের সহিত শিক্ষা দিবেক।

২৫১
সংখ্যা।

অগ্রহায়ণ ১২৯২—ডিসেম্বর ১৮৮৫।

{ ৩য় কর।
২য় ভাগ।

সাময়িক প্রসঙ্গ।

আশ্চর্য্য বিলাতি বিচার—
যে পেলমেল গেজেটের সম্পাদকের
অটল উদ্যম, অবিশ্রান্ত চেষ্টা ও প্রভূত
ক্লেম স্বীকার হেতু ইংলণ্ডের বালিকা-
গণের রক্ষার জন্য একটি নূতন আইন
বিধিবদ্ধ হইয়াছে, তিনিই এই কার্যের
পুরস্কার স্বরূপ ৩ মাস কারাবাস দণ্ড
প্রাপ্ত হইয়াছেন। এই কার্যের ইতিবৃত্ত
একটি অদ্ভুত উপন্যাস। সম্পাদক
আইনটী বিধিবদ্ধ করাইবার জন্য অনেক
প্রকারে চেষ্টা পান, কিন্তু তাহাতে
নিরাশ হইয়া অবশেষে এক কৌশল
থেনেন—এলিজাবেথ আরমস্ট্রং নামক
একটি ১৩ বৎসরের বালিকাকে কিছু
টাকা দিয়া তাহার মাতার নিকট

হইতে ভাড়া করিয়া লইয়া যুক্তি
ফৌজের সাহায্যে ক্রান্তদেশে চালান
করেন, পরে সেই যাত্রায় নিজে লিথিয়া
নিজে ধরা পড়েন। তিনি অতি
তেজস্বিতার সহিত আত্মপক্ষ সমর্থন
করেন। তাঁহার কোন কোন কার্য
আমরা অমুমোদন করিতে না পারিলেও
তাঁহার সদভিপ্রায় ও আশ্চর্য্য
সাহসিকতাকে ধন্যবাদ দি। তাঁহার
চেষ্টায় যে সফল ফলিয়াছে, তজ্জন্য
সমুদায় ইংলণ্ডের কৃতজ্ঞ হওয়া উচিত।

হিন্দুবিবাহের বিভ্রাট—বোম্বাই
প্রেসিডেন্সীর একটি বালিকা স্বামী
ধর করিতে অস্বীকৃত হওয়াতে তাহার
স্বামী জজ আদালতে নালিস করেন।

জজ বাহাদুর বালিকার পক্ষ সমর্থন করিয়া এই মর্মে রায় দিয়াছেন “কন্যার অসম্মতিতে যে বিবাহ হইয়াছে এবং যে বিবাহহুজে বন্ধ হইয়া স্বামীর বর করিতে কন্যা অসম্মত, তিনি বিধি অনুসারে তাহাতে তাহাকে বাধ্য করিতে পারেন না।” সামাজিক বিষয়ে বিদেশীয় রাজার হস্তক্ষেপ নিতান্ত অপ্রার্থনীয়, কিন্তু দেশবাসিগণ সমাজ সহজে দেশ-কালোচিত উপযুক্ত ব্যবস্থা না করিলে রাজবিধির কশাঘাত কাজে কাজেই সহ্য করিতে হইবে।

ব্রহ্মযুদ্ধ—ভারতগবর্ণমেন্টের পক্ষে প্রত্যুত্তরে ব্রহ্মরাজ খিব লিখিয়াছেন, তিনি অন্যান্য ইউরোপীয় গবর্ণমেন্টের সহিত পরামর্শ না করিয়া শেব উত্তর দিতে পারিতেছেন না। তজ্জনা ৩ মাস সময় চাই। উভয় পক্ষেই যুদ্ধের রীতিমত উদ্যোগ হইতেছে।

সস্তান ভাগ্য—ইংলণ্ডে কোন ব্যক্তির এককালে বম্ব ৩ সস্তান হইলে মহারাণীর দাতব্য কণ্ড হইতে ১০১২ টাকা পুরস্কার দেওয়া হয়। মার্ক হপ-কিনসন নামক এক গরিব গাড়েয়ানের এককালে ৪টা পুত্র সন্তান হইয়াছে। এ ব্যক্তির অধিক পুরস্কার লাভের সম্ভাবনা।

রচনার পারিতোষিক—বাবু বজ্রমোহন দত্তের প্রদত্ত পারিতোষিক রচনার ৪টা বঙ্গবাসিনী প্রতিযোগিনী হইয়াছিলেন তন্মধ্যে ফরিদপুর জেলার স্বর্ণনাতি

ওস্তের প্রবন্ধ সর্বোৎকৃষ্ট হওয়াতে তিনি ৪০ টাকা পুরস্কার পাইবেন।

অভাব উন্নতির প্রসূতি—চিলির সহিত পেরুর যুদ্ধ সময়ে তত্ত্বা সমর্থ পুরুষমাত্রকেই সৈন্যশ্রেণীভুক্ত হইতে হয়, সুতরাং ট্রামগাড়ী চালাইবার লোকাভাব হয়। এই সময়ে চিলির যুবতীরা এই কার্য্য ভার গ্রহণ করিয়া তাহা একটা জুল্লররূপে সম্পন্ন করিয়াছেন যে যুদ্ধের অবসান হইলেও তাঁহাদিগকে সেই কার্য্যে নিযুক্ত রাখা হইয়াছে। ইহার সচরাচর ২০১২ বৎসরের বালিকা।

দয়াশীল ইংরাজ—নারণপুরের মাজিষ্ট্রেট হারিংটন সাহেব হরিদ্বারের গঙ্গাস্নানের মেলায় উপস্থিত ছিলেন, একটা দেশীয় স্ত্রীলোককে গঙ্গার খালে ভাসিয়া বাইতে দেখিয়া জলে ঝাঁপ দিয়া অনেক কষ্টে তাহাকে উদ্ধার করিয়াছেন।

ইংলণ্ডে ভারতবাসীর বক্তৃতা—পাডিংটন নগরে বাঙ্গালার প্রতিনিধি বাবু মনোমোহন ও লাগমোহন ঘোষ, মাদ্রাজের প্রতিনিধি রামস্বামী মুদেলিয়ার এবং বোম্বাইয়ের প্রতিনিধি চন্দ্র বরকর ওজস্বিনী বক্তৃতা দ্বারা ইংলণ্ডবাসীদিগকে চমৎকৃত করিয়াছেন। পার্লামেন্টে নূতন সভা মনোনীত হইবে, এ সময় ভারতহিতৈষিগণ সভ্য হইতে পারেন, ইহাই তাঁহাদিগের প্রধান চেষ্টা।

ফারোসিন তৈলের খনি—কাম্পীয় হ্রদের নিকট বাবু নামক স্থানে

অপরিমেয় তৈল আবিষ্কৃত হইরাছে ।
তথা হইতে কৃষ্ণসাগরের তীরে ৫৩০
ফাটল নীচে হেলানে খুঁড়ঙ্গ করিয়া তৈল

শ্রোত প্রবাহিত করা হইবে এবং পরে
তাহা জাহাজযোগে নানাস্থানে প্রেরিত
হইবে এইরূপ কল্পনা হইতেছে ।

হিন্দুরমণীর পারিবারিক জীবন ।

“অর্চং ভাৰ্য্যা মহুধ্যা ভাৰ্য্যা শ্রেষ্ঠতমঃ সখা ।

ভাৰ্য্যা মূলং ত্রিৰ্গম্যা ভাৰ্য্যা মূলং তরিতাতঃ” —(মহাভারত)

যদি কেহ এদেশের সম্রাজ্ঞী হিন্দুরমণীর
পারিবারিক জীবনের একখানি সম্পূর্ণ চিত্র
অঁকিতে পারেন, তাহা হইলে আমরা
পাঠকপাঠিকাদিগকে বুঝাইয়া দিতে
পারি যে, নিজের জীবনকে ভুলিয়া—
আপনার স্বার্থকে ভুলিয়া—গর্হিত্য
সুখ স্বচ্ছন্দতাকে বিসর্জন দিয়া—
পরের সেবা, পরের শুশ্রূষা এবং
পরের মঙ্গল সাধন করাই, পবিত্রা হিন্দু-
রমণীর পবিত্র জীবনের একমাত্র চরম
উদ্দেশ্য এবং একমাত্র পরম সাধনা ।
এই জন্যই বোধ হয় ভারতে, ভারতে
কেন সমগ্র জগতে, জীজাতি লক্ষীস্বরূপা
বলিয়া কীৰ্ত্তিতা হইয়া থাকেন । গ্রীশ,
রোম, মিসর, ভারত প্রভৃতি সভ্য জনপদ-
সমূহের ইতিহাস আলোচনা করিয়া
দেখ, জানিতে পারিবে, স্ত্রী-জাতি
পুরুষাপেক্ষা অধিকতর সম্মান, সম্ভ্রম,
শ্রদ্ধা এবং প্রীতির পাত্রী স্বরূপে পূজিতা
হইয়া আসিতেছেন । আমাদের দেশের
সর্বপ্রধান ব্যবস্থাকর্তা মহর্ষি মহু বলিয়া-
ছেন, “যে গৃহে রমণীর আদর নাই,

সে গৃহে সাধুরা যেন ভ্রমেণ পাদবিক্ষেপ
না করেন ।” অন্যত্র তিনি বলিয়াছেন,
“যে গৃহের অধিকর্তা রমণীকে গৃহলক্ষী
বলিয়া সম্মাননা করিতে স্বীকৃত নহেন,
সে গৃহে পুত্র বা কন্যার বিবাহ দেওয়া
কিছু সে গৃহে ভোজনাদি ক্রিয়া সম্পন্ন
করা দেবতাদিগের অনতিশ্রেষ্ঠ ; বিগ্র
ও ক্ষত্রিয়েরা এই উপদেশটি যেন সতত
স্মরণ করিয়া রাখেন ।” ফলতঃ, জগ-
ত্তের “আদ্যাশক্তি” স্বরূপা এবং সমস্ত
সংসার ক্ষেত্রের সন্তোষ ও শান্তির উৎস-
স্বরূপা স্ত্রীজাতির গুণাবলী পৃথিবীর
সমগ্র ইতিহাসেই নিরপেক্ষভাবে বিবৃত
হইয়া আসিতেছে । আমাদের দেশা-
চারের প্রতি দৃষ্টিপাত করিলেই আমরা
ইহার চূড়ান্ত প্রমাণ প্রাপ্ত হইতে পারি ।
ভারতের ধর্মের অধিষ্ঠাত্রী দেবী—লক্ষ্মী ;
জ্ঞানভাণ্ডারের অধিনেত্রী—স স্মৃতি ;
সন্তানাদির সুখ স্বচ্ছন্দতার কর্ত্রী—যজ্ঞ ;
হিন্দু পরিবারের সর্বপ্রধান প্রভেদ
অধীশ্বরী—সাবিত্রী ; প্রীতিশস্যার উপা-
সনার প্রধান পাত্রী—অইল্যা প্রভৃতি

পঞ্চকন্যা, শাক্তিও ভক্তের উপাসনার দেবী—শ্যামা, এবং বজ্রের, ভারতের, প্রধান পূজার অধিকর্তা—আধিনের অধিকা। এখন বল দেখি, হিন্দু পরিবার রমণী হইতে স্বতন্ত্র হইয়া, রমণীর অসম্মাননা করিয়া, এক মুহূর্ত্তও কি তিষ্ঠিতে পারে? গৃহপ্রাঙ্গণস্থ আগন্তুক অতিথির সংকার, দুগ্ধপোষা শিশুর জীবন রক্ষার ভার, গৃহধর্মের ও গৃহের যাবদীয় কর্মের স্বচ্ছন্দতা সম্পাদন এবং পরিবার-ভুক্ত সমগ্র জনগণের শান্তি সংরক্ষণ করিতে, জীলোক ভিন্ন আর আমাদের কে আছে? এই সকল দেবীরা স্তন্যদানই বলিতে হয়, অপরের মঙ্গল সাধনই হিন্দুরমণীর পবিত্র জীবনের চরমোদ্দেশ্য।

বিধবা হিন্দুরমণীর জীবন আরও সম্পূর্ণ আরও পবিত্র এবং আরও মধুর। আমরা এক জন চৈতন্য, এক জন ম্যাট্রিনি, একজন মাত্র প্রতাপসিংহ অথবা একজন হাওয়ার্ডের স্বার্থত্যাগ এবং পরোপকারের কথা পাঠ করিয়া বিমোহিত হইয়া পড়ি, কিন্তু হিন্দু পরিবারের প্রতিগৃহে পবিত্রচেতা বিধবাকুলের মধ্যে কত সহস্র সহস্র নারী-চৈতন্য বা নারী-হাওয়ার্ড বাস করিতেছেন, এবং ইতিহাস বা সংবাদপত্রের দুন্দুভিনাদকে তুচ্ছ করিয়া, গোপনে গোপনে প্রতিমুহূর্ত্তে জগতের জন্য স্বার্থ ত্যাগ করিতেছেন, তাহা কি কেহ কখন ভাবিয়া দেখিয়াছেন? একটি বালবিধবা

রমণী, অষ্টাদশ বা ষোড়শ বর্ষ বয়সে প্রবৃত্তি-মার্গকে অবরুদ্ধ করিয়া, জগতের সমগ্র দুখে জলাঞ্জলি দিয়া, সামান্য অশন—সামান্য বসন—সামান্য শয্যার জীবন রক্ষা করিয়া, পবিত্র মনে দিবানিশি হরিগুণ গান, অতিথি সংকার, মাতা পিতার সেবা, বালক বালিকার শুশ্রূষা, পীড়িতের অশান্তি অপনোদন, পরলোক-গত পতির চরণবন্দনা, গাম্ভীর্য নরনারী-বৃন্দের দুখেমোচন এবং স্বগৃহের সমস্ত কার্য সম্পাদনে সতত বিরত থাকে, একথা শ্রবণ করিলেও হিন্দুরমণীর পবিত্রতায় চিত্ত অবশ হইয়া যায় এবং মনে হয়, যদি কখন এই জগতে পুরুষ জাতি কর্তৃক প্রকৃতরূপে নারী-পূজার পদ্ধতি প্রচলিত হয় তাহা হইলে সেই পূজা হিন্দু পরিবারের বিধবা রমণীই মর্ক প্রথমে পাইবার সম্পূর্ণ উপযুক্ত। যাহাই হউক, হিন্দু বিধবার জীবন বড়ই প্রশংসনীয়। এই জন্যই আমেরিকার খ্যাতনামা পাদ্রী জেরেমি টেলর সাহেব তাঁহার “নারী পূজা” (Worship of Womanhood) নামী পুস্তিকায় লিখিয়াছেন, “হিন্দুস্থানের ‘সত্যী’ নামী আখ্যা-বিধবা রমণীর চরিত্র অস্বাভাবিক অঙ্ক-কবণ করিবার সম্পূর্ণ যোগ্য”।

কিন্তু আজিকালি, এই উনবিংশ শতাব্দীর দিবা জানালোকে, শিক্ষিতাধ্যা-ধারী এক সম্প্রদায় ভ্রম যুবা সংস্কার বিশেষের বশবর্তী হইয়া নারী-জীবনের শ্রেষ্ঠত্ব স্বীকার করিতে আর প্রস্তুত

নহেন। তাঁহাদের মত এই যে, প্রকৃতি জীজাতিকে যে উপাদানে গড়িয়াছেন, পুরুষকে সে উপাদানে গড়েন নাই; পুরুষের অধিকার অবলার অধিকার হইতে সম্পূর্ণ স্বতন্ত্র এবং শ্রেষ্ঠ। এই যুক্তিবলে তাঁহারা পুরুষের পদতলে জীজাতির স্বাধীনতা বিক্রয় করিতে

চাহেন এবং জীশিখার বিক্রয়ে কঠোর বাক্যবাণ প্রয়োগ করিয়া সমগ্রমণী সমাজকে কুসংস্কার এবং অশিখার অন্ধ-তিমিরে ডুবাইয়া রাখিতে চাহেন। জীলোক যে পুরুষের জীত দাসী এবং পুরুষের স্বার্থের জন্যই অগতে জন্মগ্রহণ করিয়াছে, ইহাই তাঁহাদের বিশ্বাস।

(ক্রমশঃ)

আবিয়ার।

কথিত আছে নবম খ্রীষ্টাব্দে মাজাজ প্রদেশে সাতজন চিরস্মরণীয় মহাত্মা জন্ম গ্রহণ করেন। ইহাদিগের মধ্যে তিন জন পুরুষ, অবশিষ্ট চারি জন তৎ-প্রদেশস্থ চিরগৌরবারিতা বিদুষী জীলোক। আবিয়ার এই অবলা কুল-তিলকদিগের মধ্যে সর্গপ্রধান। ভারতের চির কলঙ্ক বশতঃ—চিরস্মরণীয় সাধুদিগের জীবনী লিখিবার প্রথা না থাকিতে—আমরা ইহঁদের জীবনবৃত্তান্ত বা তত্প্রয়োগী উপাদানসমূহ প্রাপ্ত হই নাই, বাহা কিছু আমাদের হস্তগত হইয়াছে তাহা অদ্য প্রকাশ করিতে অগ্রসর হইতেছি। এক্ষণে কখনও আশা করা যায় না যে, আমাদের এই শোচনীয় অভাব কোন না কোন সময়ে পূর্ণ হইবে, কারণ, আবিয়ার অতি প্রাচীন কালের জীলোক, পণ্ডিতেরা তাঁহার বিষয় যত দূর পারিয়াছেন প্রকাশ

করিয়াছেন, আধুনিক শিক্ষিত সম্প্রদায় তাঁহার অধিক বোধ হয় আর কিছু করিতে পারিবেন না। বলা বাহুল্য যে, যখন আমরা ভূগনবিখ্যাত ধনা ও লীলাবতীর সম্যক জীবনবৃত্তান্ত অদ্যাবধি পাই নাই, তখন আমরা আবিয়ারের সম্পূর্ণ জীবনবৃত্তান্ত কিরূপে পাইতে পারি? ধনা ও লীলাবতী সম্বন্ধে যেমন অনেক অলৌকিক গল্প প্রচলিত আছে, তাঁহাদিগের মাজাজী ভগিনী সম্বন্ধেও সেইরূপ। এক্ষণে কিঞ্চিদংশী বাহা কিছু আমরা সংগ্রহ করিতে পারিয়াছি, পাঠিকগণের কোভুল বিনোদনার্থ তাহা নিম্নে সন্নিবেশিত হইল।

কেহ কেহ বলেন আবিয়ার দেবতা বিশেষ; পাপাচরণ প্রযুক্ত স্বর্গভ্রষ্ট হইয়া নশ্বর দেহ গ্রহণ পূর্বক পৃথিবীতে অবতীর্ণ হন এবং কঠোর তপস্যা ও পাপের সম্যক প্রায়শ্চিত্ত দ্বারা যদবধি

না মুক্তি লাভ করিতে পারেন, তদবধি তিনি ধরাধামে অবস্থিত করিতে দেবতা-কর্তৃক আদিষ্ট হন। অপর পক্ষে তাঁহার জন্মগত আশ্চর্য্য প্রবাহ আছে। একদা বেদমন্ডল নামে এক ব্রাহ্মণ ছিলেন। এই ব্রাহ্মণের বাটার সন্নিকটস্থ একখানি কুড় পল্লীতে কতকগুলি জাতিভ্রষ্ট বা নিম্ন জাতির লোক বাস করিত। বেদমন্ডল এক দিন রাত্রিকালে ইহাদিগের একটি বাটীতে একটি নক্ষত্র পড়িতে দেখিলেন ও গণনা করিয়া জানিতে পারিলেন যে, একটি কন্যা ভূমিষ্ঠ হইল এবং তাঁহার পুত্র পুরুষ কালক্রমে ঐ নবপ্রসূতা কুমারীর পানি গ্রহণ করিবে। বেদমন্ডল আশ্চর্য্যের এই বিবাহ বিষয়টি সংগোপন করিয়া ব্রাহ্মণবর্গের নিকট পরদিন ঘোষণা করেন যে, গত রাত্রে যে বালিকাটি ভূমিষ্ঠ হইয়াছে, তৎকর্তৃক ব্রাহ্মণদিগের অশেষ অপকারের সম্ভাবনা। এই বিষয় বার্তা শুনিয়া ত্রস্ত ব্রাহ্মণ-কুল নবপ্রসূত শিশুকে ধ্বংস করিবার জন্য নানাবিধ উপায় উদ্ভাবন করিতে লাগিলেন। হতভাগ্য শিশুর পিতা পান্যবজ্জর পামর ব্রাহ্মণদিগের অভিপ্রায় কার্য্য করিতে সম্মত হইতে বাধ্য হইলেন। সকলে একবাক্যে তাঁহার প্রাণ নাশ করিতে উদ্যত হইলে, অবশেষে শঠ বেদমন্ডলের প্রস্তাবানুসারে তাহাকে একটি বাসতে বদ্ধ করিয়া পুণ্যমঞ্জিলা কাবেরীতে ডাঙ্গাইয়া দেওয়া হয়। কিন্তু ডাঙ্গাইবার পূর্বে

বেদমন্ডল তাহার শরীরে কোন প্রকার নিদর্শন আছে কিনা, তাহা জানিতে দ্বীর পুত্র পুরুষলকে আদেশ করেন। পিতৃ-অজ্ঞার কর্তব্যানুসরণী পুরুষল তাহাকে জ্ঞাপন করিলেন যে, শিশুর উরুদেশে একটি আঁচিল আছে।

এই ঘটনার জনতিবিলম্বে বেদমন্ডলের মৃত্যু হয়। ইহার পর দুর্ভাগ্য বালিকার বিষয় আর কিছু শুনা গেল না; তাহার জীবনের দৃশ্যভিনয়ের পূর্বেই যবনিকা-পতন হইল। কিন্তু জীবন-অভিনেতা অপার ককণাময় পরবেশের ভুবনমুখে বালিকার অতুত জীবনের আর একটি অভিনয় দেখাইবার জন্য বেন ক্ষণকালের নিমিত্ত বিভ্রাট গ্রহণ করিলেন। একদিন হঠাৎ একজন ব্রাহ্মণ স্রোতস্থতীতে একটি বাস্র ভাসিয়া বাইতেছে দেখিতে পাইলেন। দেখিতে পাইয়া তাহা ধরিয়া দেখেন যে, তাহাতে অনির্বচনীয় রূপলারূপাসম্পন্ন এক বালিকা শয়না আছেন। ব্রাহ্মণ দেখিয়া অতীব আশ্চর্য্যাক্ষিত হইলেন, ও তাহাকে আপনার বাটীতে আনয়ন করিলেন। ব্রাহ্মণ নিস্বেদন, হৃতরাং বঙ্গ বাছল যে, তিনি কন্যাটিকে অপত্যনির্ধিশেষে লালন পালন করিতে আরম্ভ করিলেন ও তাহাকে যথাসাধ্য শিক্ষাদানে তৎপর হইলেন।

ইতিপূর্বে পুরুষল নানা শাস্ত্রে সুপণ্ডিত হইয়া তাহার পিতার হৃষ্টান্ত অনুসরণ পূর্বক দেশ ভ্রমণ করিত

মনন করেন। বিধাতার কি অনির্বচনীয় কার্যাকৌশল! পুরুষল একদা ভ্রমণ করিতে করিতে যে ব্রাহ্মণ উল্লিখিত বালিকাকে লালন পালন করিতেছিলেন, হঠাৎ তাঁহার গৃহে উপস্থিত হইলেন। তিনি কন্যাটিকে অশিক্ষিতা দেখিয়া ব্রাহ্মণের বাটতে দীর্ঘকাল অবস্থিতি করিবার অভিলাষ ব্যক্ত করিতে সদাশয় ব্রাহ্মণ তাঁহার সেই অভিলাষ সিদ্ধ করেন। পুরুষল ও বালিকা উভয়ে একত্রে ভাই ভগিনীর মত ব্রাহ্মণের গৃহে বাস করেন। কিছুদিনের মধ্যে পরস্পরের প্রতি পরস্পরের অমুরাগের সঞ্চার হইল। অবশেষে এই অমুরাগ গবির বিবাহে পরিণত হইল। কিন্তু কাল পরে ভিন্নি তাঁহার স্ত্রীর উরুদেশে তাঁহার পূর্ব-পরিচিত নিদর্শন দর্শন করিয়া তাঁহাকে নীচকুলোদ্ভবা বোঝে তাঁহার পূর্ব বৃত্তান্ত আদ্যোপান্ত সমস্ত জানিতে প্রবৃত্ত হন। স্ত্রীর বিষয় সমুদয় অবগত হইলে তিনি একদিন অজ্ঞানসারে ঋতুরালর হইতে পলায়ন করেন। আমাতার এইরূপ পলায়ন-বার্তা জ্ঞাত হইয়া, ঋতুরাৎপরোন্মত্তি হৃঃখিত ও কিংকর্তব্যবিমূঢ় হইয়া তাঁহার কন্যারই কোন না কোন দোষে এইরূপ ঘটনা হইয়াছে ইহা মনে মনে স্থির করিয়া নিরুপরামিনী গোব্যা কন্যাকে তিরস্কার করেন। পতিপ্রাণা মলিনার পতিবিরহানল ইহাতে কিঞ্চিৎ প্রজ্জ্বলিত হইয়া উঠিল;—

বিশেষতঃ তিনি বেশ জানিছেন যে, তিনি কখনও স্বামীর অগ্রিয় কার্য সাধন বা স্বামীর প্রতি অগ্রিয় বাক্য উচ্চারণ রূপ পাপে আপনাকে কলুষিত করেন নাই। পরিশেষে তাঁহার কর্তব্য-ছুরাগী পিতার আদেশমতে সতী পতির অদ্বৈত বাহির হইলেন। সতীর সতীত্ব ধন্য! ইহাতে এমন এক স্বর্গীয় ভাব আছে, যাহা ঐহিক ভাবসমূহকে পাবন করিতে সমর্থ হয়। সতী পতীর ভগস্যার কঠিনহৃদয় যমরাজও পরাভব মানিয়াছিলেন। তবে কি আমা-দিগের প্রবন্ধোন্মিত্তি আদর্শ রমণীর প্রবৃত্তি বিধাতা মূল্য করিবেন না? নিশ্চয়ই করিবেন। দেশ বিদেশ অবেশন করিতে করিতে তিনি পতির উদ্দেশ প্রাপ্ত হইলেন। গন্ধমগ্নীকৃতবস্ত্রা হইয়া করপুটে স্বামীর নিকট নিবেদন করিলেন “স্বামিন! দাসীকে ত্যাগ করিবেন না; যদিও কোন অপরাধ করিয়া থাকি, নিজগুণে তাহা মার্জনা করিয়া শ্রীচরণে স্থান দান পূর্বক আমার মনস্কামনা পূর্ণ করুন”। পাঁচ দিন পর্যন্ত এই সাজনয় ও মনিনয় প্রার্থনা করিলেন, তথাপি নৃশংস ভর্তার হৃদয়ে অধুনাও দয়ার সঞ্চার হইল না। একদিন নিদ্রিতাবস্থায় তিনি পুনর্বার স্বামী কর্তৃক পরিত্যক্ত হন। পরিত্যক্ত হইলেন বটে, কিন্তু পাছে তাঁহার পিতা এই ভাবেন যে, “সে স্বামীর প্রাণ নষ্ট করিয়াছে” এই

আশঙ্কায়, তাঁহার সম্মুখানে প্রত্যাগমন করিলেন না।

সন্ন্যাসিনী বেশে স্বামীর উদ্দেশে পুনরায় তিনি দেশ দেশান্তর পর্য্যটন করিয়া বেড়াইতেছেন, অপর এক ব্রাহ্মণ তাঁহাকে দেখিতে পাইয়া দয়া করিয়া তাঁহাকে আপনার গৃহে আনয়ন করিলেন। দুঃখিনী বিজবস্ত্রের নিকট আত্মবিস্তার সমস্ত বিবৃত করিলেন। তাঁহার মিষ্ট কথা ও সুন্দর রীতি নীতি দর্শনে এই ব্রাহ্মণের কন্যাগণ বিমুগ্ধ হইয়া সহোদরা বলিয়া তাঁহাকে জ্ঞান করিতে লাগিলেন। ব্রাহ্মণ বিপুল বিদ্যাশালী, তাঁহার পুত্র সন্তান ছিল না। স্মৃতরাং তিনি মর্ত্যলীলা সম্বরণ করিলে তাঁহার আত্মজারাই তাঁহার সমস্ত বিষয়ের উত্তরাধিকারিণী হন;—তাঁহার পালিতা দুহিতাও তাঁহার বিষয়ের কিয়-দংশ পাইলেন। ইহাতে তিনিও অনেক ধনসম্পত্তি লাভ করেন। এই অর্থে অনেক দেবালয় নির্মাণ ও নানা প্রকার সংকার্যের অনুষ্ঠান করিয়া পুণ্য কার্যে জীবন অতিবাহিত করিতে আরম্ভ করেন। কি তীর্থযাত্রী, কি ভিক্ষারী, কি পথিক, কি স্ত্রী, কি পুরুষ, কেহই তাঁহার আতিথ্য গ্রহণ করিলে তিনি বোড়শোপচারে তাঁহাদিগের সেবা করিতে কিছুমাত্র কট করিতেন না। সাধুকার্যে ও সদহুষ্ঠানে, মানসিক উন্নতি সাধনে ও সাধুদিগের উপদেশ গ্রহণে এবং তাঁহাদিগের জীবনের পরীক্ষিত সত্য সকল শিক্ষা

করিয়া তদনুযায়ী কার্য করিতেও তিনি কখনও উদাস্য প্রদর্শন করেন নাই।

এই প্রকারে কিছুকাল যায়, অঃ-পর তিনি স্বামীর পুনরায় লাভ করিয়া তাঁহার সেবার জীবনের সার্থকতা সম্পাদন করেন। তাঁহার ভর্তা এখন সন্ন্যাসী। তিনি এখন তাঁহার আদরের পাত্রী। পূর্ব রীতি অনুসারে একদিন যেমন তাঁহার স্বামী অপসরণ করিবার উদ্যম করিতেছেন, এমন সময় তিনি তাহা জানিতে পারিয়া তাঁহার গমনের কারণ জিজ্ঞাসা করিলেন। এ পর্য্যন্ত ঐ সন্ন্যাসী যে তাঁহার স্বামী, তাহা তিনি জানিতে পায়েন নাই। কিন্তু তাঁহার অবস্থিতির জন্য অল্পরোধকালে তিনি নিজে আত্ম-পরিচয় প্রদানে স্ত্রীকে স্মৃতি করিলেন। এখন আর তিনি তাঁহাকে পরিত্যাগ করিলেন না, সঙ্গে লইলেন। সঙ্গে লইয়া দেশ দেশান্তর পরিভ্রমণ করিয়া বেড়াইতে বেড়াইতে তাঁহার জ্বর গর্ভে যে সন্তান সঞ্চিত জন্মে, কথিত আছে, তাহার পরে মহা মহোপাধ্যায় পণ্ডিত ও পণ্ডিতা হইয়া উঠেন। দীর্ঘকালের মধ্যে তাহাদিগকে সমর্পণ করিয়া বাতাতপে ফেলিয়া রাখিতে স্বামী স্ত্রীকে আদেশ করেন। মায়ের প্রাণ! তা কি কখনও বুকে? কি করেন স্বামীর আদেশানুযায়ী কার্য করিতে পরাশ্রয় হইলেন না। পিতা মাতা সন্তানদিগের নিকট বিদায় গ্রহণেচ্ছ হইলে (কথিত আছে) তাহারও মানন্দ চিত্তে

তাহাদিগকে বিদায় দান করিল। জীবনের চির-অভিলষিত তপস্যার নিমিত্ত পিতা মাতা এইরূপে বাগক বালিকাগুলিকে ফেলিয়া বাহির হইলে কেহ বা কোন নৃপতি কর্তৃক, কেহ বা কোন রাজক কর্তৃক, কেহ বা কোন কবি কর্তৃক, কেহ বা কোন সাধু কর্তৃক, কেহ বা কোন মাদকরস-বিক্রেতা (তাড়ি ওয়ালা) কর্তৃক, কেহ বা কোন কাষ্ঠপাণিনির্মাতা কর্তৃক, কেহ বা কোন হীনজাত শূদ্র কর্তৃক পালিত হয়। কবি দ্বারা যিনি প্রপোষিতা ও সুশিক্ষিতা হন, তিনিই

আমাদিগের আরাধ্যা চিরস্মরণীয় আবিষ্কার।

আবিষ্কার নীতিজ্ঞতা ও কবিত্বের জন্য বিখ্যাত হন। রসায়ন ও চিকিৎসা শাস্ত্রেও তাহার অতিশয় অমুরাগ ছিল। তাহার রচিত গ্রন্থাবলী মধ্যে “অতিথিবি” অর্থাৎ নীতি বিজ্ঞান, “কনবিন্দান” নামে একখানি ক্ষুদ্র পুস্তক আর এক খানি নৈতিক বাক্যাবলী এই কয়খানি প্রধান। আমরা বারম্বারে তাঁহার উপদেশের সারাংশ পাঠিকাবৃত্তকে উপঢৌকন দিব।

চুম্বক লৌহ।

বাগাবোধিনীর পাঠক পাঠিকাগণের অনেকেই চুম্বক লৌহ দেখিয়া থাকিবেন। চুম্বক লৌহ দুই প্রকার যথা—কৃত্রিম ও অকৃত্রিম। অকৃত্রিম চুম্বক অন্যান্য ধাতুর মত আকর প্রাপ্ত হওয়া যায়। ইউরোপ মহাদেশের অন্তর্ভুক্ত সুইডেন ও নরওয়ে প্রদেশে এই লৌহের অনেক খনি দৃষ্ট হইয়া থাকে। অকৃত্রিম চুম্বকে বিভক্ত করিয়া লৌহ ও অম্লজান বাষ্প প্রাপ্ত হওয়া যায়। কৃত্রিম চুম্বক অম্লজান বাষ্প কিছুনাও থাকে না। কিরূপে কৃত্রিম চুম্বক প্রস্তুত হইয়া থাকে, প্রাচ্যের শেষার্ধ্বে আমরা তাহার বর্ণন করিব। অকৃত্রিম চুম্বক কিরূপে সৃষ্ট

হইল, তাহা কেহ ঠিক করিয়া বলিতে পারেন না। তবে কেহ কেহ অনুমান করেন যে পৃথিবীর অভ্যন্তরে চুম্বক শক্তির প্রভাবে খনিজ লৌহ চুম্বকরূপে পরিণত হইয়া থাকিবে।

চুম্বকের ধর্ম—(১) কৃত্রিমই হউক আর অকৃত্রিমই হউক, চুম্বক লৌহ, ইস্পাত (লৌহকে অত্যন্ত উত্তপ্ত করিয়া হঠাৎ শীতল করিলে ইস্পাত হয়), নিকেল ও কোবল্ট প্রভৃতি কতিপয় ধাতু আকর্ষণ করিয়া থাকে। চুম্বকের মর্দ শরীরে এই শক্তির সমান প্রাচুর্য্য দৃষ্ট হয় না, কোথাও অধিক, কোথাও বা অল্প। সচরাচর চুম্বকের দুই প্রান্ত ভাগেই এই আকর্ষণী শক্তির আধিক্য

দৃষ্ট হইয়া থাকে। প্রাকৃতিক বিজ্ঞান-
বিৎ পণ্ডিতগণ চুম্বকের এই দুই প্রান্তকে
উত্তর ও দক্ষিণ কেন্দ্র (North and South
poles) নামে অভিহিত করিয়াছেন।
প্রত্যেক কেন্দ্র হইতে আরম্ভ করিয়া
যতই মধ্যবর্তী স্থানের (Neutral line)
দিকে অগ্রসর হওয়া যায়, ততই আকর্ষণী
শক্তির ন্যূনতা অনুভূত হইয়া থাকে।
টিক মধ্যস্থলে কিঞ্চিদূরত্ব আকর্ষণ
থাকে না। কোন কোন চুম্বকের উত্তর
ও দক্ষিণ কেন্দ্র ভিন্ন আরও কেন্দ্র স্থান
দৃষ্ট হইয়া থাকে। তথায় আকর্ষণশক্তি
প্রায়ভাগ অপেক্ষা কোন ক্রমেই নূন
নহে। চুম্বক এবং আকর্ষণোপযোগী
পদার্থের মধ্যে যদি কাগজ কি অন্য
কোন পদার্থও রাখিয়া দেওয়া যায়,
তথাপি আকর্ষণী শক্তি কার্য্য করিতে
পর্য্যাপ্ত হয় না।

(২) চুম্বক ও চুম্বকে আকর্ষণ করিয়া
থাকে, কিন্তু লৌহ প্রভৃতি ধাতুগুলি
যেমন দুই কেন্দ্রেই আকৃষ্ট হয়, চুম্বক
সেইরূপ ভাবে আকৃষ্ট হয় না। এক
চুম্বকের উত্তর কেন্দ্র অপর চুম্বকের দক্ষিণ
কেন্দ্রকে আকর্ষণ করে এবং এক দিকের
কেন্দ্রদ্বয় পরস্পরকে দূরে তাড়াইয়া
দেয়, অর্থাৎ এক চুম্বকের উত্তর কেন্দ্র
অপর চুম্বকের উত্তর কেন্দ্রকে ও এক চুম্বকের
দক্ষিণ কেন্দ্র অপর চুম্বকের দক্ষিণ কেন্দ্রকে
দূরে তাড়াইয়া দেয়। লৌহ প্রভৃতি ধাতু
গুলি কেন দুই কেন্দ্রেই সমভাবে আকৃষ্ট
হয়, তাহার বিশেষ কোন কারণ আজিও

প্রকাশিত হয় নাই। তবে কোন কোন
পণ্ডিত অনুমান করেন যে আকর্ষণোপ-
যোগী ধাতু মাঝেই দ্বিবিধ শক্তি মিশ্রিত
হইয়া রহিয়াছে। যখন চুম্বকের নিকট
এই ধাতুর কোন এক খণ্ড ধরা যায়,
তখন ঐ দুই শক্তি (Positive and
negative magnetisms) ভাব এবং
অভাব সূচক তাড়িত শক্তিতে বিভক্ত
হইয়া পড়ে। তাহাদের মতে এই কারণেই
এক চুম্বকের শক্তি দ্বারা কতকগুলি অদু-
রীয়ক ব্লাইয়া রাখা যায়।

ক এক কেন্দ্র খ + খ'
অদুরীয়কের খ শক্তি-
O খ + খ' কে আকর্ষণ করিল।
O গ + গ' খ' স্বতন্ত্র হইয়া নিম্ন
O ঘ + ঘ' O চ + চ' দিকে ঝুলিয়া

পড়িল। আবার খ', গ + গ' অদুরীয়-
কের গকে আকর্ষণ করিল, গ' স্বতন্ত্র
হইয়া নিম্নে ঝুলিয়া পড়িল, এইরূপেই
অদুরীয়কগুলি পরস্পর আকৃষ্ট হইয়া
ক চুম্বকে ঝুলিয়া রহিয়াছে।

(৩) চুম্বক পাত হইতে চুম্বক সূচি
নামক এক মক শলাকা (Magnetic
needle) তৈয়ার করিয়া লইয়া রেশম
সূত্রে ঝুলাইলে, অথবা অন্য কোন
শলাকার উপর অবাধে ঘুরিবার উপযুক্ত
করিয়া রাখিয়া দিলে উহা উত্তর দক্ষিণ
মুখে থাকিবে, অনেক এইরূপ বিশ্বাস
করিয়া থাকেন। কিন্তু বৈজ্ঞানিক
গবেষণায় এই বিশ্বাস সম্পূর্ণ ভ্রান্তিমূলক
বলিয়া প্রতিপন্ন হইয়াছে। চুম্বকশলাকা

সর্ব স্থলে এক মুখে থাকে না। এমন কি সর্বসমনয়েও ইহাকে এক ভাবে থাকিতে দেখা যায় না। ইহা অনবরত ঘুরিয়া বেড়ায়। আমাদের পৃথিবীর যেমন আর্থিক ও বার্ষিক গতি আছে, ইহারও সেইরূপ দুইটা গতি দৃষ্ট হয়। প্রত্যেক দেশেই ইহা নির্দিষ্ট নিয়মে দিন দুইবার স্থান পরিবর্তন করে অর্থাৎ ক নামক বিন্দু হইতে খ নামক বিন্দুতে যায়, আবার খ নামক বিন্দু হইতে ক নামক বিন্দুতে ফিরিয়া যায়। অণুবীক্ষণ যন্ত্রের সাহায্য ভিন্ন এই গতি লক্ষিত হয় না। এতদ্বিন্ন দেশ ভেদে ইহা কোথাও উত্তর দিক হইতে ২২° পশ্চিম দিকে সরিয়া আসিতেছে, কোথাও বা পূর্ব দিকে সরিয়া যায়। যাহারা কলম্বাসের আমেরিকা আবিষ্কারের বৃত্তান্ত পাঠ করিয়াছেন, তাহারা জানেন কম্পাসের কাঁটার মুখ পরিবর্তন দেখিয়া তাহার নাবিকগণ কত ভীত হইয়াছিল। তখন ইহার কারণ কেহ নির্ণয় করিতে পারে নাই। কলম্বাসের সময় চুম্বকশলাকা ইংলেণ্ডে পূর্বদিকগামী ছিল, এখন পশ্চিমদিকগামী হইয়াছে। কেবল ইহাও নহে, শলাকাকে নিয়মিতকৈ মুখাবনত করিবার সুবিধা করিয়া দাও, দেখিবে স্থান ও সময়ভেদে ইহা নিয়মিত হইতেছে, কোথাও একেবারে লম্বভাবে দণ্ডায়মান হয়। ইহা ভিন্ন অরোরা নামক আলোক পতাকা আকাশে উদ্ভিত হইলে চুম্বক

শলাকা অপরিমিতরূপে কম্পিত হইতে থাকে। চুম্বকের এই সমস্ত কাণ্ড কারখানা প্রত্যক্ষ করিয়া বৈজ্ঞানিক পণ্ডিতগণ বিশেষ অসুস্থকালে প্রবৃত্ত হইয়াছেন। কেহ কেহ অনুমান করেন যে সূর্যমণ্ডলের সহিত এই চুম্বকীয় আলোড়নের বিশেষ ঘনিষ্ঠতা রহিয়াছে। চুম্বকশলাকা প্রায়ই ১১ বৎসরে কণ পরিবর্তন করিয়া থাকে। সূর্যমণ্ডলস্থ চিহ্নগুলিও (Solar spots) ১১ বৎসরে অভ্যন্ত পরিবর্তিত হয়। অরোরার উদয় সূর্যমণ্ডলীয় কোন পরিবর্তনের ফল মাত্র। এই সকল ঘটনা প্রত্যক্ষ করিয়াই প্রকৃতির প্রভুতি পণ্ডিতগণ উল্লিখিত রূপ অনুমান করিতেছেন।

(৪) কৃত্রিম হটক আর অকৃত্রিম হটক, চুম্বক অধিক দিন ধরে রাখিয়া দিলে তাহার শক্তি ক্রমে ক্রমে বিনষ্ট হয়। এইজন্য এক এক খণ্ড সংরক্ষক লৌহ (Keeper) তাহার প্রান্তভাগে সংযুক্ত করিয়া দিতে হয়।

চুম্বকের ব্যবহার—যদিও চুম্বকশলাকা কোন নির্দিষ্ট দিকেই চিরন্তানী রূপে মুখ ফিরাইয়া থাকে না, তথাপি ইহা এইরূপ ভাবে দিক পরিবর্তন করিয়া থাকে যে তদ্বারা অনায়াসেই দিক নির্ণয় করা যাইতে পারে। এইজন্য নাবিকগণ অগার সমুদ্র মধ্যে কম্পাস বা দিগদর্শন নামক যন্ত্রদ্বারা দিক ঠিক করিয়া লয়। দিগদর্শনে একটি চুম্বকশলাকা থাকে, তাহা এইরূপ ভাবে

গতগতি করে, যে নাবিকগণ অন্যায়সে তাহা বুঝিয়া লইতে পারে। সুতরাং ইহা আন্দোলিত হইলেও বড় কার্যের ব্যাঘাত জন্মে না।

তাড়িতপ্রবাহযোগে ইম্পাতকে ক্ষণস্থায়ী চুম্বকরূপে পরিণত করা যাইতে পারে। এই সত্যটি প্রচারিত হওয়াতে আমাদের বিশেষ উপকার সাধিত হইয়াছে। আমরা যে তাড়িত বাক্সারহ ও শব্দবহ (Telephone) যন্ত্রের অন্য উপকার প্রাপ্ত হইতেছি, ঐ ক্ষণস্থায়ী চুম্বকই তাহার আদি কারণ। বিশেষতঃ তাড়িতপ্রবাহযোগে ইম্পাতে এক অধিক পরিমাণে আকর্ষণী শক্তি প্রদত্ত হইতে পারে, যে বড় বড় ভারি বোঝা উদ্ধার করা স্থানান্তরিত করা যাইতে পারে।

কৃত্রিম চুম্বক প্রস্তুত করিবার প্রণালী—প্রথমতঃ কোন লৌহখণ্ড ভূপৃষ্ঠে কণ্ঠস্থ হেলাইয়া রাখিলে তাহা চুম্বকরূপে পরিণত হইতে পারে। দ্বিতীয়তঃ তাড়িতপ্রবাহযোগে ইম্পাত চুম্বক হইয়া যায়। তৃতীয়তঃ ইম্পাত চুম্বকে

ঘর্ষণ করিলেও চুম্বকের গুণ প্রাপ্ত হয়। ত্রিবিধ উপায়ে চুম্বক দ্বারা ইম্পাত ঘর্ষিত হইয়া থাকে। (১) কোন এক চুম্বক দ্বারা এক কঠিন ইম্পাত দণ্ডের এক প্রান্ত হইতে অপর প্রান্ত পর্যন্ত ঘর্ষণ করিতে হয়, এইরূপ বার বার ঘর্ষণ করিলেই ইম্পাত চুম্বক হইয়া যায়। এইরূপে চুম্বক প্রস্তুত হইলে তাহাকে দুইয়ের অধিক কেন্দ্র হইতে পারে। (২) দুই চুম্বকের বিপরীত কেন্দ্র দ্বারা ইম্পাতের মধ্যভাগ হইলে বিপরীত দিকে ঘর্ষণ করিতে হয়। (৩) ইম্পাতের মধ্যভাগে দুই চুম্বকের বিপরীত কেন্দ্র রাখিয়া উভাদের মধ্যস্থলে এক কাষ্ঠ খণ্ড রাখিতে হয়। অবশেষে দুই চুম্বকই প্রথমতঃ এক প্রান্তের দিকে চালাইতে হয়। তৎপরে সেই প্রান্ত হইতে অপর প্রান্তে এইরূপ বার বার করিয়া মধ্যস্থলে আসিয়া পূর্ন কর্তব্য। কিন্তু এটাই বিশেষ মনে রাখা কর্তব্য যে ইম্পাতের প্রত্যেক বাহুতে সমান সংখ্যক ঘর্ষণ হয়।

ঘণ্টারামের কথকতা ।

দ্বিতীয় গল্প ।

একটি মুণ্ডায় মূর্তি ।

ঘণ্টারাম ঠাকুর তাঁহার মূর্তিকে লইয়া একবার বর্জমান যাইতে যাইতে পণি-

মধ্যে একটি মাটির মূর্তি দেখিতে পাইলেন। অস্বস্তিক মূর্তে পূর্ববৎ প্রা-

উপস্থিত করিয়া মোট নামাটিল। প্রত্যা-
পন্নমতিমান ঠাকুর তখন নিম্নলিখিত
রূপে গল্পের ব্যাখ্যা আরম্ভ করিলেন।

কোন গ্রামে এক ধনাঢ্য জমিদার-
সন্তান নূতন বাজার স্থাপন করিবার
সময় ঘোষণা করিয়া দিলেন যে,
“আমার বাজারে যে কোন বিক্রেতার
দ্রব্য অবিক্রীত হইয়া পড়িয়া থাকিবে,
আমি আমার নিম্নবাবে তাহা খরিদ
করিয়া লইব।” ঘোষণাপত্র প্রচারিত
হইলে পর, দলে দলে দোকানদার
আসিয়া বাজার পূর্ণ করিতে আরম্ভ
করিল। এক দিন একটি বুদ্ধা স্ত্রীলোক
সন্ধ্যা কাল পর্যন্ত বসিয়া আছে, কিন্তু
তাহার দ্রব্য কেহই খরিদ করে না। এই
সংবাদ জমিদারের নিকট পৌঁছিল;
তিনি অহুসন্ধান করিয়া জানিলেন
অবিক্রীত পণ্য দ্রব্যটি একটি মৃগায় মূর্তি,
তাহার নাম—অলক্ষ্মী !! সকলেই জানে,
অলক্ষ্মীর মূর্তি ঘরে রাখিলে, লক্ষ্মী-শ্রী
পাকে না, সুতরাং কেহই তাহা ক্রয়
করে না। প্রতিজ্ঞা রক্ষার জন্য,
অমাত্যবর্গের নিবেদন সত্ত্বেও, জমিদার-
সন্তানকে তাহা ক্রয় করিতে বাধ্য হইতে
হইল। বুদ্ধা স্ত্রীলোক কিছু অর্থ পাইল
বটে, কিন্তু মূর্তিটি ঘরে ফিরিয়া লইয়া
বাইতে স্বীকৃতা হইল না; অনেক বাগ্-
বিতণ্ডার পরে জমিদারসন্তানের গৃহেই
অলক্ষ্মীর মূর্তি স্থান অধিকার করিয়া
বসিল।

জমিদারের বুদ্ধা জননী মায়াকালে

গৃহের দ্বারে গিয়া চরিনাম করিতেছেন,
এমত সময়ে দেখিলেন, একটি শুক্রবসনা
হুন্দরী গৃহ হইতে বিমর্ষবদনে বাহির
হইয়া বাইতেছেন। প্রস্রোতরে জানি-
লেন, তাঁহার নাম সরস্বতী। অল্পক্ষণ
পরেই আর একটি বৃদ্ধা আপনার বেশ-
ভূষা ও উপকরণাদি লইয়া নিষ্কান্তা
হইলেন, তাঁহার নাম লক্ষ্মী। তদনন্তর
রূপ, স্তম্ভ, সঙ্কোচ, বৈধা ও গাভীর্বা
নামক কয়েকটি যুবাও বাহির হইয়া
চলিয়া গেলেন। নিষ্কমণের সময়ে
ইহারা সকলেই বলিয়া গেলেন, “এই
গৃহে আমরা পরম সুখে কালাতিপাত
করিতেছিলাম, কিন্তু হতভাগিনী
অলক্ষ্মীর প্রাচুর্য্য হওয়ায় আমরা
এখানে অবস্থান করিতে সমর্থ নহি;
যেস্থলে লক্ষ্মী স্থানভ্রষ্টা হইয়, সে স্থলে
আমাদেরও স্থানভাব হইয়া থাকে।”
জমিদারের বুদ্ধা মাতা অনেক হাতে
পায়ে ধরিলেন, কিন্তু ইহারা অহুরোধ
রক্ষা করিলেন না; গৃহের বাহিরে
চলিয়া গেলেন। বুদ্ধা জননী আপনার
ছেলেকে মাটির মূর্তি কিনিবার দোষে
অনেক গাণি দিলেন এবং তাহার গৃহ
লক্ষ্মীশূন্য হইয়াছে দেখিয়া কাঁদিতে
বসিলেন।

পর দিবস সেই সময়ে বুদ্ধা দেখিলেন,
একটি হুন্দর, বলবান ও বীর সাজে
সজ্জিত যুবা কোড়মধ্যে আপনার
ভগিনীকে লইয়া সজোরে এবং গম্ব-
পদে গৃহ হইতে বাহির হইয়া বাইতে-

চেন। অমিদারের মাতা জিজ্ঞাসা করিলেন—বাচ্চা! তুমি কে? যুবা বলিলেন—আমার নাম সাহস এবং ক্রোড়স্থিতা ভগ্নীর নাম সহিষ্ণুতা। বৃদ্ধা সেই পুরুষের পদতলে পতিতা হইয়া কাদিতে কাদিতে বলিলেন, “বাচ্চা! মকলে ঘাউক তাহাতে ক্ষতি নাই, কিন্তু তোমরা থাক।” বৃদ্ধার অহরোধ অতিক্রম করিতে না পারিয়া, সাহস এবং সহিষ্ণুতা পুনরায় স্বস্থানে প্রবেশ করিল এবং বলিল “তোমার পুত্র প্রতিজ্ঞা রক্ষার জন্য সর্বস্ব ত্যাগ করিয়াছে দেখিয়া আমরা সমুদ্র চিত্তে পুনরায় তোমার আশ্রয় অবলম্বন করিলাম।” কিন্তু বিদ্যা, ধন, স্বপ্ন, সজ্জাব, রূপ, গাভীরা ইহারা সাহস ও সহিষ্ণুতার অভাবে অনাত্র থাকিতে পারিল না, সম্বরেই আসিয়া আবার সেই জমি-

দারের গৃহকে ধন ধান্যে পূর্ণ করিয়া দিল। অমিদার যেমন ছিল, আবার তেমনই হইল। অমিদারের বৃদ্ধা জননী পরলোক গমন করিবার অব্যবহিত পূর্বে অগ্রামের মাঠে সাহসের একটি মূর্তি স্থাপিত করিয়া গিয়াছেন। ঘণ্টা-রাম ঠাকুর বলিলেন, এই সেই মূর্তি!! মুটে মোট তুলিয়া আনন্দে নৃত্য করিতে করিতে চলিয়া গেল।

পাঠক পাঠিকারা এই ক্ষুদ্র উপাখ্যানটি পাঠ করিয়া একটি সুন্দর ভাব গ্রহণ করিতে পারেন। সাহসী ও সহিষ্ণু নরনারী কিরূপ উপাদানে গঠিত এবং পরিণামে তাঁহারা কিরূপ সুখভোগ করিতে পারেন, তাহা অনেকেরই জানা আছে। বাস্তবিক সাহস এবং সহিষ্ণুতা মনুষ্যজাতিরই অদ্বিতীয় ভূষণ স্বরূপ।

প্রাচীন আর্য্যরমণীগণ।

পুরাণের (ভাগবত) কাল।

৯।—দেবহুতি।

বেদের জীগণ যে শ্রেণীর, উপনিষদের জীগণ সে শ্রেণীর নছেন। বৈদিক সময়ের নারীরা বেদব্যাক্য রচনা করিয়াছেন। উপনিষৎ কালের কামিনীকুল যে যে বিষয় প্রণয়ন করেন, তাহা বেদ-বাঙ্কা-তুল্য প্রমাণ্যবটে, কিন্তু সাফাৎ সম্বন্ধে তাঁহাদের লিপি আমরা পাই নাই; অন্যান্য লোকে তাঁহাদের বচন লিপি-

বদ্ধ করিয়া গিয়াছেন। কিন্তু ইহারা বৈদিক কালের কামিনীগণ হইতে কোন অংশে ছিন্ন ছিলেন বলা যায় না। পুরাণ, স্মৃতি প্রভৃতির সময়ের রমণীরা আবার সাধারণতঃ ভিন্ন প্রকারের। উত্তরোত্তর এবিষয়ের অনুশীলন দ্বারা তাহা সম্যক প্রতীতি হইবে।

সরস্বতী ও দ্ব্যবতী নদী-দ্বয়ের মধ্যবর্ত্ত

ব্রহ্মবর্ষ প্রদেশের রাজা আর্যভুব মনুর
ঔরসে ও শতরূপা রাজার গর্ভে দেব-
হুতি জন্মগ্রহণ করেন। প্রিয়ব্রত ও
উত্তানপাদ* নামক দুই প্রসিদ্ধ রাজা
দেবহুতির ভ্রাতা ছিলেন। তিনি দেবর্ষি
নারদ-মুখে কৰ্দ্দম মূনির স্বভাব-চরিত্র ও
আচার-ব্যবহারাদি বিদিত হইয়া
অবধি মনে মনে তাঁহাকেই পতিত্ব
বরণ করেন এবং নিজ পিতা মাতা
মনভিষাঘারে ঋষিবরের আশ্রমে গিয়া
উপনীত হন। এদিকে ঠিক সেই সময়েই
আবার কৰ্দ্দম, ব্রহ্মচর্য্য-সমাপনান্তে গৃহস্থ-
শ্রমে প্রবেশ করিতে মনোযোগী
হইয়াছিলেন। সুতরাং দেবহুতির ভাগ্য
সুপ্রসঙ্গ বলিতে হইবে। তিনি যেনই
রূপবতী, তদনুরূপ বা তদধিক গুণবতী
নারী। এটিও তাঁহার বিবাহ কার্য্যের
অনুকূল হইল। উভয়ে যথা-নিয়মে
বৈবাহিক বন্ধনে আবদ্ধ হইলেন।
পরিণয়ের পর হইতেই, তিনি ভর্তার
অভিমতানুযায়ী ক্রিয়ান্বিত রহিলেন।
ব্রতোপবাসের কঠোর নিয়ম পরিপালনে
ও উৎকট পরিশ্রমে তাঁহার তনু অমুদিন
বিবর্ণ ও ক্ষীণ হইয়া আসিতে
লাগিল। তখন ঋষি প্রবর তাঁহার প্রতি
কৃপাণরবণ হইয়া সদয় ব্যবহারে তাঁহার
সন্তোষ সাধন করিলেন। অতঃপর
ক্রমে ক্রমে তাঁহার ৯ নয়টী কন্যা
জন্মিল। তদনন্তর তদীয় স্বামী পুনরায়

* ইনিই পুরাণোক্ত ঋষের পিতা।

সুতরাং দেবহুতি ঋষের পিসী ছিলেন।

বনপ্রস্থানোদ্যত হইলে, দেবহুতি
কহিতে লাগিলেন,—“আপনি সংসারা-
শ্রম পরিত্যাগ করিয়া গেলে, কে এই
কন্যাগণের উপযুক্ত পাত্র অন্বেষণ
করিয়া দিবে? আর আপনার অভাবে
কেই বা আমাকে জ্ঞানোপদেশ প্রদান
করিবে? আমার তত্ত্বজ্ঞান শিক্ষার্থ
কাহাকেও নিযুক্ত না করিলে আমার
নানা অনিষ্ট উৎপন্ন হইবে।” ইহাতে
মুনিবরের অন্তরে কারণ্যরসের আবির্ভাব
হইল। তিনি মহিষীকে ঈশ্বরোপাসনার
চিত্ত সংযম করিতে উপদেশ দিলেন
এবং কিছু দিনের জন্য বন গমন স্তুতি
রাখিয়া গৃহস্থশ্রমে অবস্থিতি পূর্ব্বক
কলা, অনসূয়া, শ্রদ্ধা, হবির্ভূ, গতি,
ক্রিয়া, ধ্যান, অরুণতী, শান্তি নয়টী
তনয়ার সহিত ক্রমান্বয়ে মরীচি, অত্রি,
অঙ্গিরা পুলস্ত্য, পুলহ, ক্রতু, ভৃগু,
বশিষ্ঠ, এবং অথর্ক এই ৯ নম্বর ঋষির
উদ্বাহ কার্য্য সম্পাদন করিলেন। এই
হুতিদের মধ্যে অরুণতী ও অসূয়া
বিলক্ষণ প্রসিদ্ধ। স্থলান্তরে তাঁহাদের
বৃন্তান্ত বর্ণন করা যাউবে। সে বাহা
হটক, অতঃপর দেবহুতির গর্ভে কপিলের
উৎপত্তি হয়। তখন কৰ্দ্দম বিজ্ঞান বিপিনে
গমন করেন। কপিল নামে দুই ব্যক্তি
ছিলেন। একজন প্রাচীন, অপর
ব্যাসদেবের পরবর্তী। প্রথম, সাংখ্য-
স্বত্রকর্তা। দ্বিতীয়, সগর-রাজের পুত্রগণকে
দাহ করেন। তিনিও সাংখ্যদর্শন-শাস্ত্রের
বিশেষ প্রচার-পক্ষে অনেক সহায়তা

করিয়াছেন,—কেহ কেহ এইরূপ
অভিপ্রায় প্রকাশ করেন। এস্থলে
যাহার বৃত্তান্ত চলিতেছে, তিনি দ্বিতীয়
কপিল অর্থাৎ অপেক্ষাকৃত অপ্রাচীন।
যাহার উক্ত, কালক্রমে কপিলদেব
বয়ঃপ্রাপ্ত ও প্রজ্ঞাবান হইয়া উঠিলেন।
তিনি জননীর অভিপ্রায়ানুসারে
তঁাহাকে শাস্ত্রশিক্ষা প্রদানে ব্যাপ্ত
হইলেন। জননীও অবহিতচিত্তে তঁাহার
উপদেশ গ্রহণ করিতে লাগিলেন।
কপিল মহর্ষি-প্রদত্ত উপদেশ এ স্থলে
সংক্ষেপে উল্লেখ করিয়া দেবহুতি বিষয়
সমাপ্ত করা ঘাইতেছে।

কপিল মুনি মাতাকে যেরূপ বলিতে
আরম্ভ করেন, এবং দেবহুতি ও তদ্বিষয়ে
যেমন কথোপকথন করেন, নিম্নে বর্ণিত
হইল;—

কপিল—“আমার মতে যোগই
মুক্তি সাধনের প্রধান উপায়। সেই
যোগ সাধন মনঃসংযম অর্থাৎ অস্তঃ-
করণের একাগ্রতা ব্যতিরেকে কল্পি-
কালেও সম্পাদিত হইতে পারে না।
মনকে যে দিকে চালিত করা যায়, উহা
সেই দিকেই প্রধাবিত হইতে থাকে।
চিন্তাবৃত্তি ভোগ্য বস্তুতে আসক্ত হইলে,
জীবের নিষ্কৃতি লাভের সম্ভাবনা নাই।

কিন্তু উহা দীর্ঘরে প্রতিষ্ঠিত হইলে পর,
অজ্ঞানতা, পাপ, প্রলোভনাদি হইতে
পরিভ্রাণ পাওয়া যায়। পরাংপরে
আত্ম-সমর্পণ বিনা যোগিগণের ব্রহ্মজ্ঞান
লাভের আর দ্বিতীয় পথ বিদ্যমান নাই।
নাশুসঙ্গই ঐ সমুদায়ের মূলভূত।”

দেবহুতি।—“বৎস! ভগবানকে
কিরূপ ভক্তি করা কর্তব্য, অবগত নহি।
আমি স্ত্রীজাতি, দীর্ঘরের প্রতি আমাকে
কি প্রকার ভক্তি প্রকাশ করিতে হইবে
এটা বিশেষ করিয়া বল। কলতঃ
ভক্তিবোধে দীর্ঘর পদ প্রাপ্ত হইতে
পারিলেই, আমার জন্ম সার্থক হয়।
আমি জ্ঞানহীনা সামান্য নারী যাত্র;
অতএব ঐ তুর্য্যোপ অথচ উৎকৃষ্ট তত্ত্বে
যাহাতে সহজে আমার প্রতীতি হইতে
পারে, তাদৃশ সরল প্রণালিতে তাহা
কীৰ্ত্তন কর।”

কপিল।—“বেদোক্ত কৰ্ম্ম করিলেই
ভগবদ্ভক্তির উৎপত্তি হয়। এই ভক্তির
প্রভাবেই মোক্ষমার্গ সুগম হইয়া
আইসে। কিন্তু জননি! অনেকের এইরূপ
প্রণালীতে পরিতুষ্ট নহেন। তঁাহারা মুক্তি
অপেক্ষা ভক্তিবোধে পরমেশ্বরানুভব-
জনিত অধিকার আরাম আছে বলিয়া,
তাহাতেই লিপ্ত থাকেন।”

(ক্রমশঃ)

অসভ্য জাতির বিবরণ।

সাঁওতাল জাতি।

(গত প্রকাশিতের পর।)

সাঁওতালদিগের গ্রামের মোড়ল বা সর্দারকে মাঝী বলে। সে গ্রামের জঙ্গ, মাঝিষ্ট্রেট সকলই, আর সকলকে তাহার অধীন থাকিতে হয় ও তাহার অহুগত হইয়া চলিতে হয়। সেও সকলকে আপনায় পরিবারের মত দেখে, সকলের মঙ্গল চেষ্টা করে, আপদে বিপদে সকলকে সাধামত সাহায্য করে এবং পরস্পরের মধ্যে বিবাদ বিসম্বাদ হইলে মিটাইয়া দেয়। মাঝী যদি সরিয়া যায় বা স্থানান্তরে গমন করে অথবা স্বীয় কার্যের উপযুক্ত না হয়, গ্রামস্থ প্রবীণ লোকে অন্য ব্যক্তিকে মনোনীত করিয়া মাঝী পদে বরণ করে। ইহাদিগের বিচার পঞ্চায়েত দ্বারা হইয়া থাকে। কোন গোলযোগ বা অভিযোগ উপস্থিত হইলে তাহার নীমাংসা করিবার জন্য মাঝী বৃদ্ধ ও সচ্চরিত্র লোকদিগকে আহ্বান করে। তাহার দ্বারা প্রতিবাদীর বক্তব্য শুনে এবং সাফা লয়, পরে তাহাদিগের বিবেচনায় যে সিদ্ধান্ত হয়, তাহা প্রকাশ করে। সাফ্যদান সময়ে সাক্ষীগণ ব্যায়চর্ম দুই হাতে ধরিয়া বলে “জিহুরে দোখাই, নাত্য বলিতেছি।” বিচারের দ্বারা ভারী করা মাঝীর কাজ। সে অর্থদণ্ড করে বা দাহার প্রাপ্য দ্রব্য,

তাহাকে দেওয়াইয়া দেয়। ক্ষতিপূরণের বদলে আসামীর উপর কখন কখন ভোজ দিবার হুকুম হয়, মাঝী তাহার ব্যবস্থা করে। নরহত্যা ইহাদিগের মধ্যে এত বিরল যে এরূপ অপরাধের নগু কি, একজন সাঁওতাল সর্দারকে জিজ্ঞাসা করাতে সে বলিতে পারিল না। সতীত্বের প্রতিও ইহাদিগের প্রথর দৃষ্টি। তবে এরূপও দেখা যায়, কেহ অপরের স্ত্রীর প্রতি আসক্ত হইলে তাহাকে উক্ত স্ত্রীলোকের স্বামীকে তাহার বিবাহের বৌতুক কিরাইয়া দিতে হয় এবং গ্রামস্থ লোকদিগকে ভোজন করাইয়া সম্বরণ করিতে হয়।

সাঁওতাল রমণীদিগের প্রসবের সময় ধাত্রীর সাহায্য গ্রহণ করিতে হয় না। প্রসূতি নিজেই সকল কার্য সমাধা করে। কোন বৃদ্ধ স্ত্রীলোক আনিয়া কেবল নাড়ী কাটিয়া দেয় এবং ঘরের মেঝেতে ফুল পুতিয়া ফেলে। এই বৃদ্ধা প্রসূতির বস্ত্র ধৌত ও তাহার জন্য রন্ধন করে। প্রসূতি সচরাচর ৪৫ দিনের পর আঁতুড় হইতে বাহির হয়। তখন চাউল, ঘুসা ও নিম্বের পাতা সিদ্ধ করিয়া এক এক ডেলা বদ্ধ বাকব ও কুটুমদিগকে খাইতে দেওয়া হয়, মাতি ও দাত্রীও তাহা

আহার করে। এই অনুষ্ঠান না হইলে স্বামী গৃহে প্রবেশ করিতে পারে না। এই দিন প্রস্তুতিকে গরম জলে গাঞ্জ ধৌত করিতে হয় এবং ভোজের পূর্বে গৃহ ও গৃহস্থ বস্ত্র ও পাখাদি ধৌত করিতে হয়। হাঁড়ী কুড়ী কিছু ভাঙ্গিতে বা কেলিয়া দিতে হয় না। বুদ্ধা স্ত্রীলোক ৩ হাতী একখান কাপড় এবং ৪টা পয়সা পুরস্কার পায় এবং বে কয়দিন সেবা করে থাইতে পায়।

উপরি-উক্ত ভোজের সময় শিশুর নামকরণ হয়। প্রথমজাত পুত্রের নাম ভাহার পিতামহ বা পিতামহ ভ্রাতার নামানুসারে হয় অর্থাৎ ইহাদিগের মধ্যে পরিবারের যিনি শেষ কর্তা, তিনি জীবিত বা মৃতই হউন, তাঁহার নাম গ্রহণ করা হয়। দ্বিতীয় পুত্রের নাম মাতৃকুলের কর্তার নামানুসারে হয়। প্রথম কন্যার নাম পিতৃকুলের কর্তা এবং দ্বিতীয়া কন্যার নাম মাতৃকুলের কর্তার নামানুসারে নির্দিষ্ট হয়।

সাঁওতালদিগের মধ্যে বিবাহে স্বয়ম্বর-প্রথা প্রচলিত অর্থাৎ যুবক ও যুবতীরা প্রাপ্তবয়স্ক হইয়া আপনাদিগের স্ত্রী ও স্বামী মনোনীত করে। পিতা মাতা কখন কখন সম্পত্তির লোভে পুত্রকন্যাদিগের মত আপনাদিগের মতানুসারে সংগঠন করিবার চেষ্টা পায়, কিন্তু সচরাচর নয়। ভিন্ন পরিবার বা গোত্র হইতে স্ত্রী মনোনীত করিতে হয় এবং সচরাচর এক গ্রামে প্রায় এক পরিবার বসতি করে,

মুতরাং ভিন্ন গ্রাম হইতে স্ত্রী গ্রহণ করিতে হয়। কন্যা মনোনীত হইলে বরের আত্মীয়গণ তাহার মত জিজ্ঞাসা করিতে যায়। যাইবার সময় পথে যদি তেলের ডাঁড়, কোদাল বা শূগাল অথবা কোন মল্ল্যাকে কাঠ ভাঙ্গিতে দেখা যায়, তাহা হইলে তুলক্ষণ মনে করা হয় এবং বিবাহ ভাঙ্গিয়া যায়। পথে ব্যাঘ্র, সর্প বা কাহারও মাথার জলের কলস দেখিলে তুলক্ষণ বলিয়া বিবেচিত হয় এবং বিবাহ নিশ্চিত হইবে বোধ হয়। বিবাহে পণও আছে। একজন মাকীর পিতা বিবাহের সময় খন্তরকে নগদ ৯ টাকা ও ১০ সলি ধান্য দিয়াছিল। বিবাহ হইলে কন্যার যাহা কিছু পূর্ব সম্পত্তি পিতার গৃহেই থাকে, স্বামী যে গহনা কিনিয়া দেয়, কেবল তাহাই লইয়া সে স্বামিগৃহে আসে।

বিবাহের কথাবার্তা ঠিক হইলে বর আত্মীয়গণ ও গ্রামের মাকীকে সঙ্গে লইয়া কন্যার গৃহে যায়। কন্যার পিতাকে ডাকা হয় এবং তাহার গ্রামস্থ মাকীর সম্মুখে তাহার কন্যাকে সে বিবাহ দিবেক কি না জিজ্ঞাসা করা হয়। কন্যার পিতা সম্মতি দেয়, ভেট লয়, বাটীর ভিতরে গহনা লকল লইয়া কন্যাকে পরাইয়া দেয়, পরে তাহাকে একটা খুড়ীর ভিতর বসাইয়া কাপড় দিয়া ঢাকিয়া রাখে। বরের আত্মীয়গণ বাটীর ভিতর গিয়া খুড়ী শুদ্ধ কন্যাকে বাহিরে লইয়া আইসে। এই সময় আহার প্রস্তুত হয় এবং আত্মের পন্নব দিয়া জলপূর্ণ কলস

বহির্দ্বারে স্থাপন করা হয়। তাহার এক দিকে কন্যাকে রাখা হয়, আর এক দিকে আর একটী বৃদ্ধীতে কাপড় ঢাকা দিয়া বরকে রাখা হয়। তৎপরে কন্যার ঢাকা কাপড় তুলিয়া লইয়া বরকন্যার মধ্যে রাখা হয়। তখন বর, কন্যার মস্তকে জল ও আত্মের পল্লব দিতে থাকে, কন্যাও বরের মস্তকে সেইরূপ উপহার দেয়। তৎপরে বর আগনার পাত্র হইতে অন্ন ব্যঞ্জন লইয়া কন্যার পাত্রে দেয়, কন্যা তাহা মাখিয়া চুখিয়া খায় এবং সেও বরের পাত্রে অন্ন ব্যঞ্জন দিলে বরও সেইরূপে খায়। অনন্তর বরের ভগিনী আসিয়া বরের বস্ত্রের এক কোণ কন্যার বস্ত্রের এক কোণে বাধিয়া দেয় এবং ৪টা পরমা লইয়া পরে তাহা তুলিয়া দেয়। তখন উপস্থিত সকল ব্যক্তি আশীর্বাদ করে, “তোমাদের প্রচুর অন্ন বস্ত্র ও ধনধান্য হউক, তোমরা সুখী হও ও বংশবৃদ্ধি কর।” অতঃপর বংশী বাজাইয়া নৃত্য গীত বাজা, পান ও ভোজন হয়। বিবাহদিনের ব্যয় কন্যা-কর্তাকে দিতে হয়, সুতরাং তাহার অর্থহীন হুসারে ভোজের জাঁক জমক হইয়া থাকে। বিবাহের পর তিন দিন কন্যা পিতৃগৃহে থাকিতে পারে, তৎপরে বাজনাবাদ্য করিয়া তাহাকে স্বস্ত্রগৃহে লইয়া যাওয়া হয়। তাহার আত্মীয়গণ সেখানে তিন দিন ভোজন করে, তৎপরে তৈবাহিক অন্নর্চন শেষ হয়। একজন মাঝীর স্বস্ত্রবাড়ীর মোকদিগকে ধাওয়াইতে

৪ মণ চাউল, ২ মণ মদ্য, পাঁচ সিকার তৈল, ৬০ আনার লবণ এবং ১০ আনার মসলা খরচ হইয়াছিল।

সাঁওতালদিগের মধ্যে স্ত্রী-পরিভ্যাগের নিয়ম নাই। প্রথম স্ত্রী বক্ষা হইলে স্বামী তাহার অল্পমতি লইয়া বিত্তীয় বার বিবাহ করিতে পারে, কিন্তু দ্বিতীয় স্ত্রীর প্রথম পুত্র কন্যা প্রথমা স্ত্রীর সন্তান বলিয়া গণ্য হয়। বিত্তীয় স্ত্রীর সন্তান না হইলে আর বিবাহের নিয়ম নাই।

মৃত্যুর সময় মৃত্যু ব্যক্তির মস্তক দক্ষিণ ও পদদ্বয় উত্তরাভিমুখে রাখিতে হয়। তাহার নিকটসম্পর্কীয় লোক আসিয়া তাহাকে তৈল মাখায়, জল দিয়া সর্দাক ধৌত করে এবং মরিলে তাহার শব বনে লইয়া গিয়া স্রোতস্বতী কোন নদীর ধারে চিতা সাজাইয়া পূর্বের ন্যায় দক্ষিণ শিরে শোয়াইয়া দেয়। স্রোতস্বতী না পাইলে বদ্ধ জলাশয়ের ধারেও সংকার কার্য হইয়া থাকে। পুত্র কিম্বা নিকটসম্পর্কীয় জ্ঞাতি আসিয়া মুখাধি করে, পরে বনে আগুন ধরাইয়া দেওয়া হয়। শব পুড়িয়া গেলে চিতা জল দিয়া ধোওয়া হয় এবং দক্ষাবিশিষ্ট তিনখানি হাড় কুড়াইয়া লওয়া হয়। এই অস্থি তিন খানি নেকড়ায় জড়াইয়া মৃত ব্যক্তির ঘরের চালে তিন দিন টাঙ্গাইয়া রাখা হয়, পরে মুখাধিকারী ব্যক্তি তাহা লইয়া দামোদর নদে নিক্ষেপ করে। স্ত্রীলোকদিগের অস্থিও এইরূপে

নিষ্কিপ্ত হইয়া থাকে। বাণক বালিকা-
দিগের অস্থি দগ্ধ করা হয়, কিন্তু পরে
শাল বনস্থ কোন স্রোতোজলে নিক্ষেপ
করা হয়। হিন্দুদিগের প্রথাঃসারে
ছোট শিশুদিগের যেমন "সমাধি" হয়,
ইহাদিগেরও সেইরূপ। দায়াদর মদ
ইহাদিগের নিকট এত পবিত্র যে
তাঁহাতে মৃত আত্মার অস্থি নিক্ষেপ
করিবার জন্য ইহারা ১৮ দিনের পথ
চলিয়াও পিয়া থাকে। ইহাদের বস্ত্র,
আহার বা অলঙ্কার সম্বন্ধে শোক-হৃচক
কোন চিহ্ন ব্যবহৃত হয় না।

শবদাহের পর ইহারা স্নান করে ও
কাপড় কাচে এবং মৃতের উদ্দেশে একটি

মোরগ বা পাঁটা বলি দিয়া বলে "এই
তোমার জন্য শেষ ভোজ্য দিলাম।"
"পূর্বপুরুষদিগের নিকটে যাও বা
আমাদিগের নিকট আসিও না" এ কথা
বলিতে নাই। তাহারা বিশ্বাস করে
মৃতের আত্মা বাড়ী, মাঠ বা বনে থাকে,
পরিবারদিগকে হুখী দেখিয়া হুখী হয়
এবং কোন বিপৎপাতের আশঙ্কা হইলে
তাঁহাদিগকে পূর্বে সাবধান করিয়া
দেয়। মৃত ব্যক্তি স্ত্রী বা পুরুষ হউক,
তাহার স্বরণার্থ প্রস্তর বা কাষ্ঠখণ্ড
সকল কোন সুবিধা মত স্থানে পুতিয়া
রাখে এবং তাহা উত্তর দক্ষিণে শ্রেণীবদ্ধ
করিয়া সাজাইয়া রাখিয়া দেয়।

মরিসস কোয়ারেণ্টিন স্টেশন।

(২৪৮ সংখ্যা—১৫৪ পৃষ্ঠার পর)

প্রত্যেক জাতির জাহাজের পতাকা
স্বতন্ত্র। ইংরাজী স্বরণ ব্যতিরেকে
প্রায় সমস্ত হলবার্ণ প্রকাশক এক একটি
পতাকা প্রতি জাহাজে থাকে। এইরূপ
পতাকায় অনেক ভাব সংক্ষেপে নিবিষ্ট
করা হইয়াছে। মনে করুন, বি, সি, ডি, জি,
এই চারিটা পতাকা পর পর এক রজ্জুতে
প্রাণিত হইয়া উড়িতে থাকিলে, বুঝিতে
হইবে,—"এই জাহাজ ভারতবর্ষ হইতে
আগিতেছে।" এইরূপ সুবিধা আছে

বলিয়া, দূরত্ব হুইধানি জাহাজের অথবা
জাহাজস্থ লোকদিগের মধ্যে নীরবে
কথোপকথন চলিয়া থাকে।

এই ছীপে একটাও সরোবর নাই।
দুঃখ দুঃখ করে একটা নদী আছে। সে
গুলিতে জল জমাই থাকে বটে, কিন্তু অতি
নির্মল। ইহাদের মধ্যে গ্রান্ড নদী
(Grand River) সর্বাপেক্ষা বৃহৎ, প্রায়
৫০০ ফিট প্রশস্ত।

মরিসসে গঙ্গাঘাট অতি বিরল। নিঃস

বায়স, ভল্লুক, গণ্ডার প্রভৃতি হিংস্র জন্তু একটাও নাই। সময়ে সময়ে ছই একটা মর্প দেখিতে পাওয়া যায় বটে, কিন্তু তাহারা বিধিত নহে। শুনা যায়, ভারতবর্ষ হইতে কতকগুলি বায়স আনিয়া এখানে ছাড়িয়া দেওয়া হইয়াছে। এক্ষণে ক্রমে তাহাদের সংখ্যা হ্রাস পাইতেছে। মৎস্য জাতি দেখিতে অতি হৃদয়, নানাবর্ণ চিত্রিত। ইহাদিগকে রাখিতে ইচ্ছা করে, ভক্ষণ করিতে মমতা হয়। কতকগুলি খাইছে অতি সুস্বাদু।

এই দ্বীপের আদিম অধিবাসীরা কাক্সি জাতির ন্যায় নিতান্ত অসভ্য ছিল। পরে স্পেনিয়ার্ড, ওলন্দাজ, ইংরেজ, ফরাসী প্রভৃতি ইউরোপীয় জাতির অধীন হইয়া কিয়ৎপরিমাণে সভ্য হইয়াছে। এই সকল জাতি হইতে এক মিশ্র বর্ণ উৎপন্ন হইয়াছে। ইহাদিগকে ক্রিয়োল (Creole) বলে। ইহাদের ভাষার নামও ক্রিয়োল। ইহা ফরাসীর অপভ্রংশ। ক্রিয়োলদিগের বলবীৰ্য্য, ইষ্ট ইণ্ডিয়ান ও ইউরেশিয়ানদিগের ন্যায়। এই জাতি ভিন্ন, ভারতবর্ষের উত্তর পশ্চিমাঞ্চল শু মাল্লাজ হইতে লোক আনিয়া এখানে বাস করিতেছে। অল্পসংখ্যক কাক্সিও আছে। অধিবাসীদিগের মধ্যে অনেকেই ইক্ষুর চাষে নিযুক্ত। কেহ কেহ বা স্বাধীন বৃত্তি অবলম্বন করিয়াছে। এখানকার বাবদারিগণের মধ্যে অধিকাংশ বোম্বাই আরব। এখানকার ভারতবাসীদিগের বাসগৃহ আমাদের দেশের

কুচীরের মত। ক্রিয়োলেরা আর কাঠ-নির্মিত গৃহে বাস করে। এদেশের ন্যায় অট্টালিকা অল্পই দৃষ্ট হয়। ক্রিয়োলদের আহারীয় জীবোর মধ্যে ইউরোপীয় জাতিদিগের অপেক্ষা অনেক ভাগ বড় অধিক। সুরাপান ইউরোপীয়দের ন্যায় একইরূপ। পরিচ্ছদের কোন বিচলিত নাই। এখানে সকল জীবাই মৈহার্য। ভারতবাসীর সমাগমে এখানে পানের চাষ হইয়াছে। দ্বীপের এক স্থান হইতে অন্য স্থানে বাইবার সুবিধা মন্দ নহে। রেলপথ দ্বীপের এক সীমা হইতে সীমান্ত পর্যন্ত বিস্তৃত। নিম্নশ্রেণীর গাড়ীর ভাড়া প্রতি ক্রোশে ছই আনা। ভাড়াটিয়া গাড়ী ছই প্রকার। এক রকম গাড়ী পশ্চিমে একার ন্যায়, ইহার নাম ক্যারিয়ল। ভাড়া প্রতি ঘণ্টা ৮০ বার আনা। ২।৩ ঘণ্টার জন্য লাইলেও প্রতি ঘণ্টা ঐ হিসাবে পড়ে। সহরের বাহিরের ভাড়া কিঞ্চিৎ অধিক। ইহাতে ছইজন কষ্টে বসিতে পারে। আর এক প্রকার গাড়ী এদেশের ফিটনের মত। ভাড়া প্রতি ঘণ্টার ১।০ টাকা। গাড়ী এখানে নাই।

মরিসসের কোর্টারেটাইনে নিয়ম বড় কঠিন। বিশেষতঃ যে সকল জাহাজ ভারতবর্ষ হইতে এখানে আসে, তাহাদিগকে নানারূপ কষ্টে পড়িতে হয়। দ্বীপবাসীরা এই সকল জাহাজকে ভয়ের চক্ষে দেখে। মনে করে, ইহারা যেন কত পীড়ার বীজ আনয়ন করিয়াছে।

বাঙ্গালার ন্যায় এখানেও ম্যালেরিয়া বড় প্রবল। কিন্তু সৌভাগ্যক্রমে এখানে ওলাউরা রোগ বড় দৃষ্ট হয় না। এখানে হাভুড়িয়া চিকিৎসক নাই। কারণ, তাঁহারা মৃত হইলে আইনানুসারে শাস্তি পাইয়া থাকেন। সকল ডাক্তারই ইউরোপের উপাধিধারী। ফ্রান্স ও গ্রেটব্রিটেনের উপাধিপ্রাপ্ত চিকিৎসকের সংখ্যাই অধিক। তাঁহাদের ফি দুই টাকা মাত্র। স্বীপটী এগারি জেলায় বিভক্ত। প্রত্যেক জেলায় একজন গবর্নমেন্টের ডাক্তার ও ডাক্তারগণনা আছে। রাজধানী পোর্ট লুইয়ে একটি বড় হাসপাতাল আছে। ইহা ভিন্ন কুঠ ও উদ্যানগ্রস্ত রোগীদের জন্য দুইটি স্বতন্ত্র আশ্রম সহরের অনতিদূরে

আছে। এক্সাইমেটলেশন-সোসাইটির (Acclimatization society) একটি উদ্যান আছে। এখানে ভিন্নদেশীয় পশুপক্ষিগণকে আনাইয়া যত্নে প্রতিপালন করা হয়। একটি ক্ষুদ্র মিউজিয়াম আছে। একটি নাট্যশালাও দৃষ্ট হয়। তথায় সময় সময় ভিন্ন ভিন্ন দেশ হইতে থিয়েটার দল আসিয়া কিছুদিন ব্যাপিয়া অভিনয় করে। এখানে একটি বিদ্যালয় আছে। তথায় লওনের ম্যাট্রিকিউলেশন পরীক্ষার পাঠ্য পৰ্য্যন্ত শিক্ষা দেওয়া হয়। এই পরীক্ষোত্তীর্ণ প্রথম দুইটি ছাত্র ইউরোপীয় যে কোন বিশ্ব-বিদ্যালয়ে পড়িতে পারেন। গবর্নমেন্ট ৪৫ বৎসরের ব্যয় যোগান।

রাধাচরণ এবং নন্দকুমার।

দ্বিতীয় প্রস্তাব।

ভারতের ইংরাজ ইতিহাস-লেখকেরা রাধাচরণের মোকদ্দমার বিস্তৃত বিবরণ প্রদান করেন নাই। ভারতে ইংরাজ শাসনের প্রথম সাময়িক ইতিবৃত্ত আমরা পরিস্ফুট ভাবে প্রাপ্ত হই নাই। যে সকল প্রাচীন গ্রন্থ অল্পসন্ধান করিয়া আমরা তৎসাময়িক রাজনৈতিক বিবৃতি সংগ্রহ করিতে সমর্থ হই, তাহা এতদপ ভাবে লিখিত হইয়াছে যে, তন্মধ্য হইতে প্রকৃত বিবরণ নির্বাচন করিয়া লওয়া নিতান্ত অকঠিন হইয়া পড়ে। নিরপেক্ষ সত্য্যপ্রিয় এবং অঙ্গদর্শী লেখকের নিকট

হইতে রাধাচরণের অল্পত মোকদ্দমার ইতিবৃত্ত আমরা প্রাপ্ত হই নাই; কলিকাতা রিভিউ পত্রে বিভারিজ সাহেব যে বিবৃতি প্রদান করিয়াছেন, তাহাতে পরিতৃপ্ত হওয়া যায় না; তাহার প্রদত্ত বিবরণ নিতান্ত সংক্ষিপ্ত, অপ্রশস্ত এবং অসম্পূর্ণ। আমরা কেটলি সাহেবের সংগৃহীত (Keightley's Notes) দৈনিক বিবরণ নামক পুস্তক হইতে এ বিষয়ের কিঞ্চিৎ ইতিবৃত্ত সংগ্রহ করিয়া দিতেছি। যতদূর জানা গিয়াছে, তাহাতে বোধ হয়, কেটলি সাহেবই সর্বপ্রথমে এ বিষয়ের

বিবরণ সংগ্রহ করিতে প্রবৃত্ত হইলেন; কেটলীর বিবৃতি সংক্ষিপ্ত বটে, কিন্তু অসার নহে।

কাঠ তোরঙ্গ হইতে রসিদ পত্র অপস্থত হইবার কথা আমরা পূর্বে বিবৃত করিয়াছি। এ হলে আর একটা বিবরণের উল্লেখ করা আবশ্যিক। রাজা নন্দকুমারের মোকদ্দমার সহিত রাধাচরণের মোকদ্দমার কিছু ভিন্নতা লক্ষিত হয়। রাজা নন্দকুমারের মোকদ্দমায় বাদী এবং প্রতিবাদী ইহারা উভয়েই হিন্দুধর্মাবলম্বী ছিলেন, কিন্তু রাধাচরণের মোকদ্দমায় প্রতিবাদী এক জন রিহদী!! তাঁহার নাম সলোমন।* পূর্বে বর্ণিত হইয়াছে যে, শত্ৰুনাথ তিন লক্ষ টাকার মধ্যে এক লক্ষ টাকা প্রদান করেন এবং বাকী দুই লক্ষ টাকা কয়েক মাস পরে দিবেন বলিয়া প্রতিশ্রুত হইলেন। তদনন্তর তদানুযায়িক যে সকল অঙ্কৃত ঘটনা ঘটয়াছিল, তাহাও আমরা ইতিপূর্বে প্রস্তাবের অপরাংশে নির্দেশ করিয়াছি। কথিত এক লক্ষ টাকা শত্ৰুনাথ, সলোমন নামে এক রিহদী বণিকের নিকট হইতে ঋণ গ্রহণ করেন। এই সলোমনের সহিত হেষ্টিংস সাহেবের অকৃত্রিম বন্ধুতা ছিল; উভয়ে একত্রে ভ্রমণ, একত্রে উদ্যান পরিদর্শন, এবং একত্রে সময়ে সময়ে আহারাদিও

করিতেন। কিছু দিন পরে সলোমন আরও দুই লক্ষ টাকা শত্ৰুনাথকে হাওলাত দেন; শত্ৰুনাথ ঐ টাকা এবং আরও কিছু টাকা নিজের কোষাগার হইতে রাধাচরণকে দিয়া ঋণ-ভায় হইতে সম্পূর্ণরূপে মুক্ত হইলেন। ইহার অব্যবহিত পরে সাময়িক ঘটনার কোন বিবরণই ইতিবৃত্তলেখকেরা আমাদের কাছে জানিতে দেন নাই। আমরা এই পর্যন্ত জানিতে পারিয়াছি যে, সলোমন করিয়াদী হইয়া রাধাচরণের নামে “কৃত্রিম রসিদ প্রস্তুত করা, ভয় প্রদর্শন দ্বারা নিরপরাধী ব্যক্তির নিকট হইতে টাকা আদায় পূর্বক অর্থ সংগ্রহ করা এবং কৌশল করিয়া ভয় প্রদর্শন করতঃ শত্ৰুনাথ ও সলোমনের নিকট হইতে ঋণ গ্রহণের কৃত্রিম রসিদ লেখাইয়া লওয়া”—এই কয়েকটি গুরু-তর অপরাধের অভিযোগ উপস্থিত করেন। তখন হাইকোর্ট বা সুপ্রিম-কোর্ট ছিল না; সুতরাং মেয়র কোর্টের (Mayor's court) জজদিগের উপরে এই মোকদ্দমার বিচার করিবার ভার ন্যস্ত হইল। হুজুরের বিষয়, এই সময়-কার বিবরণ আমরা আদৌ প্রাপ্ত হই নাই। বহুল অহুমত্বান দ্বারা প্রস্তাবটিকে আমরা আরও প্রশস্ত এবং ইতিহাসমূলক করিতে পারিতাম, কিন্তু আমাদের ক্ষুদ্র ক্ষমতার অহুমত্বের গ্রহের অভাবে আমরা তাহাতে আশ্রিতঃ ক্ষান্ত রহিলাম।

*কলিকাতা রিভিউ, এপ্রিল, ১৮৭২। ২১-পৃষ্ঠা। (Vide H. Beveridge's "Warren Hastings in Lower Bengal," part III.)

১৭৬৫ খৃষ্টাব্দে রাধাচরণের মোকদমার বিচারকার্য আরম্ভ হয়, এবং তিন মাস কাল ব্যাপিয়া অনেক গোলযোগের পর ঐ বর্ষের শেষ ভাগে জজেরা তাঁহাকে দোষী স্থির করিয়া তাঁহার প্রাণদণ্ডের আদেশ দেন। তখন পেনেলকোড ছিল না, সুতরাং জজ সাহেবেরা বিলাতের “কবেন্ট্” (Coven-try Act) নামক আইন অবলম্বন করিয়া এই মোকদমার বিচার করিতে বাধ্য হইয়াছিলেন। কবেন্ট্ আইন এদেশের উপযুক্ত কি না, এবং তদনুসারে বিচার করা উচিত কি না, জজেরা তাহা ভাবিয়া বেগেন নাই। বাহাউক, সুপ্রীম কোর্ট প্রতিষ্ঠিত হইবার পূর্বে “কবেন্ট্” বিধি এদেশের পক্ষে যে সম্পূর্ণ অসুপযুক্ত বলিয়া নির্দিষ্ট হইয়াছিল, তাহা বিভারিজ সাহেব স্পষ্টতঃ দেখাইয়া দিয়াছেন; কিন্তু হেষ্টিংস সাহেবের বড়মস্ত্রে একথা কেহই স্পষ্ট করিয়া তখন বলিতে পারেন নাই। রাধাচরণের উকিলেরা যথোচিত পারিশ্রমিকভাবে বীতিমত পরিশ্রম করিয়াছিলেন বলিয়া বোধ হয় না। ১৭৬৫ খৃষ্টাব্দে রাধাচরণের প্রাণদণ্ডের আদেশ হইলে, অনেকে তাঁহার মুক্তির জন্য বিশেষ উদ্যোগ করেন, এবং সহরের প্রধান প্রধান লোকেরা আপনাপন নাম স্বাক্ষর করিয়া আদালতে এক দরখাস্ত

দাখিল করেন। ঐ দরখাস্তে মোহন প্রসাদের নাম দেখা যায়; মোহন প্রসাদ নন্দকুমারের মোকদমার একজন প্রধান বড়বস্ত্রী বলিয়া বিখ্যাত। ইনি হেষ্টিংস সাহেবের প্রিয়পাত্র ছিলেন। কেহ কেহ অনুমান করেন, ঐ দরখাস্ত পত্রে নন্দকুমার আপনার নাম স্বাক্ষর করিয়াছিলেন। আমরা দেখাইতে পারি, নন্দকুমার তাঁহার নাম আদৌ স্বাক্ষর করেন নাই।

ভেরেলফ্ট সাহেব বলেন, রাধাচরণের প্রতি যে দিন প্রাণদণ্ডের আদেশ প্রদত্ত হইয়াছিল, সেই দিন বিচারপতিরা বিজ্ঞোহের আশঙ্কা করিয়াছিলেন। বাহাই হটক, ১৭৬৬ অব্দের ফেব্রুয়ারী মাসের প্রথমেই জজ সাহেবেরা রাধাচরণের মুক্তির আদেশ দেন। আমাদের জিজ্ঞাস্য এই যে, রাধাচরণ যদি বাস্তবিকই এই সকল “গুরুতর অপরাধে অপরাধী” বলিয়া নির্দিষ্ট হইয়াছিলেন, তবে তাঁহাকে নিরপরাধীর ন্যায় অবশেষে মুক্তি প্রদান করা হইল কেন? সত্যের অত্যাঙ্গল চশমা দিয়া যদি প্রকৃত ঘটনার দিকে দৃষ্টি করা যায়, তাহা হইলে স্পষ্টতঃই অনুভূত হইবে যে, এই মোকদমার রাধাচরণ সম্পূর্ণ নির্দোষী এবং হেষ্টিংস সাহেব এই মোকদমা অভিনয়ের এক মাত্র সুভাষার।

(জমশঃ)

আসামে হিন্দু মহিলাগণের অবস্থা।

পাঠিকাগণের মধ্যে অনেকেই আসাম প্রদেশের নাম অবগত আছেন। পূর্বে এতদেশীয় লোকদিগের মনে একটি সংস্কার ছিল যে আসাম প্রদেশে গেলে লোক ভেড়া হইয়া যায়*, আর দেশে ফিরা আসিতে পারে না। সেই সংস্কারটী ক্রমে ক্রমে এদেশীয় লোকদিগের মনে হইতে অন্তর্হিত হইয়াছে। আসাম প্রদেশ ব্রিটিশ গবর্ণমেন্ট-ভুক্ত হইবার পূর্বে যেদ্রুপ অবস্থায় ছিল, এক্ষণে ভ্রমপেচ্ছা অনেক উন্নত অবস্থায় আসিয়াছে তাহাতে আর সন্দেহ নাই। তৎকালে আসামে ঘাইতে হইলে নৌকা করিয়া কিম্বা স্থলপথে হাঁটিয়া ঘাইতে হইত। স্মরণ্য কলিকাতা হইতে আসামের শেষ সীমা পর্যন্ত ঘাইতে চারি পাঁচ মাস লাগিত। তাহার উপর আবার বর্ষাকালে নৌকা ওজাপ্রব নদের স্রোতের প্রতিকূলে ঘাইতে সাহস করে না এবং স্থলপথে রাত্তা সকল দুর্গম হইয়া পড়ে। পরে আসামে ব্রিটিশ রাজ্য স্থাপিত হইলে বড় স্টিমারে করিয়া কলিকাতা হইতে দুই মাসে যাতায়াত চলিত। আজ দুই বৎসর হইল আসাম প্রদেশে মেল ট্রান্সের

বন্দোবস্ত হওয়ার কলিকাতা হইতে অনায়াসেই ছয় দিনে আসামের পূর্বপ্রান্তে উপস্থিত হওয়া যায়। এক্ষণে কতলোক বৎসর বৎসর কলিকাতা হইতে আসাম গমন করিতেছেন, এবং পুনরায় বৎসরান্তে কল্যাণী শেষ করিয়া গৃহে প্রত্যাগমন করিয়া পুত্র কন্যার মুখাবলোকনে স্নানী হইতেছেন। কেহ কেহ বা কর্মস্থানে জী পুত্র লইয়া গিয়া স্নেহে কাল যাপন করিতেছেন, আবার ইচ্ছা হইলেই বাটী আনিবার কালে ভ্রাতৃদিগকে সঙ্গে করিয়া অনায়াসেই আসিতেছেন। আমরা বর্তমান প্রবন্ধে আসামের ভাষা, আচার, ব্যবহার অথবা ধর্ম সম্বন্ধে কোন কথা বলিব না। আমরা কেবল পাঠিকাগণের নিকট ভ্রাতৃদিগের আসামী ভগিনীগণের অবস্থা কিঞ্চিৎ পরিমাণে বর্ণন করিব। তাহাও বোধ হয় একটি মাত্র প্রবন্ধে শেষ করা দুষ্কর হইয়া উঠিবে।

আসামীগণ হিন্দুধর্মাবলম্বী। ইহা-দিগের মধ্যে ভ্রাতৃত্বভেদ প্রচলিত আছে। বলা বাহুল্য যে ব্রাহ্মণ জাতি সর্বশ্রেষ্ঠ। ব্রাহ্মণদিগের মধ্যে বালাবিবাহ প্রচলিত। কন্যার বয়ঃক্রম নয় দশ বৎসর উত্তীর্ণ হইতে না হইতেই বিবাহক্রিয়া সম্পন্ন হইয়া যায়। ব্রাহ্মণদিগের মধ্যে জী-লোকেরা ঘোমটা দিয়া থাকে। অপরাপর

* বা, বো, ১৪০ সংখ্যা আসামদেশ ও আসামীয় নারী দেখ।

জাতির মধ্যে বালাবিবাহ প্রচলিত নাই।
 প্রায়ই কন্যাগণ বয়স্ক হইলে পরিণয়-
 সূত্রে আবদ্ধ হইয়া থাকে। অপরাপর
 জাতির মধ্যে ঘোমটার সমাদর তত
 প্রবল নহে। বাঙ্গালা প্রদেশে শূদ্রগণের
 মধ্যে যেমন কায়স্থ জাতি সমাজে সমাদর
 পাইয়া থাকেন, আসামে কলিতা
 জাতিও তদ্রূপ সম্মান লাভ করেন। কিন্তু
 কলিতাগণও কোট, কেওট, আইন প্রভৃতি
 শূদ্র জাতির মত অধিক বয়সে কন্যার
 বিবাহ দেন। আসামে স্ত্রীলোকে
 পুরুষের ন্যায় কঠিন পরিশ্রম করিয়া
 থাকে। ব্রাহ্মণেরাও কৃষিকার্য্য করিয়া
 জীবিকা নির্বাহ করে। কৃষিক্ষেত্রের
 অনেক কার্য্য স্ত্রীলোকদিগের দ্বারা
 সম্পাদিত হয়। স্ত্রীলোকেরা জলাশয়,
 খাল, ঝিল, ও নদী হইতে মৎস্যাদি
 সংগ্রহ করিয়া থাকে। আসামীরা
 প্রধানতঃ কৃষিকার্য্য। প্রত্যেকের গৃহেই
 গরু মহিষ আছে। কিন্তু আক্ষেপের
 বিষয় এই যে আসামের অধিবাসিগণ
 এই সকল গৃহপালিত পশুদিগকে লালন
 পালন করিতে জানেন না। আহারের
 অল্পে গাভী সকল দুর্বল-কায় হইয়া পড়ে,
 সুতরাং অল্প পরিমাণেই দুগ্ধ দিয়া থাকে।
 গৃহপালিত পশুগণের দুগ্ধশার জন্য
 আসামী মহিলাগণ অনেক পরিমাণে
 দায়ী। তৎপকার স্ত্রীলোকগণ যদি পশু-
 দিগকে যত্নপূর্ব্বক প্রতিপালন করিতেন
 অথবা প্রতিপালন করিতে চেষ্টা ও
 শিল্প করিতেন, তাহাহইলে গো

মহিষদিগের একরূপ দুর্ব্বলতা কখনই
 ঘটিত না। পাঠিকাগণ স্ত্রী-বিদ্বেষিত
 হইবেন যে আসামে গাভী সকল মাথা-
 ব্রণতঃ ছুই বেণায় আঁধারের, তিন পোয়া
 দুগ্ধ দিয়া থাকে। কিন্তু আসামী মহিলাগণ
 কখনই গাভীকে দুগ্ধকার দিয়া বেড়ায় না,
 অথবা আলস্যপরবশ হইয়া যুগা সময়
 নষ্ট করে না। প্রত্যেক গৃহস্থের
 বাগীতে তন্তুশালা আছে। বয়ন স্ত্রী-
 লোকগণের কোন রূপ গৃহকার্য্য না
 থাকে, তখন তাহারা কাপড় বুনিয়া
 থাকে। আসামের প্রায় সকল স্ত্রী-
 লোকই কাপড় বুনিতে পারে। তথা-
 কার সম্ভ্রান্ত লোকের স্ত্রী ও কন্যাগণও
 অবকাশ পাইলেই বস্ত্র বয়ন করিয়া
 থাকেন। প্রায় কেহই কাপড় ক্রয়
 করিয়া পরিধান করেন না। আসামী
 মহিলাগণের পরিচ্ছদ বঙ্গমহিলাগণের
 অপেক্ষা শত গুণে উৎকৃষ্ট। বলিতে কি
 আমাদের অধিকাংশ পাঠিকাই স্বীকার
 করিবেন যে বঙ্গের হিন্দু মহিলাগণ
 তাহাদের সুখের শাস্তি-পুত্রে, সিমলা,
 ফরাসডাঙ্গা প্রভৃতি স্থানের উৎকৃষ্ট
 বস্ত্র সকল পরিধান করিয়া পিতা,
 ভ্রাতা প্রভৃতি আত্মীয়বর্গের সম্মুখেই
 বাহির হইতে সমুচিত হয়েন, কিন্তু
 আসামের স্ত্রীলোকগণের পরিচ্ছদ একরূপ
 যে তাহারা অনায়াসেই স্ত্রীলোকের
 গৌরব সম্পূর্ণ রক্ষা করিয়া অপর পুরুষের
 সম্মুখ দিয়া যাতায়াত করিতে পারেন।
 আসামী মহিলাগণ কি বালিকা, কি

বৃত্তী কি বৃত্তা—নির্ধন হইতে ধনবান
পর্যন্ত সকলেই পুরু কাপড় ব্যবহার
করিয়া থাকেন। পাতলা বস্ত্র তাঁহা-
দিগের শরীর স্পর্শ করিতে পার না।
স্ত্রীলোকেরা কটদেশে মেথলা পরিধান
করে—মেথলা খুব পুরু কাপড়ে প্রস্তুত
হইয়া থাকে। ইহা বাগরার মত কুঞ্চিত
মহে—কেবল বস্ত্রের দুই পার্শ্ব মেলাই
দ্বারা যোজিত অর্থাৎ দেখিতে ত্রি-
ভুজাভের মত এবং পায়ের গোড়ালি
পর্যন্ত লম্বিত। মেথলা কটদেশে
পরিধান করিলে সমুখে চারিভাঁজ কাপড়
পড়ে। কটদেশ হইতে গ্রীবা পর্যন্ত
অপর একখানি বস্ত্রদ্বারা আচ্ছাদিত হয়,
তাঁহাকে রিহা বলে। রিহা প্রস্তুত তিন
পোয়া বা এক হাত, লম্বে চারি পাঁচ
হস্ত। রিহা দ্বারা স্ত্রীলোকেরা তাহা-
দিগের শরীরের উর্দ্ধভাগ স্কন্ধরূপে
জড়াইয়া রাখে, কেবল তাহাদিগের হাত
হুইটী অনাবৃত থাকে। এইরূপ বস্ত্র
পরিধান করিয়া স্ত্রীলোকেরা বাটীর
ভিতরে থাকে এবং গৃহকার্যাদি নির্বাহ
করে। কিন্তু বাটীর বাহির হইতে
হইলে অপবা প্রতিবেশী কাহারও বাটী
গমন করিলে হইলে তাহারা ইহার
উপর একখানি বড় কাপড় ব্যবহার
করে। বাঙ্গালা দেশে পুরুষেরা যেমন
শীতকালে আলোয়ান বা মোটা চাদর
ব্যবহার করিয়া থাকেন, এই বড় কাপড়
নীচে প্রস্তুত জুপ। বড় কাপড় দ্বারা
স্ত্রীলোকেরা মস্তক পর্যন্ত আচ্ছাদিত

করে। ব্রাহ্মণ কামিনীগণের মস্তকের
এই আচ্ছাদন সমুখে অধিকতর লম্বমান
হইয়া অবস্ত্রভনের কার্য করে। আর
শূত্র নারীগণ মস্তকের কিয়দংশ মাত্র
আচ্ছাদিত রাখে। তাহারা ঘোমটার
আবশ্যকতা অনুভব করে না।

আসাম প্রদেশে বিদ্যালিক্ষা বড়
অধিক পরিমাণে অন্যান্যিও প্রচলিত হয়
নাই। বঙ্গদেশ অপেক্ষা তথার পুরুষগণ
সাধারণতঃ অশিক্ষিত। আসামের স্থানে
স্থানে বালিকা বিদ্যালয় স্থাপিত
হইয়াছে। তাহাও অধিক পরিমাণে
বাঙ্গালীদিগের উৎসাহে। যে যে স্থানে
দশ পনের জন অশিক্ষিত বাঙ্গালী জী-
কন্যা লইয়া আছেন, সেই সেই স্থানে
বাঙ্গালীরা নিজ কন্যাগণকে বিদ্যালিক্ষা
দিবার জন্য বেতকাষদিগের সহায়তায়
এবং শিক্ষিত আসামীগণেরও উৎসাহে
এক একটী বালিকা বিদ্যালয় সংস্থাপন
করিতে কৃতকার্য হইয়াছেন। সেই
সকল বিদ্যালয়ে আসামী বালিকাগণও
শিক্ষালাভ করিতেছে। আসামী স্ত্রীলোক-
দিগের বিবাহপ্রণালীও আমরা এই
প্রবন্ধে উল্লেখ করিব মনে করিয়াছিলাম।
কিন্তু প্রবন্ধের কলেবর অত্যন্ত বর্দ্ধিত
হইবার ভয়ে এবার তাহার উল্লেখ করিতে
পারিলাম না। পাঠিকাবর্গ তাঁহাদিগের
আসামী ভগিনীদের অবস্থা পাঠ করিতে
করিতে একটা কথা স্মরণ করিয়া
রাগিবেন যে তাঁহাদিগের ভগিনীগণের
ভাষা তাঁহারা সহজে বুঝিতে পারেন না।

বটে, কিন্তু বামাণা ভাষার সহিত
আসামী ভাষার এত সাদৃশ্য যে কোন
বঙ্গমহিলা যদি আসামী ভগিনীদের নিকট

একজনে দুই মাস কাল অবস্থান করেন,
তাঁহা হইলে তাঁহাদের প্রায় সমতুল্য
কথা একপ্রকার বুঝিতে সমর্থ হইবেন।

নারী সম্বন্ধে মনুপ্রোক্ত ব্যবস্থানিচয়।

পাশ্চাত্য পণ্ডিতগণ নয় শত খৃষ্ট
পূর্বাব্দে মনুর আবির্ভাবকাল বলিয়া
অনুমান করিয়া থাকেন। সুতরাং
তাঁহাকে স্পার্টার ব্যবস্থাপক লাইক্যা-
র্গাসের সমসাময়িক বলিয়া নির্দেশ
করিলে এই সিদ্ধান্তটী বিশেষ জাতিস্বপ্নক
হইবেক না। আর মনুসংহিতাপাঠ
দ্বারাও এইরূপ উপলব্ধি হয় যে ইহা এক
খানি অতি প্রাচীন দ্বিগদ্য। গ্রন্থ-
কারের সময়ে আর্য্যগণের আবাসস্থান
আর্য্যাবর্ত্তেই অবস্থ ছিল। তাঁহারা
তৎকালে বিজ্ঞাচল অতিক্রম করিয়া
দাক্ষিণাত্যে ব্রাহ্মণ্য ধর্ম্মের প্রাধান্য
স্থাপনে কৃতার্থতা লাভ করেন নাই।
কারণ মনুসংহিতার দ্বিতীয় অধ্যায়ে
অভিহিত আছে যে—

সরস্বতীদৃষত্বভ্যোদৈবনদ্যোর্বদম্বরম।
তং দেবনির্গ্মিতং দেশং ব্রহ্মাবর্ত্তং প্রচক্ষতে
॥ ২ অ, ১৭ শ্লো ॥

সরস্বতী ও দৃষত্ব এই দুই পবিত্র
নদীর মধ্যস্থানে যে সকল পবিত্র দেশ
আছে, তাহাদিগকে ব্রহ্মাবর্ত্ত বলে।
কুরুক্ষেত্র, নংগ্যাশ্চ পঞ্চালা শূর-
সেনকাঃ।

এব ব্রহ্মবিদেশো বৈ ব্রহ্মবর্ত্তাদনন্তরম্ ॥
২ অ, ১৯ শ্লো ॥

কুরুক্ষেত্র, নংগ্যা, কান্যকুব্জ ও মথুরা
এই কয়টা দেশকে ব্রহ্মবি দেশ বলে;
উক্ত দেশগুলি ব্রহ্মাবর্ত্ত হইতে কিঞ্চিৎ
নিরুত্তর।

হিমবত্বিক্কেয়োর্গাং যং প্রাচীনশনাদপি।
প্রত্যগেব প্রয়াগাচ্চ মধ্যদেশঃ প্রকীর্তিতঃ ॥
২ অ, ২১ ॥

উত্তরে হিমালয়, দক্ষিণে বিজ্ঞাপিরা,
পূর্বে কুরুক্ষেত্র এবং পশ্চিমে প্রয়াগ,
এই চতুঃসীমাবর্ত্তী প্রদেশ মধ্যদেশ
নামে অভিহিত হইয়া থাকে।

আসন্নদ্রাতু বৈ পূর্য্যদাসমুদ্রাতু পশ্চিমাং।
তয়োরবান্তরং গির্ব্যোরাখ্যাবর্ত্তং বিজুবুধাং ॥
২ অ, ২২ শ্লো ॥

পূর্বে সমুদ্র, পশ্চিমে সমুদ্র, উত্তরে
হিমালয় ও দক্ষিণে বিজ্ঞাপিরা, ইহার
মধ্যস্থানকে পণ্ডিতেরা আর্য্যাবর্ত্ত বলেন।
এতান্ বিজাতয়ো দেশান্ সংশ্রয়েরন্
প্রযত্নতঃ।

শূর্য্যজ যশ্মিন্ কশ্মিন্ বা নিবসেস্বৃতি-
কর্ষিতঃ ॥ ২, ২৪ শ্লো ॥

বিজ্ঞাপিরা প্রবৃত্ত সহকারে এই সকল

দেশ আশ্রয় করিবেন। কিন্তু শূদ্ররা আপন জীবিকার জন্য যে কোন দেশে বসতি করিতে পারে।

পূর্বোক্ত শ্লোকগুলি পরিত্যক্ত এই রূপ প্রতীতি আছে, যে সংহিতাকারের জীবনকালে আৰ্য্যাবর্ষেই ব্রাহ্মণ্য ধর্মের প্রাচুর্য্য ছিল। সুতরাং এই স্থতিগ্রন্থখানি অতীব প্রাচীন। অতএব চন্দ্রশ প্রাচীনকাল-সংগৃহীত ব্যবস্থানিচয় যে নব্যসভ্যতালোকে প্রদীপ্ত থাকিবে, তাহা কিরূপে আশা করিতে পারা যায়? তথাপি অতি প্রাচীনকালেই যে আৰ্য্যগণ সভ্যতার সমুদ্রত সোপানে আরুঢ় হইয়াছিলেন, মনুসংহিতাপাঠকালে তাহার ভুরি ভুরি নিদর্শন আমাদের নয়নগোচর হয়। মনুসংহিতা সংহিতা তৎসাময়িক আচার ব্যবহারের একখানি বিমল দর্পণ স্বরূপ। ইহাতে তৎকালীন আৰ্য্যগণের শিষ্টাচারপদ্ধতি পরিস্ফুটরূপে প্রতিফলিত আছে। কিন্তু মনুসংহিতা গ্রন্থখানি অতীব বিস্তীর্ণ। এই গ্রন্থদ্বন্দ্বে কেবল নারীচরিত-যটটি ব্যবস্থা প্রণালী সন্নিবেশিত হইল।

প্রথমে মনু নারীগণের নামকরণ সম্বন্ধে বলিয়াছেন যে—

স্ত্রীণাং স্ত্রুধোদ্যমজুং বিস্পষ্টার্থং

মনোহরম্ ।

মনস্কং দীর্ঘবর্ণাস্তনানীর্কদাভিধানবৎ ॥

২ অ; ৩৩ শ্লো ॥

যে নাম স্ত্রুধে উচ্চারণ করিতে পারা যায়, যাহা কোন প্রকার কুটিলতাবোধক

নহে, যাহার অনার্য্যস অর্থোপলব্ধি হয়, যাহা মনের প্রীতি উৎপাদন করে, যে নাম মঙ্গলবাচক, যাহার অন্তে দীর্ঘস্বর আছে এবং যাহা আনীর্কদশূচক, বমনী-দিগের এইরূপ নাম রাখাই উচিত। যথা—বশোদা দেবী ।

মহিলাগণের প্রতি কিরূপ শিষ্টাচার-প্রদর্শন বিধেয়, তদ্বিষয়ে ব্যবস্থাপক লিখিয়াছেন যে—

পরপত্নী ভূষা স্ত্রী স্যানসম্বন্ধা চ যোনিভঃ ।

তাং ক্রুরাভবতীত্যেবং সুভগে ভগিনীতি

চ ॥ ২ অ; ১২৯ শ্লো ॥

যে নারী পরপত্নী ও পিতৃবংশীয়া নহেন, তাঁহাকে “ভবতি!”, “সুভগে!”, অথবা ভগিনী বলিয়া সম্বোধন করা কর্তব্য।

মাতৃবনা মাতুলানী বশ্ররথ পিতৃবনা ।

সংপূজ্যা শুকপত্নীবৎ সমাস্তা শুকভাষীয়া

২, ১৩১ শ্লো

মাতৃভগিনী, মাতুলপত্নী, বশ্র কিংবা পিতৃভগিনী, ইহারা মাতৃভূষা; সুতরাং ইহাদিগের প্রতি মাতৃসদৃশ সম্মান প্রদর্শন বিধেয়।

জাতৃত্যোপপৎগ্রাহ্যা সর্বগাহন্যন্যাপি ।

বিপ্রোষ্য ভূপসংগ্রাহ্যা জাতিদমন্ধি-

যোষিতঃ ॥ ২; ১৩২ ॥

প্রতিদিনই ভোজ্য সজ্জাতীয়া ভাত-পত্নীকে প্রণতভাবে পাদগ্রহণপূর্বক অভিবাদন করিবেক। আর প্রবাস হইতে প্রত্যাগত হইলে জাতি ও সম্বন্ধীয় ব্যক্তিদিগের পত্নীরও চরণবন্দন করিবেক।

পিতৃভগিন্যাং মাতৃশ্চ ক্যায়দ্যাক্ষ সসর্বাণি
মাতৃবদ্ভক্তিমাতিষ্ঠেৎ মাতা তাতো ।

গরীয়সী ॥ ২; ১০০ ॥

পিতা ও মাতার ভগিনীর প্রতি এবং
জ্যেষ্ঠা মহোদয়ার প্রতি মাতার ন্যায়
ব্যবহার করিবেক; কিন্তু জননী সর্ব্বা-
পেক্ষা গরীয়সী ।

কামস্ত গুরুপত্নীনাং যুবতীনাং যুবা তুবি ।
বিধিবদ্বন্দ্বনং কুর্যাদসাবহমিতি জ্ঞাবন্ ॥

২; ২১৭ ॥

তরুণবয়স্ক শিষ্য তরুণী গুরুপত্নীর
সম্মুখে ভূমিষ্ঠ হইয়া, আমি অমুক

আপনাকে নমস্কার করিতেছি বলিয়া
অভিবাদন করিবেক; চরণস্পর্শ করিবেক
না ।

বিপ্রোষ্য পাদগ্রহণমদ্বং চাভিবাদনম্ ।

গুরুদারেযু কুর্য্যত সত্যং ধর্ম্মমুদয়ন ॥

২; ২১৭ ॥

কিন্তু শিষ্য বিদেশ হইতে সমাগত
হইয়া শিষ্টাচার পদ্ধতি অনুসারে প্রথম
দ্বিধগ গুরুপত্নীর পাদবন্দন করিবেক;
এবং তাহার পর প্রতিদিন কেবল অভি-
বাদন করিবেক ।

(ক্রমশঃ)

নূতন সংবাদ ।

১। কাউন্টেন্স ডফরিণ ফণ্ডে মহারানী
স্বর্ণময়ী ৮ হাজার টাকা দান করিয়াছেন।
ইহার বন্দীর শাখায় ২০ হাজারের অধিক
টাকা উঠিয়াছে ।

২। ব্রহ্মবুদ্ধ আরম্ভ হইয়াছে । ইংরাজ
সৈন্য ইতিমধ্যে মিনহালা দুর্গ ও ব্রহ্ম-
রাজের এক খানি বাঙ্গালী পোত
অধিকার করিয়াছে এবং মন্দালে
অতিমুখে অগ্রসর হইতেছে । ইংরাজ
অধীনে ব্রহ্মদেশ কিরূপে শাসিত হইবে,
ইতিমধ্যে তাহার সন্দেহিত হইতেছে ।

৩। হিন্দু পরীগ্রাম কিরণ, তাহা
দেখিবার জন্য বিলাতের সাহেবেবরা লণ্ডন
নগরে তাহার এক প্রদর্শনী গুলিতেছেন।
ভারতবর্ষ হইতে লোক সকল তথায়
সহিয়া যাওয়া হইয়াছে ।

৪। তিব্বৎদেশে একটা রকন পাজ
আছে, তাহাতে একবারে হাজার হাজার
লোকের আহার প্রস্তুত হয়। আহাৰ্য্য
দ্রব্য উঠাইবার জন্য সিঁড়ী দিয়া তাহার
মধ্যে নামিতে ও উঠিতে হয় ।

৫। আমেরিকার টেক্সাস দেশে
এক প্রকার ক্ষুদ্র গাছ আছে, তাহার
পাতা সকল সময়েই উত্তরাভিমুখে
থাকে । ইহা পবিকদিগের নিকট
কম্পাসের কার্য করে ।

৬। আমেরিকায় কৃত্রিম ডিম্ব ও
হস্তিদন্ত বৈজ্ঞানিক কৌশলে প্রস্তুত
হইতেছিল, আবার তাড়িতযোগে দৃঢ়
হইতে রাশি রাশি মাখন চক্ষুর নিমেষে
উৎপন্ন হইতেছে ।

৭। গত ২১এ নবেম্বর লণ্ডন

মিসনরী বিদ্যালয়গৃহে তিন চারি শত সজা করিয়া সঙ্গীত ও বক্তৃতা করেন, দেশীয় খুঁটির মহিলা একত্র হইয়া এক পরে তাঁহাদিগের একটি প্রীতিভোজ হয়।

পুস্তক প্রাপ্তি ও সমালোচনা।

১। পদ্মাসার ২য় ভাগ—বাবু ভুবন মোহন ঘোষ প্রণীত, মূল্য ১/১০ আনা মাত্র। কবিতাগুলি বিবিধ বিষয়ে ও সরল ভাষায় লিখিত হইয়াছে। পুস্তকখানি বিদ্যালয়ের পাঠ্য হইতে পারে।

২। ভারত শ্রমজীবী—সচিত্র মানিক পত্র, বার্ষিক মূল্য ডাকমাফল সহিত ৯/০

মাত্র। ইহার পুনরুদ্ভাবনে আমরা যার পর নাই আনন্দিত হইলাম। নূতন সংখ্যা যেমন উৎকৃষ্ট কাগজে, উৎকৃষ্ট রূপে মুদ্রিত, সেইরূপ বিবিধ প্রয়োজনীয় প্রবন্ধে পূর্ণ। কাগজ খানি এই নমুনা মত চলিলে সাধারণের আদরণীয় ও উপকারক হইবে সন্দেহ নাই।

বামাগণের রচনা।

উন্নত তরু।

(জটনক কবিতা লেখক কর্তৃক সংশোধিত)

আহা কিবা চাক রূপ ধরি, তরুর, উর্দ্ধ শিরে ধীরে ধীরে উঠ শূন্যোপরি, বিজ্ঞারি বিশাল শাখা বিমল প্রদেশে, উঠিছ আকাশে যেন পরণ উদ্দেশে, নব পত্র তব গায়ে ছত্রের মতন, তপনের তাপ যাতে করে নিবারণ, ফুল ফুল ফল কত শিরেতে তোমার, কিবা শোভা দেয় দেহে অতি চমৎকার। তোমার চায়স বসি শ্রান্ত পাছ জন, পরম সুখেতে করে শ্রান্তি নিবারণ, তোমার সুমিষ্ট ফলে ক্ষুধাতুর নর, অপার আনন্দে পুরে আপন উপর, আকাশবিতারী যত বিহগ সকল, তোমার আশ্রয়ে তারা আনন্দে বিহ্বল, ধরিয়া মধুর তান মধুর কুঞ্জে, গায় গীতি দিবা রাত্রি বসি উচ্চারণে। পর উপকারে তরু জনম তোমার, উন্নত হইয়া হও বিনীত সবার, প্রকৃত উন্নত জন অবনত ভাবে,

ধবনীর উপকার করে ধীর ভাবে। হায়! ভারতের পূর্ব অর্ধ নর নারী, তোমার মতন তারা গাধু ইচ্ছা ধরি পর উপকার ত্রুতে আপন জীবন গেছেন চলিয়া সবে দিবা বিপজ্জন। আহা! আশ্রয় দান—দান ধর্ম মত আগর বাসনা সবে করিয়া সংযত, অভিযির প্রতি করি আতিথ্য সংকার গেছেন দেখায়ে সবে মহত্ব অপার। কিন্তু বিপরীত শুণে নরনারী আজ পিগাতে ভুলিয়া চির পূর্ব ধর্ম কাজ, অহঙ্কার অলঙ্কার আনি তাহাদের কিছুই নাহিক আর পূর্ব সে ভাবে, নাহি সে বিনীত ভাব দান ধর্ম আর, উন্নত হইয়া সবে গর্জিত অপার, আপন বিলাস পূর্ণ অথবা সঞ্চয় এই রীতি আজিকার—মহা বিপর্যয়। আদর্শ চরিত্র, তরু কিন্তু হে তোমার, মহত্বের মানচিত্র মহত্ব শিক্ষার।

সুমতি।

মাতৃশোকার্ভা দুঃখিনী কন্যার বিলাপ ।

কোথা মা প্রফুল্লময়ী কোথায় রহিলে ।
 আমা সবে ফেলে মাগো কেমনে পালালে ॥
 কোথায় রহিলে তুমি কোথায় মা গেলে ।
 আশাদের কি দুর্দশা চক্ষে না দেখিলে ॥
 নয় দিবসের শিশু কি করে রাখিলে ।
 অকাতরে অনায়াসে পালালে ফেলিলে ॥
 এক দিন না দেখিলে করিতে হোদন ।
 দুই বর্ষ কি করে মা রেছে এখন ॥
 পূর্বে মা তোমার কথা না করে পালন ।
 কত রাগ কত হিংসা করেছি তখন ॥
 তখন ভাবিনি তুমি হবে অতর্ধান ।
 কালান্তক যম এগে লবে তব প্রাণ ॥
 তুমি সত্য পুত্রবতী স্তখে চলে গেলে ।
 নয় দিবসের শিশু প্রতি না চাহিলে ॥
 চতুর্দশ দিন তারে কহি পালন ।
 নিষ্ঠুর হইয়া দেও বরিল গমন ॥
 এখন আমরা ভাই ভগ্নী পঞ্চজন ।
 জনাধা হইয়া মোরা করি মা হোদন ॥
 কি করিব কোথা বাব, ভাবিয়া না পাই ।
 তোমার বিহনে মাগো সুখ শান্তি নাই ॥
 অকূল পাথারে মোরা দিতেছি সাঁতার ।
 তোমা বিনা জননী গো কে করিবে পার ॥
 বতই হতেছে মোর জ্ঞানের উদয় ।
 তোমা বিনা দেখি সব অন্ধকারময় ॥
 যত দিন এ দেহেতে রহিবে মা প্রাণ ।
 তত দিন শোকানল না হবে নির্বাণ ॥
 কিহুতে এ ক্ষতি পূর্ণ হইবার নয় ।
 যখন পড়িবে মনে পড়িবে হৃদয় ॥
 এ জগতে কেবা আছে জননী মতন ।

বাহতে এ অবনীতে হল পদার্পণ ॥
 এ ছেন জননী-রক্ত যেই হারিয়েছে ।
 তার সম অভাগিনী জগতে কে আছে ?
 কত কষ্ট পেয়ে মাগো গিয়াছ চলিয়া ।
 সে সব স্মরণ মোর বিদরিছে হিয়া ॥
 তোমার মায়ের তুমি নয়নের মণি ।
 তাঁহাবে ছাড়িয়ে কোথা রহেছ জননী ॥
 তোমা ছাড়া হয়ে তিনি পাগলিনী প্রায় ।
 কেবল আছেন সদা মৃত্যু প্রতীক্ষায় ॥
 এ সব দেখিয়ে তুমি কি করিয়া গেলে ।
 আমাদের প্রতি মুখ তুলে না তাকালে ॥
 মৃত্যুকালে তুমি মম পিতৃপদধূলি ।
 বাম হস্তে মস্তকেতে নিলে মাগো তুলি ॥
 এমন আশ্চর্য্য মৃত্যু দেখিনি কখন ।
 মৃত্যুর হুমাস আগে বলেছ তখন ॥
 বলিলে “মা ! ইন্দু তুমি শিশুসত্ত্ব অতি ।
 না জানহ সংসারের কিছু ভাব গতি” ॥
 শুখন জানিনি তুমি সস্তাই মা যাবে ।
 পূর্ব হতে আমাকে মা শিখারে রাখিবে ॥
 ষাদশ বৎসর কাল তোমা হারিয়েছি ।
 সংসারের ভাব গতি কিছু না জেনেছি ॥
 চতুর্দশ বর্ষ যোর হল মা এখন ।
 দুই দিন ভিন্ন মাগো ! না নিলে দর্শন ॥
 এত দিন না দেখে মা কাতর হৃদয় ।
 কৃপা করি তনয়ারে লজ্জা মা ডাকিয়া ॥
 তোমার চরণে মাগো এই নিবেদন ।
 অতি শীঘ্র মা তোমাতে পাই দরশন ॥
 কুমারী ইন্দুমতী সিংহ,
 মুন্সের লালদরকা ।

বামাবোধিনী পত্রিকা।

THE
BAMABODHINI PATRIKA.

“कन्याधैवं मातुनीया शिष्यणीयातिथलतः।”

কতাকে পালন করিবেক ও যত্নের সহিত শিক্ষা দিবেক।

২৫২ }
সংখ্যা

পৌষ ১২৯২—জানুয়ারী ১৮৮৫।

{ ৩য় কয়।
২য় ভাগ।

সাময়িক প্রসঙ্গ।

ব্রহ্মজয়—ব্রহ্মযুদ্ধ অতি সুদূরই শেষ হইয়াছে। দুই একটা সামান্য সংগ্রামের পর ব্রহ্মরাজ খিব ইংরাজ-সেনাপতি পেট্রাগর্ভের হস্তে পরা দিয়াছেন। দাক্ষিণাত্যের রক্ত-গিরি নামক স্থানে তাঁহার রাজ-কারাগার নির্দিষ্ট হইয়াছে। তাঁহার রাজকোষ হইতে ইংরাজেরা প্রভূত অর্থ প্রাপ্ত হইয়াছেন। ব্রহ্মদেশ আপাততঃ ইংরাজ-শাসনাধীন রহিল।

পার্লিমেণ্ট সভ্য মনোনয়ন—
বিলাতে নূতন পার্লামেন্ট গঠন জন্য মনোনয়ন কার্য সমাধা হইয়াছে। রক্ষণশীল দলে ২৫২ এবং উদারনৈতিক দলে ৩৩৩ মত সংখ্যা হইয়াছে। এখনও

আইরিস মত অনিশ্চিত থাকিতে গবর্ণ-
মেণ্ট কোন দলের হস্তে অর্পিত হইবে
হির হয় নাই। আমাদিগের বহুদিনের
আশা নিফল হইয়াছে। বাবু কালমোহন
ঘোষ অনেক ভোট সংগ্রহ করিয়াও কৃত-
কার্য হইতে পারেন নাই।

কাউন্টেন্স ডফরিণ ফণ্ড—
গত ১০ই ডিসেম্বর টাউনহলে কাউন্টেন্স
ডফরিণ ফণ্ডের বঙ্গীয় শাখা প্রতিষ্ঠার
জন্য এক সভা হইয়াছিল, লেফ্টেনেন্ট
গবর্ণর স্বয়ং সভাপতির আসন গ্রহণ
করেন। এই শাখায় ইতিমধ্যে ৩০ হাজার
টাকা সংগৃহীত হইয়াছে।

নেপাল গোলযোগ—
প্রধান মন্ত্রী রণদীপ

হত হওয়াতে তাঁহার বিধবা পত্নী, স্ত্রী ও
বাহ্যহরের কন্যা, ইংরাজ রেনিডেন্টের
আশ্রয় লইয়াছেন এবং তাঁহা শোকো-
দীপক একখানি আবেদনপত্র ইংলণ্ডে-
স্থরীর সমীপে পাঠাইবার জন্য রাজ-
প্রতিনিধির নিকট পাঠাইয়াছেন।
বাতকেরা তাঁহার সন্মুখে স্বামীকে গুলি
করিয়া মারে, তিনি ম্যায় বিচারের
প্রার্থিনী।

বধূশাসন—কলিকাতার কোন ভদ্র
গৃহের ১২ বৎসরের একটি পুত্রবধূ একটি
সন্দেশ চুরি করিয়া থাইয়াছিল বলিয়া
জটিল শাস্তি দিষ্ট হইয়াছিল। তাঁহার
গাভের নানা স্থান দাগাইয়া দেন।
সিঙ্গালদহের ডেপুটি ম্যাজিষ্ট্রেট বাবু
রামশঙ্কর সেনের বিচারে এই শাস্তির
৪ মাস কারাদণ্ড ও ১০০ টাকা অর্থদণ্ড
হইয়াছে। শাস্তিগণ সতর্ক হউন,
সেকালের বোজালান ধর্মপালন করিবার
এ সময় নয়।

জী-হাউস সর্জন—কুমারী প্রিডো
নামী একটি জীলোক ১৯ জন পুরুষ
প্রতিদ্বন্দ্বীকে পরাভব করিয়া লণ্ডনের
এক গিণ্ড হাউসপাতালের “হাউস সর্জন”
পদে নিযুক্ত হইয়াছেন। লণ্ডনে একপ
পদে জীলোক নিয়োগের এই প্রথম
দৃষ্টান্ত।

হিন্দু বিধবাবিবাহ—গত ৮ই
শ্রাবণ মাসের অষ্টমীতে গয়শপুর
রকমের একটি বিধবা-
বর হরিহরপুর

গ্রামের একটি জমিদার, তাঁহার নাম
অখিলচন্দ্র চট্টোপাধ্যায়, বাস ২৫ বৎসর;
কন্যা গয়শপুরের ৮ রত্নলাল বন্দ্যো-
পাধ্যায়ের কন্যা উমাকুমারী দেবী, বয়স
১১ বৎসর মাত্র। বরের এই প্রথম
বিবাহ।

ভূপালের ভূভাগ্য—ভূপালের
বেগম রাজ্যের কর্তা। কিন্তু তাঁহার
স্বামী অনেক বিষয়ে প্রভু প্রকাশ
করাতে ইংরাজগণের মতে তাঁহাকে রাজ্য-
স্বত্বীয় সকল বিষয়ে নির্লিপ্ত থাকিবার
আদেশ করেন। এখন প্রকাশ যে
বেগম গোপনে স্বামীর পরামর্শ লইয়া
কার্য্য করেন, ইহাও ইংরাজ রাজপুরুষ-
দিগের অসহ্য। বেগমকে এখন স্বামী
বা রাজ্য হইতেই বা বঞ্চিত হইতে হয়।

বিলাতী প্রদর্শনী—আগামী চৈত্র
মাসে লণ্ডনে “ইণ্ডিয়ান ও কলোনিয়াল
এক্সপোজিশন” নামে যে প্রদর্শনী হইবে,
তাঁহাতে এ দেশের নবাব, রাজা রাজড়া ও
দেশীয় সম্রাট লোকদিগের বাইবার
সুবিধা করিবার জন্য কুক কোম্পানীর
প্রধানাধ্যক্ষ জন, এম, কুক সাহেব
ভারতবর্ষে আসিয়াছেন। তাঁহার বোম্বা-
ইয়ের ঠিকানা রান্সার্ট রো এবং কলি-
কাতার ঠিকানা ১০॥ নং ওল্ড কোর্ট
হাউস স্ট্রীট।

বঙ্গদেশ হইতে যে সকল দ্রব্য বিলাতী
প্রদর্শনীতে যাইবে, ইতিমধ্যে কলিকাতার
বাহুবরে কয়েকদিন তাহার প্রদর্শন হইয়া
গিয়াছে। নদের কার্য্যদিগের প্রস্তুত

আদর্শ পল্লীগ্রাম ও কুটী বীরভূমের
গলার কাজ, ভাগলপুর, মুরসিদাবাদ ও
বহরমপুরের ভাসর ও পাটের কাপড়,
ঢাকা ও কলিকাতার সুস্বাদু কাজকরা

কাপড়, মুন্সেরের আবলুশ কাঠ ও হাতির
দাঁতের কাজ, সারপের মাটির বাসন ও
পাটনাই গ্লাস, মেদিনীপুরের মহলন্দ
প্রভৃতি পদার্থ বিশেষ বর্ণনীয়।

পুত্রোৎসর্গ।

যে সকল রমণীর পুত্র হয় না, তাঁহারা
পুত্রের জন্য কত কামনা করিয়া থাকেন।
কিন্তু ঈশ্বরের প্রসাদে পুত্রনিধি পাইলে
তাঁহাকে সুসন্তান করিবার জন্য কয়
জন যত্ন করেন? পিতা মাতা
পুত্রকে সর্বদা আপনাদিগের রুচি, ইচ্ছা
ও পার্থিব লাভের উপায় স্বরূপ করিবার
জন্যই চেষ্টা করেন। পুত্র যদি বিষয়ী
হয়, তাঁহাদিগের আনন্দের সীমা নাই;
কিন্তু পুত্র যদি ধর্ম্মাত্মরাজী, স্বার্থশূন্য
ও ঈশ্বরগতপ্রাণ হয়, তাঁহাদিগের কত
তৃপ্ত ও ফোভের উদয় হইয়া থাকে।
যাহার এটা সন্তান হইয়াছে, সে একটা
যমকে দিয়া বরং সন্তুষ্ট হইতে পারে;
কিন্তু ঈশ্বরের কার্য্যে দেশের হিতব্রতে,
জগতের কল্যাণসাধনে সহজে একটিকে
উৎসর্গ করিতে পারে না। ঈশ্বরই দেন,
ঈশ্বরই লন, সন্তানের উপর পিতামাতার
কি অধিকার আছে? কিন্তু তথাপি
মোহের কি আশ্চর্য্য শক্তি, স্বার্থপরতার
কি প্রবল আকর্ষণ, মানুষ প্রাণ ধরিয়া
ঈশ্বরের কাজে সন্তানকে ছাড়িয়া দিতে
পারে না। আমাদিগের দেশে ইতিপূর্বে

‘পুত্রোৎসর্গ’ প্রথা ছিল, পূর্বকালে এ
দেশের রমণীগণ মানত করিতেন, যদি
ছুইটা পুত্র হয়, প্রথমটিকে গঙ্গাকে দিবেন
এবং বস্তুতঃ তাঁহারা পাষণে বুক বাঁধিয়া
যথাসময়ে জ্যেষ্ঠ পুত্রকে গঙ্গার জলে
নিক্ষেপ করিতেন। ইহাতে তাঁহাদিগের
ধর্ম্মনিষ্ঠার পরিচয় পাওয়া যায় বটে,
কিন্তু এরূপ কার্য্য নিতান্ত নৃশংস এবং
সম্পূর্ণ অজ্ঞানতা ও কুনংকারমূলক।
ইহা দ্বারা ঈশ্বরের কোন প্রিয় কার্য্য বা
জগতের কোন হিত সাধিত হয়
না। বাঁহারা সাধুকার্য্যে সন্তানকে
নিযুক্ত করিতে পারেন, সন্তান হইতে
স্বার্থ সাধনের কোন আশা করেন না,
তাঁহারা ই বথার্থ পুত্রোৎসর্গ ব্রত পালন
করেন। পূর্বকালে রাজপুত্র ও স্পার্টান
বীররমণীগণ যখন স্বদেশ রক্ষার জন্য
পুত্রদিগকে রণক্ষেত্রে যাইতে আরতি
দিফেন, তখন তাঁহারা পুত্রোৎসর্গ
করিতেন। এখন ভারতের বেকশ অবস্থা,
তাঁহাতে জননীগণ স্বার্থশূন্য হইয়া দেশের
হিতব্রতে সন্তানদিগকে উৎসর্গ না
করিলে দেশের উদ্ধারের উপায় নাই।

ভারত বিশ কোটি নীচপ্রকৃতি, ইঞ্জিয়-
পরায়ণ, স্বার্থপর দাসের আবাসভূমি
হইয়া কি উগ্ধকারে আসিবে? যদি এক
শত ভারতবাসীর জীবন দেশের কল্যাণ-
ত্রে উৎসর্গীকৃত হয়, এরূপ এক এক
সন্তান দ্বারা

“কুলং পবিত্রং জননী কৃতার্থা
বহুধরা পুণ্যবতীচ তেন।”

কুল পবিত্র, জননী ধন্যা এবং পৃথিবী
পুণ্যবতী হইবেন।

পুত্রোৎসর্গ বিষয়ে পাটিকাদিগকে একটি
পুরাণ কথা শুনাইব।

প্রাচীনকালে ইছদীদিগের দেশে এল-
কানা নামে এক ব্যক্তি বাস করিতেন।
তাহার দুই স্ত্রী হানা ও পেনিয়া। তিনি
হানাকে সমধিক ভাল বাসিতেন, কিন্তু
সে বক্ষ্যা ছিল। পেনিয়া সন্তানবতী
বলিয়া গর্ভিতা ছিল এবং সপত্নী হানাকে
অনেক বাক্য বস্ত্রণা প্রদান করিত। শিন
নামক স্থানে ইছদীদিগের দেবমন্দির
ছিল, এলকানা প্রতি বৎসর তথায়
পূজা দিতে যাইতেন। তিনি যে প্রমাদী
জইয়া আসিতেন, তাহার অঙ্গ অঙ্গ অংশ
বাটিয়া পেনিয়া ও তাহার পুত্র কল্যা-
ণকে দিতেন এবং বেশী ভাগ তাহার
প্রিয়পত্নী হানাকে দিতেন। ইহাতে
পেনিয়া আরও বিরক্ত হইয়া হানার
বক্ষ্যাত্মক লইয়া গ্লানি করিত। এক বৎসর
এলকানা সপরিবারে দেবমন্দির দর্শনে
যান। সেখানে পেনিয়া হানাকে গঞ্জনা
প্রদান করাতে সে আর কিছু আহার পান

করিল না, কাঁদিতে লাগিল এবং হত্যা
দিয়া তথায় পড়িয়া রহিল। সে ঈশ্বরের
নিকটে কণ্ঠবোড়ে প্রার্থনা করিতে
লাগিল “কৃণাময়! দাসীর প্রতি সদয়
হইয়া একটি পুত্র সন্তান দেও। আমার
গর্ভে যদি পুত্রসন্তান জন্মে, প্রভু, যাব-
জীবনের জন্য তাহাকে তোমার দাস
করিয়া দিব, তাহার মাথায় ক্ষুর ব্লাইতে
দিব না।” ইলাই নামে এক ব্যক্তি
তৎকালে মন্দিরের প্রদান পুরোহিত*
ছিলেন, তিনি হানার ভাবভঙ্গী দেখিয়া
তাহাকে উদ্ভত বলিয়া মনে করিয়া-
ছিলেন, কিন্তু সে প্রাণের জুগে ঈশ্বরের
নিকট কাঁদিতেছে জানিতে পারিয়া
বলিলেন “বাছা তুমি এখন বাও, ঈশ্বর
তোমার মনোবাঞ্ছা পূর্ণ করিবেন।”

এলকানা সপরিবারে গৃহে প্রত্যাগত
হইলেন। দৈঘটনায় অল্প দিন মধ্যে
হানা গর্ভবতী হইলেন এবং একটি সুন্দর
পুত্রসন্তান প্রসব করলেন। ঠাঈশ্বরের
দান বলিয়া হানা ইহার নাম সামুয়েল বা
দেবদত্ত রাখিলেন। পর বৎসর এলকানা
সপরিবারে দেবমন্দির দর্শনে গেলেন,
হানা সহবাত্রী হইলেন, কিন্তু মন্দিরে
উঠিলেন না। তাহার স্বামী ইহার কারণ
জিজ্ঞাসা করাতে বলিলেন, “আমি
এ পুত্রটিকে একেবারে ঈশ্বরকে দিব,
অঙ্গীকার করিয়াছি; এ যে পর্য্যন্ত মাষ্ট-

* এ সময়ে ইছদীদিগের কেহ রাজা
ছিল না, তাহার ঈশ্বরকে সাক্ষ্য রাজা
বলিয়া বিশ্বাস করিত, এবং তাহার
নির্দিষ্ট পুরোহিতের শাসনাদীন থাকিত।

ছাড়া না হয়, সে পর্যন্ত দেবতার সম্মুখে
বাইব না।” তাঁহার স্বামী বলিলেন
“তুমি যাহা ভাল বোধ কর, তাই কর; যে
পর্যন্ত সন্তান মাইছাড়া না হয়, ইহাকে
তোমার কাছে রাখিয়া পোষণ কর।”

দেবদত্ত বধন একটু বড় হইয়া
স্তন্যপান ছাড়িল, হান্না তখন আপনার
প্রতিজ্ঞা পূরণ করিয়া বলিও মৈবেদ্য
সহ লুকুমার পুত্রকে দেবদত্তের লইয়া
গেল। পরে মন্দিরের পুরোহিতের
চরণে দণ্ডবৎ প্রণত হইয়া আপনার
পরিচয় দিল এবং বলিল আমি দীর্ঘরের
নিকটে এই পুত্রটির কামনা করিয়া-
ছিলাম, এবং ইহাকে তাঁহার চরণে
সম্প্রদা দিব অঙ্গীকার করিয়াছিলাম,
তিনি আমার কামনা পূর্ণ করিয়াছেন,
এখন ইহাকে বাবজীবন তাঁহার সেবায়
উৎসর্গ করিতে আসিয়াছি। পরে হান্না
এইরূপে দীর্ঘরের স্তব স্তুতি করিতে
লাগিল :—

“প্রভুকে লইয়া আমার হৃদয়
আনন্দিত, প্রভুকে লইয়াই আমার
গৌরব; প্রভু! আমি তোমার মুক্তিপ্রদ
শক্তিতে বিশ্বাস করি, তাই তুমি শত্রুর
নিকট আমার মন্তক উন্নত করিয়াছ।

প্রভুর মত পবিত্র কেহ নাই;
আমাদের দীর্ঘরের মত অটল আশ্রয়
কেহ নাই।

মহুয়া! অধিক গর্ব করিয়া কোন
কথা বলিও না; তোমার মুখ হইতে
দণ্ডবৎক বাক্য যেন বহির্গত না হয়;

কারণ পরমেশ্বর সর্বজ্ঞ এবং তিনি
সকল কার্যের বিচার করেন।

ধনুর্ভরদিগের ধনু ভগ্ন হইয়া যায়,
মাহারা চলৎশক্তিহীন, তাহার কটি
বাঁধিয়া দৃঢ়পদে স্থায়মান হয়।

ধনধান্যে মাহারদের ভাণ্ডার পূর্ণ
ছিল, উদরের আগায় তাহার দাম্য
করে; মাহারা ক্ষুধায় মরিত, তাহার
মুচ্ছন্দে আহার পান করে। বক্রা সাত
পুত্রের মাতা হইয়াছে, বহু পুত্রবতী
ভগ্নহৃদয় হইয়া পড়িয়াছে।

দীর্ঘর মারেন, আবার তিনিই স্বহস্তে
বাঁচান।

প্রভু ধনীকে দরিদ্র করেন, আবার
দরিদ্রকে ধনী করিয়া থাকেন, তিনি উচ্চ
নাথা নত করেন, আবার নতকে উন্নত
করিয়া থাকেন।

তিনি ধূলী হইতে গরিবকে তুলিয়া
এবং জঞ্জাল রাশির মধ্য হইতে
ভিখারীকে বাঁচিয়া লইয়া রাজ্যদিগের
মধ্যে বসাইয়া দেন এবং উচ্চ গৌরবের
অধিকারী করেন। কারণ পৃথিবীর
অবলম্বন-তন্ত দীর্ঘরেরই এবং তিনি
সংসারকে তাহার উপর প্রতিষ্ঠিত
করিয়াছেন।

তিনি বাণিকদিগের পদ অক্ষত
রাখিবেন, জবুত লোকেরা অক্ষকারের
মধ্যে নিস্তক হইয়া থাকিবে, কারণ
বলদ্বারা কোন মহুয়া অয়যুক্ত
হইবেক না।”

হান্না বিধিমতে দীর্ঘরের পূজা সমাপন

করিয়া পুরোহিতের হস্তে সন্তানটাকে সমর্পণ করিল এবং পরে, আপনার গৃহে কিরিয়্যা গেল।

দেবদত্ত দেবমন্দিরে দিন দিন বাড়িতে লাগিল। ইলাই পুরোহিত তাহাকে সন্তানবৎ লেহে প্রতিপালন করিতে লাগিলেন। ধর্মপ্রাণা মাতা প্রতি বৎসর স্বামীর সহিত ঈশ্বরের পূজা দিতে আনিতেন, তখন তিনি দেবদত্তের জন্য এক একটা ছোট আমা প্রস্তুত করিয়া আনিতেন, বালক তাহা পাইয়া বড়ই আনন্দিত হইত। ঈশ্বরের রূপায় হানার আর তিন পুত্র ও দুই কন্যা হইল।

এ দিকে ইলাই পুরোহিত বৃদ্ধ হইলেন, হৃদয় ও কিনিষ্কাশ নামে তাহার দুই পুত্র অত্যন্ত ছবৃত্ত হইয়া উঠিল। তাহারা নানা প্রকার কুকার্যে রত হইল, বাজীদিগের প্রতি অত্যাচার আরম্ভ করিল এবং ঈশ্বরের নৈবেদ্যের অগ্রভাগ বলপূর্ব্বক আপনারা লইতে লাগিল। কথিত আছে, পরমেশ্বর ইলাইকে ইহার জন্য অল্পযোগ করিয়া-ছিলেন এবং তাহার বংশ উচ্ছেদ করিবেন বলিয়া ভয় দেখাইয়াছিলেন। তখন তিনি দেবদত্তকে তাহার যাজক বলিয়া মনোনীত করিলেন। এ সম্বন্ধে একটা আশ্চর্য্য উপাখ্যান আছে। দেবদত্ত একদিন নিদ্রিত, “সামুয়েল, সামুয়েল” বলিয়া কে তাহাকে ডাকিল। বালক সাড়া দিয়া গাজোখান পূর্ব্বক ইলাইর নিকট গমন করিল এবং বলিল “আপনি

আমাকে কেন ডাকিয়াছেন?” ইলাই বলিলেন “বৎস! আমি তোমাকে ডাকি নাই, দাও, নিদ্রা যাও।” বালক শয়ন করিল। আবার “সামুয়েল, সামুয়েল” আহ্বানধ্বনি হইল, বালক আবার বিনীতভাবে পুরোহিতের নিকটে গিয়া বলিল “আপনি কেন ডাকিয়াছেন?” পুরোহিত আবার তাহাকে শয়ন করিতে বলিলেন। বালক নিদ্রিত হইয়া আবার সেই আহ্বানধ্বনি শুনিয়া পুরোহিতের নিকটে আসিল। তখন ইলাই বুঝিলেন, প্রভু পরমেশ্বর ইহাকে ডাকিয়াছেন। তিনি বলিলেন “বৎস, তুমি ঘুমাও গিয়া, যদি আবার কেহ ডাকেন শুনিতে পাও, বলিও “প্রভু! কি আজ্ঞা হয় বলুন, দাস শুনিতেছে।” পরে ঈশ্বর পুনরায় “সামুয়েল” বলিয়া ডাকিলে বালক বলিল “প্রভু, কি আজ্ঞা হয়, বলুন, দাস শুনিতেছে।” তখন পরমেশ্বর, ইলাই বংশ বেক্রমে ধ্বংস করিবেন, বলিলেন। ইলাই পরদিন প্রভাতে দেবদত্তের মুখে ইহা শুনিয়া ভীত হইলেন। কিছুদিন পরে ইলাই ও তাহার পুত্রদ্বয় হত হইলেন। তখন দেবদত্ত ঈশ্বরের প্রতিষ্ঠিত যাজক হইয়া ইহুদীদিগকে শাসন করিতে লাগিলেন। তাহার জীবন অতি পরিত্র ও সকলের শ্রদ্ধের জিণ, তিনি বৃদ্ধ বয়স পর্য্যন্ত ঈশ্বরের ধর্মশাসন ইহুদীদিগের নিকট প্রচার করিয়া পবিত্র ভাবে জীবন অবদান করিলেন।

স্ত্রী-বুদ্ধি।

পারস্য দেশের অল্পবয়স্ক ইম্পারান নগরে মরিয়ম বিবি নামী এক স্ত্রী-লোক বাস করিতেন; তাঁহার ছই পুত্র ও এক কন্যা ছিল। কন্যাটি দেখিতে যেমন রূপবতী, শিক্ষা, স্বভাব ইত্যাদিতেও তদ্রূপ গুণবতী হইয়া উঠিয়াছিল। ঐ কন্যার নাম নোবিয়া। পারস্য দেশের অনেক লেখক মহাশয় মরিয়ম-কন্যার রূপ এবং স্বভাবের যথেষ্ট প্রশংসা করিয়া গিয়াছেন। নোবিয়ার অতুল শক্তি, প্রত্যুৎপন্নমতিত্ব, বিদ্যাবত্তা এবং সচরিত্রতা সম্বন্ধে পারস্য ইতিহাসে বহুবিধ কৃত্ত কৃত্ত স্তম্ভের গল্প আছে; পাঠিকাদিগের কৌতুহল চরিতার্থ করিবার জন্য আমরা তাহার কয়েকটি অসু-বাদ করিয়া দিলাম।

আশ্চর্য্য অরণ শক্তির জন্য মরিয়ম-কন্যার বিশেষ খ্যাতি ছিল। একদা এক চিকিৎসকের সহিত ঔষধের হিসাব লইয়া তাঁহার বিবাদ হয়; চিকিৎসক কিছু অধিক টাকার দাবী করেন। নোবিয়া বলিলেন, “চিকিৎসক মহাশয় তাঁহার পীড়িতাবস্থায় যে সমস্ত ঔষধ দিয়াছিলেন, তাহা তাঁহার অরণ আছে, সুতরাং তাঁহার (নোবিয়ার) হিসাব অস্বাভাবিক বলিয়া পরিগণিত হইতে পারে।” চিকিৎসকের মনের সন্দেহ ইহাতেও সম্পূর্ণ ভাবে তিরোহিত হইল না। নোবিয়া বলিলেন, “চিকিৎসক মহাশয়!

আপনি আপনার খাতা পত্র লইয়া আসুন; লিখিত হিসাব না দেখিলে বিচার্য্য বিষয়ের সত্যাসত্য নির্দ্ধারিত হওয়া অসম্ভব।” চিকিৎসক মহাশয় যথাসময়ে হিসাবপত্র আনয়ন করিলে, নোবিয়া বলিলেন “ভিষগ্‌বর! আপনি আমার সামান্য হিসাবের নির্ভুলতা বিষয়ে সন্দেহ করেন দেখিয়া বিস্মিত হইয়াছি। আপনি আমার সমস্ত জীবনে আমাকে যে সকল ঔষধ দিয়াছেন, তাহাদের প্রত্যেকের নাম, পরিমাণ, প্রয়োগ প্রণালী এবং প্রত্যেক বারের হিসাব আমি বলিয়া দিতে পারি। স্বাভি-শক্তি পরীক্ষার জন্য ভিষগ্‌বর খাতা খুলিলেন, এবং নোবিয়া স্তম্ভরী অন্ধান-বদনে বিদ্যালয়ের ছাত্রের ন্যায় দ্বাদশ বৎসরের ঔষধের হিসাব মুখে মুখে বলিয়া দিলেন। ভিষগ্‌বর আশ্চর্য্য হইয়া ঔষধের সমুদয় মূল্য নোবিয়াকে পুরস্কার স্বরূপ দিয়া সে স্থান পরিত্যাগ করিয়া চলিয়া গেলেন। নোবিয়া যদি ইউরোপে জন্ম-গ্রহণ করিতেন, তাহা হইলে বোধ হয় তাঁহার নাম—মেগ্লিগাবেথি’উগাথি হইত।

এক বার এক বাদসাহের বাটতে নোবিয়ার নিমন্ত্রণ হয়। বাদসাহের সচিবজ্যেষ্ঠ বলিলেন, নিকটবর্তী যতগুলি অধিপতি আছেন, তাহাদের সকলের গৃহে সচরাচর যে সকল উপকরণাদি প্রস্তুত হয়, আমার গৃহে অদ্য যেন তদ-

পেঙ্গা অধিক পরিমাণে উপকরণ প্রস্তুত হইয়া নিমন্ত্রিত ব্যক্তিগণের মধ্যে বিতরিত হইবার বন্দোবস্ত করা হয়। নোবিয়া বলিলেন “আমি নিকটস্থ পঞ্চবিংশ জন নরপতির বাটীতে আহ্বান করিয়াছি; তাঁহারা মচরাচর যে প্রকার উপকরণ দিয়া আহ্বান ক্রিয়া সমাপন করেন, তাহা আমি জ্ঞাত আছি।” এই বলিয়া তিনি প্রত্যেক নরপতির আহ্বাণ্য দ্রব্যের ভালিকা দিলেন; অল্পসন্ধানে তাহা সত্য বলিয়া প্রতিপন্ন হইয়াছিল।

টিহারান সহরের কোন লেখক লিখিয়াছেন, এক সময়ে এক রাজপুত্রের সহিত নোবিয়া ক্ষুদ্রী “খাদি” জীড়ায় প্রবৃত্ত হইয়াছিলেন। “খাদি” খেলা আমাদের দেশের শতরঞ্চ বা দাবা খেলার সহিত তুলনীয় হইতে পারে; “আইন আকবরী” গ্রন্থে ঐ খেলার উল্লেখ আছে। দাবা খেলার যতগুলি উপকরণের বা মূর্তির আবশ্যক হয়, “খাদি” খেলায় তাহার চতুর্গুণ মূর্তি ব্যবহৃত হইয়া থাকে। জীড়ায় অর্দ্ধাংশ সমাপ্ত হইলে রাজপুত্র কোন বিশেষ প্রয়োজনীয় কার্য-বশতঃ উঠিয়া যান, এবং নোবিয়ার স্থিতি-শক্তি পরীক্ষা করিবার জন্য যে পর্য্যন্ত খেলা হইয়াছিল, সেই পর্য্যন্ত সমগ্র হিসাবটি এক খানি কাগজে লিখিয়া রাখেন। এই ঘটনার ছয় বৎসর কাল পরে ঐ রাজপুত্রের সহিত নোবিয়ার সাক্ষাৎ হয়; তখন আবার পূর্বের খেলা আরম্ভ

হইল। আশ্চর্যের বিষয় এই যে, নোবিয়া আমূল্পূর্বিক পূর্বোক্ত খেলাটির সমস্ত হিসাব প্রদান করিলেন এবং সেই মত মূর্তিগুলি বসাইয়া খেলিতে আরম্ভ করিলেন। রাজপুত্র বিস্মিত ও বিমোহিত হইয়া মেয়েটিকে এক গাজি স্বর্ণ বলয় পুরস্কার দিয়াছিলেন।

নোবিয়ার অমরশক্তির আরও অনেক উদাহরণ দৃষ্ট হয়। তাঁহার উপস্থিত বুদ্ধিরও বিশেষ প্রমাণ প্রাপ্ত হওয়া গিয়াছে। কথিত আছে, তিনি এরূপ বলবতী ছিলেন যে, ছই তিন বার দহ্মা কর্তৃক আক্রান্ত হইয়াও প্রাণে রক্ষা পাইয়াছিলেন। একবার এক জন বলবান দহ্মাকে তিনি মুঠোঘাতে নিহত করেন। বাহাইউক, নোবিয়ার ধর্ম-নিষ্ঠা, সরল বিশ্বাস ও সাধুজীবনের আমরা যথেষ্ট প্রশংসা করি। এই জন্যই তাঁহার এত আদর ও খ্যাতি বাড়িয়াছে। এক জন হিন্দু বণিক এক পৌত্তলিক মূর্তি উপস্থিত করিয়া নোবিয়াকে পূজা করিতে অহুরোধ করিয়াছিল। নোবিয়া তাহা জলে নিক্ষেপ করিয়া বলিলেন, ইহা আপনার পূজ্য হইতে পারে, কিন্তু “ইহা আমাদের উপাস্য নহে; মাটির মূর্তি কখনই ঈশ্বরের তুল্য ব্রহ্মা ও ঐশ্বর্য প্রাপ্ত হইবার পাত্র হইতে পারে না। বহুপ্রকার প্রলোভনেও নোবিয়া এই উপাসনার রত হয়েন নাই।” তাঁহার অটল ধর্মবিশ্বাসের আরও অনেক উদাহরণ বর্ণিত আছে।

মিতাক্ষর মতে দোষীর বিচার ।

আমরা 'ভয় ও মূর্খতার বংশাবলী' প্রস্তাবে মাহুবদিগের ভূতবোনিতে কেমন আশ্চর্য বিধান, তাহার বর্ণনা করিয়াছিলাম। কিন্তু এই কুসংস্কার-মূলক বিশ্বাসে বহু অপকার ও অনিষ্ট হয়, মূর্খতাসম্মত আইন প্রণালী ও শাস্ত্রবিধি হইতে বহুপেক্ষা অনেক অধিক অনিষ্ট ঘটিল থাকে। ভূতের ভয় মনে একটু দৃঢ় করিতে পারিলে অথবা ছই একজন লোক সঙ্গে পাইলে এড়ান যায়, কিন্তু কবিধি ও নিষ্ঠুর আইনের দ্বারা হইতে পরিজ্ঞাপাওয়া সহজসাধ্য নহে। জ্ঞানীলোকের অভাবে মাহুব যে কত বালকদের পরিচয় দিতে পারে এবং অসঙ্কোচে কত অনাচার ও ভয়ঙ্কর কার্যের অনুষ্ঠান করিতে সমর্থ হয়, নিম্নলিখিত পরীক্ষা প্রশ্নালী গুলিতে তাহা সুস্পষ্ট প্রতিপন্ন হইবে।

মিতাক্ষর মতে দোষ পরীক্ষার ৯টা উপায়ঃ—(১) তুলাদণ্ড পরীক্ষা, (২) অগ্নি পরীক্ষা, (৩) জল পরীক্ষা, (৪) বিব পরীক্ষা, (৫) কোষা পরীক্ষা, (৬) তুল পরীক্ষা, (৭) টেল পরীক্ষা, (৮) লৌহ পরীক্ষা, (৯) বিগ্রহ পরীক্ষা।

১। তুলাদণ্ড পরীক্ষা—কোন ব্যক্তির নামে দোষের অভিযোগ হইলে তাহাকে রাজদ্বারে আনয়ন করা হয়। তথায় কড়াকাঠ, দড়ী ও পাল্লা ঠিক করিয়া

থাকান হয়। অভিযুক্ত ব্যক্তিকে এক দিন উপবাসী রাখা হয়। একজন পুরোহিতও তাহার সঙ্গে উপবাসী থাকিয়া হোম ও অগ্নিপূজা করেন। পরে আসামীকে নির্দিষ্ট দাঁড়ী পাল্লায় ওজন করিয়া তাহার ভার কত হইল, লিখিয়া লওয়া হয়। এই সময় ব্রাহ্মণ-গণ তুলাদণ্ডের নিকট দণ্ডবৎ প্রণাম করেন এবং শাস্ত্রসম্মত মন্ত্রপাঠ করত অভিযোগের মন্তব্য একবারি কাগজে লিখিয়া অভিযুক্তের মস্তকে বাধিয়া দেন। অল্পক্ষণ পরে পুনরায় তাহাকে ওজন করা হয়। এখন সে পূর্বাংগে অধিক ভারী হইলে দোষী, কম ভারী হইলে নিদোষী বলিয়া গণ্য হয়। যদি পূর্বেও যেমন, এখন তেমনি ভারী হয়, আবার ওজন করা হয়, তার একটুমাত্রও বেশী কিম্বা কম হইলেই বিচার তদন্তরূপ হয়। ওজন করিতে যদি দাঁড়ীপাল্লা ভাঙিয়া যায়, তাহা হইলে দোষ নিশ্চয় সপ্রমাণ হয়।

২। অগ্নি পরীক্ষা—১ হস্ত দীর্ঘ ও ২ হস্ত প্রস্থ একটা চুল্লী খুলিয়া তাহাতে অগ্নি কাঠের অগ্নি জালা হয়, পরে অগ্নি পূজা হইলে অভিযুক্তকে তাহার উপর বিস্তপদে অর্থাৎ বালি পায়ে যাইতে হয়। পা পুড়িলেই সে দোষী, না পুড়িলেই নিদোষী।

৩। জল পরীক্ষা—অভিযুক্তকে নদী বা পুকুরিণীর নানিদেশ পর্য্যন্ত জলে দাঁড় করান হয়। পরে এক ব্রাহ্মণ লাঠিহস্তে জলে নামিয়া তাহার নিকট দাঁড়ান। এই সময় একজন ধাক্কী তীর হইতে ৩টা শর ছোড়ে, অমনি সর্কাপেক্ষা দূরবর্তী শর ফুড়াইয়া আনিবার জন্য একটা লোক ছুটিয়া যায়। সে শর ধরিলে জলের ধার হইতে আর এক ব্যক্তি তাহার নিকট দৌড়িয়া যায়। এই সময় অভিযুক্তকে দণ্ডায়মান ব্রাহ্মণের পদ বা দণ্ড ধরিয়া জলে ডুব দিতে বলা হয়। পূর্বোক্ত দুই ব্যক্তি শর লইয়া ফিরিয়া আসিবার পূর্বে অভিযুক্ত যদি ভাসিয়া উঠে, তবে সে দোষী, নতুবা নির্দোষী। কাশীর নিকট জল পরীক্ষার কিছু সহজ উপায় আছে। অভিযুক্ত ব্যক্তি ব্রাহ্মণের পা ধরিয়া জলে ডুব দিলে এক ব্যক্তি আশে আশে ৫০ পা চলিয়া যায়, তাহার চলা শেষ হইবার পূর্বে ভাসিলে দোষ সপ্রমাণ হয়।

৪। বিষ পরীক্ষা—ব্রাহ্মণেরা হোম করিতে থাকেন, সেই সময় অভিযুক্তকে স্থান করিয়া আসিয়া এক ব্রাহ্মণের হস্ত হইতে ২৪ রতি পরিমাণ বিষনাগ নামক বৃক্ষের শিকড় বা ৬৪ রতি পরিমাণ সেকো বিষ ঘূতের সহিত মিশাইয়া খাইতে হয়। বিষের কোন গুণ প্রকাশ না হইলে সে নির্দোষী, প্রকাশ হইলেই দণ্ডনীয় হয়। বিষ পরীক্ষার আর এক

প্রণালী আছে। একটা মাটির ভাণ্ডে কুণ্ডলীকৃত একটা সর্প রাখিয়া দেওয়া হয়, পরে তাহার উপর একটা আংটি ও মোহর বা টাকা ফেলিয়া দেওয়া হয়, অভিযুক্ত ব্যক্তি অক্ষত অঙ্গুলিতে দ্রব্যগুলি তুলিয়া লইতে পারিলে নির্দোষী, নতুবা দোষী।

৫। কোষা পরীক্ষা—কোষার জলে কোন বিগ্রহ ধুইয়া সেই জল ৩ গণ্ডুষ অভিযুক্তকে পান করিতে দেওয়া হয়। ১৪ দিনের মধ্যে তাহার কোন প্রকার পীড়া প্রকাশ হইলেই দোষ সাব্যস্ত হয়, নতুবা সে নিষ্কৃতি পায়।

৬। তণ্ডুল পরীক্ষা—যখন অনেক ব্যক্তির উপর চুরির সন্দেহ হয়, তখন একটা শালগ্রামের সহিত সমান পরিমাণ চাউল ওজন করা হয়, অথবা এক মুঠা চাউল লইয়া তাহার উপর মন্ত্র পড়া হয়। সন্দেহ-যুক্ত ব্যক্তিদিগকে এই পড়া চাউল কিছু কিছু চিবাইতে দেওয়া হয় এবং চর্কিত চাউল অথথ পাতা বা ভূর্জ-পত্রের উপর ফেলিতে আদেশ করা হয়। যাহার যাহার চর্কিত চাউল শুক বা রক্তাক্ত দেখা যায়, তাহাদিগকে চোর বলিয়া ধরা হয়, অপর সকলে নিষ্কৃতি পায়।

৭। তৈল পরীক্ষা—ইহা অতি সহজ উপায়। কটাতে তৈল তণ্ডুল করিয়া অভিযুক্ত ব্যক্তিকে তাহাতে হাত ডুবা-ইতে বলা হয়। যদি হাত পোড়ে, সে দোষী, নতুবা নির্দোষী।

৮। গোহ পরীক্ষা—গৌহের গোলা বা তরবারের অগ্রভাগ তপ্ত করিয়া লাগ করা হয়, অভিযুক্ত ব্যক্তি তাহাতে হাত দিয়া দগ্ধ হইলেই দোষী বলিয়া দণ্ডনীয় হয়, নতুবা খালাস পায়।

৯। বিগ্রহপরীক্ষা—ধর্মের মূর্তি রূপা এবং অধর্মের মূর্তি লৌহ বা মৃত্তিকাতে গঠিত হইয়া একটা কলসের মধ্যে রাখা হয়। পরে অভিযুক্ত ব্যক্তিকে দুইটা মূর্তির একটা বাহির করিতে বলা হয়। রূপার মূর্তি বাহির করিলে ধর্ম তাহার পক্ষে, নতুবা সে দোষী ও দণ্ডনীয় হয়। মূর্তির পরিবর্তে কখন কখন শাদা ও কাল কাপড়ের উপর ধর্ম ও অধর্মের আকৃতি চিত্রিত হইয়া ঐরূপে ব্যবহৃত হয়।

ভিন্ন ভিন্ন জাতির পরীক্ষার ভিন্ন ভিন্ন বিধি। ব্রাহ্মণের তুলা, ক্ষত্রিয়ের অগ্নি, বৈশ্যের জল এবং শূত্রের পক্ষে বিষ পরীক্ষাই প্রচলিত। মতান্তরে ব্রাহ্মণের পক্ষে বিষ ভিন্ন সকল পরীক্ষাই হইতে পারে, তুলাপরীক্ষা অপরাপর জাতির পক্ষেও ব্যবহার্য। বিষ ও জলপরীক্ষা জ্রীলোকের পক্ষে নিষিদ্ধ। ব্রাহ্মণ ও জ্রীলোকের পক্ষে ব্যবস্থাপক যেমন সদয়, শূত্রের প্রতি তেমনি নির্দয়।

বঙ্গদেশের অধিকাংশ হিন্দু যেমন স্মার্ত রঘুনন্দন ভট্টাচার্য্যের ব্যবস্থানুসারে চলেন, বেহার ও উত্তর পাশ্চাত্যের অনেক স্থানের হিন্দুগণ সেইরূপ মিতাক্ষরার বিধি অনুসরণ করিয়া চলিয়া থাকেন। উপরে মিতাক্ষরার যে সকল বিধি উল্লিখিত

হইল, তাহা কেবল কথার কথা বলিয়া কেহ মনে করিবেন না, ইংরাজ রাজত্বের প্রথম অবস্থাতেও এই ব্যবস্থা অল্পসংখ্যক বিচার করিতে হইত, অভিযুক্ত ও অভিযুক্ত উভয়েই ইহার পক্ষপাতী ছিল এবং ইহাকে ধর্মের সাক্ষ্য বিচার বলিয়া তাহার বিশ্বাস করিত। মাক্কী আনিয়া আদালত করিয়া বিচার মাহুকের বিচার, তাহাতে তাহার সন্দেহ হইত না। অনেক কষ্ট করিয়া ইংরাজ বাহ্যজরদিগকে ধর্মের বিচার তুলিয়া দিয়া মাহুকের বিচার প্রতিষ্ঠিত করিতে হইয়াছে। পাঠিকাগণ! পরীক্ষা ও গির বিষয় বিবেচনা করিয়া দেখুন, কোনটাতে যদি কোনও যুক্তি থাকে। মনে ভয় হইলে জুই একটা পরীক্ষা কার্য্যকর হইতে পারে। যেমন চাউল চর্ষণ, যথ শুকাইলে চাউলও শুষ্ক বাহির হইবে। কিন্তু দোষীও অনেক সময় নির্ভয় এবং নির্দোষীও ভয়ান্ত হয়। তুলা, জল, তণ্ডুল, কোষা ও বিগ্রহ পরীক্ষা তত কঠোর নহে, কিন্তু আর ৪টা পরীক্ষায় দেহ ও প্রাণ হানির সম্ভাবনা। দোষ সাব্যস্ত করিবার জন্য এই দণ্ড! ইহার পর আবার দোষের দণ্ড আছে। অভিযুক্ত ব্যক্তিগণ এইরূপ পরীক্ষায় সম্মত কেন, তাহারও গূঢ় রহস্য আছে। সহস্র ব্যারার ভাণ্ডে বাজাওয়ালার রাখার জল আনা ও সতীত্বের প্রমাণ দেওয়া অনেকেরই দেখিয়াছেন। শুধু ভাণ্ডে জল পড়িয়া যায়, কিন্তু জিজ্ঞাসার উপরে

গোনয় লেপন করিলে আর জল পড়ে না। উপরি-উক্ত পরীক্ষা সকলে উত্ত-রাষ্ট্রবাসিনীরা এইরূপ কৌশল ছিল। হাতে বা পায়ে কোন দ্রব্য মাখিয়া অথবা বিষয় ঔষধ খাইয়া দোষী ব্যক্তিও ভ্রান্তক পরীক্ষার উত্তীর্ণ হইত, নির্দোষী যে কৌশল না জানিলে মারা যাইত। কি অবিচার, বিচারের গুণে নির্দোষী

দোষী এবং দোষী নির্দোষী হইয়া যায়। দোষীরা মাকী প্রমাণে আত্মকৃত ধরা গড়িবে বলিয়া ধর্ম্মদাকী কীরা কৌশলে পার পাইত। ধর্ম্মের অবিধায়ীদিগের চক্ষে ইহা অগোচরিক ঐশ্বরিক বাণীর বহিরা গণ্য হইত। আজিও মানুষের কত বিষয়ে এইরূপ অন্ধ বিশ্বাস ও কুসংস্কার আছে, কে গণনা করিবে ?

রমণীর প্রেম।

১

উষা বাণী কোলে সুখের স্বপন,
পূর্ণাসার দ্বারে দক্ষণ তপন ;
যুগ্ম কুঞ্জ তলে, শিশিরের স্নেহে,
কত ভালবাসি বিহগীর গান ;
কত ভালবাসি কুমুদের হাসি,
আকাশ-তরুণী,—গোচন র রাশি ;
ঠেলিয়ে সে ভালবাসা, প্রকৃতি-প্রেমের
আশা,
কে আজি ক্ষময়ে পাতিল আসন ?
—বুঝিবাছ—তুমি পরণ রতন।

২

প্রকৃতির ডোরে বাঁধা ছিল প্রাণ,
প্রকৃতির মাঝে ধরিতাম তান ;
কান্দিলে কুলে, কদমের মূলে,
ভাগ্যে যখনা বহিত উজান।
তুণিতাম ফুল, গাঁপিতাম মালা,

ভাসাতেম জলে হইয়ে উতলা ;
কভু বা বহর ধরি, একটী একটী করি
কোল দিয়ে তার বেগেছি বারিমা ;
দিয়েছি সোহাগে মালা পরাইয়া।

৩

ফাগু ফুল প্রাণ—শিথিল গাঁথনি,
টুটিয়াছে আঁও হরস্ব প্রাণনি।
পরের সে ঘন, পরের মতন,—
চাখনি কখন,—গিরেছে ছুটিয়া।
থাকিতাম বসে একাকী বিরলে,
এক বিন্দু অঙ্গু বারি কবিত্বে জলে,
আবার আসিত চেউ, চলিয়া যাইত সেও,
বুঝিত না মম মরম বেদন ;
কে ভাবিল আজি সে সুখ স্বপন ?

৪

বোঝেনা প্রকৃতি ভালবাসা মোর,
কিন্তু দিয়া সদা প্রেমতে বিভোর ;

তুবিতে অপরে, দেই অকাতরে,
তুমি মাঝে যেই লুকান রতন।
চাইনা চাইনা ভালবাসা তোরে,
তুইলো প্রকৃতি বড় প্রিয় মোর ;
যসিয়ে তোমার কোণে, ভাসি নয়নের
জলে,

জীবন সঙ্গীত গাইব যখন,
শুধাইব যবে মরম বেদন,

একটা নিখাদ দিও উপহার,
ফেলিও তু বিলু নয়ন আমার !
জীবন ঋণান,—হৃদয় পাষণ—
এ হইতে আর চায় না অধিক।
চাইনা অমিয়া—স্বপ্নের স্বপ্ন,—
বুক পেতে ম'ব সংসারের ছপ,—
চাই শুধু ভক্তি ভরে, প্রকৃতির পূজা করে,
মরিবারে অথ,—অহো—একি বিড়ম্বনা!
কে ভাবিল আজি হৃৎকের স্বপন ?

বুঝিব কেমনে বিধির কি লীলা ?
যেন শিশুটির শৈশবের খেলা !
বতনে গড়িয়া, ফেলিছে ভাঙ্গিয়া,
আবার গড়িছে—মনের মতন।
একটা প্রবাহে ছিলাম ডুবিয়া,
ছিল না কিছুই আমার বলিয়া ;
পরের ছিলাম আমি, ছিল মম অন্তর্ধামী,
কে আজি আমারে বলিছে আমার,—
পরের জীবনে কার অধিকার ?

কেউত কড় ও কথাটা কয় নি,

আমার বলিয়া ফিরেও চায়নি ;
কে তুমি কামিনী, শান্তি সুরঙ্গিনী,
কি মাঝে ঋণানে স্বাভাব্য পাতিলে ?
কাঙালের ভাগ্যে মাপিক জোটেনা ;
মরুভূমে কভু কুহুম ফোটেনা ;
বুকি পথ হারাইয়ে, শান্তির বীণাটা মরে,
স্বপ্ন ভাঙিয়া—এসেছ পরায় ;
ছলিতে পাপীরে কপট মায়ায়।

অমিয়ার ধারা, ছোটো পায় পায়,
প্রেম উন্মাদিনী কি মজাও গায় ;
শূন্যে বীণা বাজে, হৃদয়ের মাঝে,
তন্ত্রীগুলি যেন উঠিছে নাচিয়া।
বুঝিয়াছি তুমি পরশ রতন ;
পরশেই সোণা—ঋণান জীবন।
জীবনের জ্বল তারা, অতুল অমিয়া ধারা,
এ রতন বিনে জীবন মরণ ;
রমণীর প্রেম—মন্যার তুলন।

তাই ভাঙা তরী—প্রলয়ের জলে,
রাখিছ বীণিয়া আপনার ব'লে ;
বতনে সাজায়ে, প্রেমোত্তে মাঝায়ে,
ভালবাস যদি আমিও বাসিব,
আবার জীবন সঙ্গীত গাইব ;
নাথিব না প্রকৃতির, নাই বা চাইল
ফিরে,

বীণাটা বাজায়ে করিও সঙ্গীত ;
রমণীর প্রেম পরশ নিশ্চিত ॥

কোলজাতি ।

ছোট নাগপুরের অন্তর্গত রাধি ও মিথতুম জেলাতে কোলজাতির বাস । কোলেরা প্রায় সাঁওতালজাতির সদৃশ । কিন্তু এই দুই জাতির মধ্যে অনেক বিভিন্নতাও আছে । সাঁওতালদিগের মধ্যে দুই একটা গৌরবর্ণ দেখা যায় । কোল জাতির মধ্যে গৌরবর্ণ অতি বিরল । সাঁওতালী জীলোকেরা হাতে, পায়ে ও বুকে উকি পরে ; কোলজাতীয় জীলোকেরা কেবল কপালে একটা টিপ কাটে । সাঁওতালী জীলোকেরা কাণের পাতায় বড় ছিদ্র করিয়া শোলা কিম্বা তাল পাতার কর্ণকুল ব্যবহার করে, এজন্য কাহারও কাহারও কাণের পাতা সম্পূর্ণরূপে ছিন্ন হইয়া যায় । কোলজাতীয় জীলোকেরা তদ্রূপ করে না, কিম্বা সাঁওতালী জীলোকদিগের মত পিতলের গহনা ও পুতির মালাও ব্যবহার করে না । কাণের পাতা দেখিলেই সাঁওতাল কি কোল জাতি সহজে জানা যায় ।

কোলজাতির স্বাভাবিক বর্ণ কাল । কিন্তু বর্ণ কাল হইলেও ইহাদিগের মুখ-শ্রী ও অঙ্গ-সৌষ্ঠব আছে । ইহারা অত্যন্ত বলিষ্ঠ, পুরুষ অপেক্ষা জীলোকদিগকে ছুঁইপুঁই দেখায় ।

কোলজাতিরা পূর্বে উলঙ্গ থাকিত । এফণে স্ত্রী, পুরুষ সকলেই এক প্রকার কোপীন ব্যবহার করে । এজন্য পশ্চাদিক হটতে দৃষ্টি করিলে পুরুষ কি স্ত্রীলোক

হঠাৎ ঠিক করা যায় না । যে সকল কোল পাহাড়ের উপর জঙ্গলে বাস করে, তাহারা এখনও উলঙ্গ থাকে শুনা যায় । কেহ কেহ বা গাছের বস্ত্র ও পাতা পরিধান করে । ইহাদিগের সহরের নিকট বাস, তাহারা কাপড় ব্যবহার করিতে শিখিয়াছে এবং অনেক পরিমাণে সভ্যও হইয়াছে । ইহাদিগের জীলোকেরা হাটে বাজারে যাতায়াত করিবার সময় কোপীনের উপর এক প্রকার শাড়ী ব্যবহার করে, কিন্তু বাটীতে গিয়াই খুলিয়া রাখে । শাড়ীগুলি দীর্ঘ বটে, কিন্তু অঙ্গ-পরিসর বলিয়া কেবল জাহ্নু পর্য্যন্ত বিস্তৃত হয় । এজন্য জীলোকেরা বসিবার সময় হাঁটু পাতিয়া বসে । শাড়ীগুলি এত পুরু যে এক বৎসর কাল ব্যবহৃত হইলেও সহজে ছিঁড়িয়া যায় না । এক্রপ কোপীন ও শাড়ী কোলেরা নিজে নিজেই প্রস্তুত করে, কখন বা হাট হইতেও কিনিয়া লয় ।

কৃষিকার্য্য কোলদিগের প্রধান উপ-জীব্য । ইহারা শাক, সবজী, ধান্য, গম, সরিষা, বুট, অুণ্ডজা (তিলের মত এক রূপ টেভলোৎপাদক শস্য), ও ইক্ষু চাষ করে । কৃষিকার্য্য না থাকিলে ইহারা মজুরীও করিয়া থাকে । ইহারা মাটি কাটে, মোট বয়, বর বান্ধে, বাগানের কার্য্যও করে ।

কোলেরা অত্যন্ত পরিশ্রমী। স্ত্রীপুরুষ উভয়েই সমান পরিশ্রম করিতে পারে। সকাল হইতে সন্ধ্যা পর্যন্ত খাটিলেও ইহারা ক্লান্ত হয় না। গৃহস্থালয়ে কোন কার্যে নিযুক্ত হইলে, ইহারা কখনও অগম্য করে না। একবার দেখাইয়া দিলে, সমস্ত দিন সেই কার্য করিয়া থাকে। গৃহস্থকে পুনরায় ঋণ কিছুই বলিতে হয় না। সিংহভূম জেলায় ইহা-দিগের পুরুষের দৈনিক মজুরী ১/৫ দেড় আনা, ও স্ত্রীলোকের ১/১০ এক আনা মাত্র।

কোলজাতিরা এক প্রকার মদ্য পান করে, তাহাকে তাহারা “হাড়িয়া” (ধেনো মদ) বলে। এরূপ মদ্য ইহারা নিজে নিজেই প্রস্তুত করে। তজ্জনা গর্ভমণ্ডকে কোন কর দিতে হয় না। পাহাড়ে এক প্রকার বাকস গাছ আছে। ঐ গাছের শিকড় চাউলের সহিত সিদ্ধ করিয়া তিন চারি দিন পর্যন্ত বড় বড় হাড়িতে ভরিয়া ঢাকিয়া রাখে। ঐ ভাত পড়িলে, তাহা জলের সহিত চটকাইয়া এক প্রকার চালুনী দ্বারা ছাঁকিয়া লয়। ঐ ছাঁকা মড়ের নাম হাড়িয়া। ইহা বলকারক, মাদকও বটে। অধিক পান করিলে মত্ততা হয়।

কোলজাতীয় স্ত্রী, পুরুষ, বালক, বালিকা সকলেই দিবাতে কেবল হাড়িয়া মদ্য পান করিয়া থাকে, এবং রাতে অন্ন ভোজন করে। দূরে কোন স্থানে কার্য্য করিতে হইলে, কোলেরা ভাঁড়ে করিয়া হাড়িয়া লইয়া গিয়া তথায় পান করে।

কোলজাতি সকল প্রকার মাংসই আহার করে। মাংস প্রায়ই ইহারা গোড়াইয়া খায়। উই পোকা ও লাল পিপীলিকার ডিম্ ইহারা অত্যন্ত ভাল বাসে।

কোল জাতি সাঁওতালদিগের মত আমোদপ্রিয়। ইহারা নাচে, গান করে, বাঁশিও বাজায়। সাঁওতালেরা কেবল মাদল (ছোট মৃদঙ্গ) বাজায়; নাগরা, করতাল, ও ভেরী কোল জাতির বাদ্য। পুরুষেরা বাদ্য বাজায়; স্ত্রীলোকেরা নৃত্য করে ও গীত গায়। কোল জাতীয় স্ত্রীলোকদিগের নৃত্য, গীত ও কণ্ঠস্বরভরী অনেকটা ইংরাজ রমণীদিগের মত।

কোলেরা ধর্ম্মধারী। তীরধনুক ইহা-দিগের প্রধান অস্ত্র। ইহারা তীর দ্বারা ব্যাঘ্রকেও শিকার করে। কথিত আছে, কোন ব্যক্তিকে তীর দ্বারা মারিতে একবার সংকল্প করিলে, তাহাকে না মারিয়া ইহারা ক্ষান্ত হয় না। বিশেষ অহুরোধ কিম্বা ভয় প্রদর্শন করিলে, নির্দিষ্ট ব্যক্তিকে একটা গাছের অন্তরালে রাখিয়া ঐ গাছে ইহারা তীর নিক্ষেপ করিয়া থাকে।

কোল জাতির মধ্যে মিথ্যা, প্রবঞ্চনা ও ব্যভিচার দোষ প্রায় নাই। ইহারা প্রাপ্যস্বত্ত্বও মিথ্যা বলে না, কাহাকেও বঞ্চনা করে না, ও পর-স্ত্রীর প্রতি কুদৃষ্টিও করে না। স্ত্রীলোকেরাও সন্তান ধর্ম্ম পালন করে।

কোলেরা সূর্য্যকে ঈশ্বর বলিয়া মানে, ও সূর্য্যের পূজা করে। সূর্য্যকে ইহারা "সিদ্ধী বোঙ্গা" (সিদ্ধী—সূর্য্য, বোঙ্গা—দেবতা) বল। পীড়া হইলে ইহারা ঐষধ সেবন করে না। ইহাদিগের দৃঢ় বিশ্বাস যে সূর্য্যের পূজা দিলেই পীড়া আবেগ্য হয়।

কোল জাতির মধ্যে অধিকাংশ লোকই দরিদ্র। নির্ধন লোকেরা ছোট ছোট ঘর প্রস্তুত করিয়া তাহাতে বাস করে। ইহাদিগের ঘর, দ্বার বড় পলিকার। ঐ সকল ঘরের মাটির দেয়াল, কাঁচা মেজে, খড়ের কিছা খোলার চাল। স্ত্রীলোকেরা প্রত্যহ নিজ নিজ ঘরের মেজে ও দেয়াল লেপন করে। লেপন কার্য্যে এক প্রকার গাছাড়িয়া কাল মাটি ব্যবহৃত হয়। কেহ কেহ বা কাল মাটির পরিবর্তে সাধারণ মাটির সহিত খড় পোড়া ছাই ব্যবহার করে। ইহাতে মেজে ও দেয়াল পাথরের মত কাল দেখায়, এবং জল স্পৃষ্টিতে সহজে মট হয় না।

কোল জাতি মহিষ, গরু, ভেড়া, ছাগল, কুকুর, বিড়াল, হাঁস, মুরগী ও গায়রা পোষে, ও হাটে বাজারে বিক্রয় করে। ইহারা বান্য চাউল ও অনান্য শস্যও বিক্রয় করিয়া থাকে। ইহাদিগের মধ্যে বিভিন্ন অধিক পরিমাণে প্রচলিত। ইহারা কেবল লবণ ক্রয় করে, তদ্বিধ সমস্ত খাদ্য দ্রব্যই নিজ নিজ ঘরে প্রস্তুত করিয়া লয়। ইহারা অল্প ইহতে কাষ্ঠ

ও বাগ আনয়ন করিয়া বাজারে ও গৃহস্থালয়ে বিক্রয় করে। এই সকল দ্রব্যাদি বিক্রয় করিবার সময়, ইহারা একবারেই যথার্থ মূল্য বলিয়া দেয়, দ্বিতীয়বার আর কিছুই বলে না। প্রথম কথিত মূল্য না পাইলে কোন দ্রব্যই বিক্রয় করিতে সম্মত হয় না।

কোল জাতি ঘরের মেজেতে বিছানা করিয়া শয়ন করে না। ইহারা "খাটিয়া" (একরূপ দড়ির খাট) ব্যবহার করে। খাটিয়াগুলি এত ছোট যে তাহাতে পা বিস্তৃত করিয়া শয়ন করা যায় না।

সাঁওতালী স্ত্রীলোকদিগের মত, কোল-জাতীয় স্ত্রীলোকেরাও গাছে উঠিতে পারে। ইহারা গাছে চড়িয়া শুক কাষ্ঠ সংগ্রহ করে ও কল খায়। বট ও অশ্বথ গাছের ফল ইহারা বড় ভালবাসে।

কোল জাতির মলত্যাগ করিয়া অল ব্যবহার করে না। মাটি কিছা গাছের পাতা দ্বারা শৌচকার্য্য নির্বাহ করিয়া থাকে।

সন্তান প্রসবকালে, কোলজাতীয় স্ত্রীলোকদিগের ধাত্রী কিছা অন্য কাহারও সাহায্য লইতে হয় না। ইহারা নিজে নিজেই সূতিকাগারের সমস্ত কার্য্য নির্বাহ করিয়া থাকে। পূর্ণগর্ভবতী স্ত্রীলোকেরাও মার্চে, ঘাটে, হাটে যাতায়াত করে, এবং জঙ্গলেও কাষ্ঠ আনয়ন করিতে যায়। টেনবাং কোল স্থানে কাহারও প্রসববেদনা হইলে, প্রসূতি, অনেক বিনা সাহায্যে,

একাকিনী প্রসব কার্য সম্পন্ন করে, এবং
সন্তানকে ক্রোড়ে লইয়া ও কাঠের
বোকা মাথায় করিয়া স্বচ্ছন্দে বাটীতে
প্রত্যাগমন করে। একুশ ঘটনা প্রায়ই
ঘটিয়া থাকে।

কোলেয়া কখন কখন “কুলি” নিযুক্ত
হইয়া আগাম, কাছাড় প্রভৃতি দেশের

চা-বাগানে কার্য করিতে গিয়া থাকে।
কোল জাতীয় কুলিরা অত্যন্ত বলিষ্ঠ ও
পরিশ্রমী বলিয়া, অন্যান্য স্থানের কুলি
অপেক্ষা আদৃত ও অধিক মূল্যে বিক্রীত
হয়।

(ক্রমশঃ)

নারীজাতি সম্বন্ধে মনুর ব্যবস্থা।

(২৫১ সংখ্যা ২৫৪ পৃষ্ঠার পর।)

তৎপরে মনু তৃতীয় অধ্যায়ে উদ্বাহ
পদ্ধতিতে লিখিয়াছেন—

নোদ্বিহেৎ কপিহাং কন্যাঃ

নাধিকাজীং ন রোগিনীম্।

নালোমিকাং নাতিলোমাং

ন বাচটাং ন পিঙ্গলাম ॥ ৩; ৮ ॥

যে স্ত্রীর মস্তকের বেশ পিঙ্গলবর্ণ,
যাহার ছয় অঙ্গুলি প্রভৃতি অধিক অঙ্গ,
যে চিররোগিনী, যাহার গাত্রে অন্নমাজ ও
লোম নাই অথবা অতিশয় লোম,
যে নিষ্ঠুরভাষিনী ও যাহার পিঙ্গল বর্ণ
নয়ন, এই সকল স্ত্রীকে বিবাহ করিলেক
না।

অব্যঙ্গাজীং দৌমান্যীঃ

হংসবারণ গামিনীম্।

মৃদুলশেষদশনাং মৃদলীযুগছেৎ

স্ত্রিয়ম্ ॥ ৩; ১০ ॥

কিন্তু যে স্ত্রী অঙ্গহীন নহে, যাহার
নাম অতি সুখে উচ্চারণ করা যায়,

যাহার গতি মরাল ও মাহুদের ন্যায়
জলস্রাবহীন, যাহার লোম ও কেশ মৃদুল
এবং দস্ত ক্ষুদ্র, এইরূপ কোমলাঙ্গী ললনার
সহিত পরিণয়সূত্রে আবদ্ধ হইবেক।

সবর্ণাগ্রে দ্বিজাতীনাং প্রাপ্ত্যা দারকম্মণি।

কামতন্ত প্রবৃত্তানামিমাং হ্যঃ

ক্রমশোবরাঃ ॥ ৩; ১২ ॥

শূদ্রৈব ভার্য্যা শূদ্রস্য সা চ বা চ বিশঃ
স্বতে।

তে চ বা চৈব রাজ্ঞশ্চ তাম্শ্চ স্রা চাগ্র-
জয়নঃ ॥ ৩; ১৩ ॥

ব্রাহ্মণ, ক্ষত্রিয়, বৈশ্যাণিগের প্রথম
বিবাহে সবর্ণা স্ত্রীই প্রাপ্ত; কিন্তু নিম্নে
উদ্দেশে বিবাহ করিতে প্রবৃত্ত হইলে,
শূদ্র কেবল শূদ্রাকে; বৈশ্য বৈশ্য ও
শূদ্রাকে; ক্ষত্রিয় ক্ষত্রিয়া, বৈশ্য ও
শূদ্রাকে; এবং ব্রাহ্মণ ব্রাহ্মণী, ক্ষত্রিয়া,
বৈশ্য ও শূদ্রা চতুর্বিধ পত্নীর পাণিগ্রহণ
করিতে পারেন।

ব্রাহ্ম দৈবস্তম্বেষাঃ প্রোজাপত্য-
স্তথাস্থঃ।

গাক্করো রাক্ষসশ্চৈব পৈশাচশ্চাত্তমোহ-
ধমঃ ॥ ৩ ; ২১ ॥

ব্রাহ্ম, দৈব, আৰ্য, প্রোজাপত্য, আস্থর,
গাক্কর, রাক্ষস ও সর্কাসেফা নিকৃষ্ট
পৈশাচ; এই আট প্রকার বিবাহ বিধি
প্রচলিত আছে।

আচ্ছাদ্য চার্চরিত্বা চ শ্রুতশীলবতে স্বয়ম্।
আস্থরদানং কন্যায় ব্রাহ্মো ধর্মঃ

প্রকীর্তিতঃ ॥ ৩ ; ২৭ ॥

বস্ত্রালঙ্কারাদি দ্বারা কন্যাবরের শোভা
সম্পাদন ও পূজন পুরঃসর, শাস্ত্রজ্ঞান-
সম্পন্ন সচ্চরিত্র পাণ্ডে কন্যাদান ব্রাহ্ম-
বিবাহ বলিয়া অভিহিত হইয়া থাকে।

যজ্ঞে তু বিত্ততে সমাগৃহিজে কর্ম কুর্সতে।
অলঙ্কৃত্য স্তুতাদানং দৈবঃ ধর্মঃ

প্রচকতে ॥ ৩ ; ২৮ ॥

জ্যোতিষ্টোমাদি যজ্ঞান্তর্ধানকালে যদি
কর্মকর্তা পুরোহিতকে সালঙ্কৃত্য
কন্যাদান করেন, তাহাকে দৈব বিবাহ
বলে।

একং গোমিথুনং হুে বা বরাদাদায়
ধর্মতঃ।

কন্যা প্রদানং বিধিবদ্যাবধর্মঃ স
উচ্যতে ॥ ৩ ; ২৯ ॥

কোন ধর্মকারী হুতাংশ বরণক্ষ
হইতে এক বা দুই গোমিথুন লইয়া কন্যা-
দানকে আৰ্য বিবাহ কহা যায়।

সহোভৌ চরতাং ধর্মমিতি বাচাস্থ-
ভাষ্য চ।

কন্যা প্রদানমভ্যাক্ত্য প্রোজাপত্যো বিধিঃ
দ্রুতঃ ॥ ৩ ; ৩০ ॥

তোমরা উভয়ে গার্হস্থ্য ধর্মের আচরণ
কর, বর ও কন্যাকে এই কথা বলিয়া
অর্চনাপূর্বক কন্যাদানকে প্রোজাপত্য
বিবাহরূপে নির্দেশ করা যায়।

জ্ঞাত্বৈভ্যো ব্রবিণং নত্যা কন্যায়ৈ চৈব
শক্তিতঃ।

কন্যা প্রদানং স্বাচ্ছন্দাদাস্থরো ধর্মঃ
উচ্যতে ॥ ৩ ; ৩১ ॥

কন্যার পিতাদি অভিভাবককে এবং
কন্যাকে আপন শক্তি অনুসারে পণ
দিয়া, বরের ইচ্ছাপূর্বক দারপরিগ্রহকে
আস্থর বিবাহ বলা যায়।

ইচ্ছান্যোন্যাসংযোগঃ কন্যায়াম্ভ
বরস্য চ।

গাক্করঃ স তু বিজ্ঞেয়ো মৈথুন্যঃ কাম-
সম্ভবঃ ॥ ৩ ; ৩২ ॥

কন্যা এবং বর উভয়ের ইচ্ছাধীন যে
বিবাহ হয়, তাহাকে গাক্কর বিবাহ বলে।
এইরূপ পরিণয় প্রণয়ধীন ঘটয়া থাকে
এবং ইন্দ্রিয়বৃত্তির চরিতার্থতা সাধনই
ইহার মুখ্য উদ্দেশ্য।

হত্যা হিংসা চ ভিত্ত্বা চ ক্রোশস্তীং কদতীং
পৃহাৎ।

প্রদত্যা কন্যাহরণং রাক্ষসো বিধিক্র্যাতে ॥
—৩ ; ৩৩ ॥

বলপূর্বক কন্যাহরণ করিয়া বিবাহ
করার নাম রাক্ষস বিবাহ; কন্যাহরণ
কালে যদি কন্যাপক্ষীরেরা বিপক্ষ হয়,
তাহা হইলে তাহাদিগকে আহত করা ও

প্রাচীরাদি ভঙ্গ করণ এইরূপ বিবাহে
ঘটিয়া থাকে। কথিত আছে, যে এইরূপ
বিবাহকালে কন্যা "হা তাত!" "হা
ভাত!" ইত্যাকার শব্দে চীৎকার
করিতে করিতে রোদন করিয়া থাকে।
জুপ্তাং মন্তাং প্রমত্তাং বা রহো যতোপ-
গচ্ছতি।

স পাপিষ্ঠো বিবাহান্যং পৈশাচশাষ্ট্রমোহ
ধমঃ ॥ ৩ ; ৩৪ ॥

নির্জল প্রদেশে নিত্য অভিজাত,
মদ্যপানে বিহ্বলা, অথবা অনবধানবৃত্তা
কুমারী সংস্রবে পৈশাচ বিবাহ বলে।
বিবাহের মধ্যে ইহা সর্কাপেক্ষা নিকট
ও পাপজনক।

মহুসংহিতার নবম অধ্যায়ে ব্যবস্থাপিত
নিম্নলিখিত শ্লোকনিচয়দ্বারা নারীস্বাধীন-
তার মূলদেশে কুঠারাঘাত করিয়া-
ছেন—

অশ্বত্থাঃ স্থিরঃ কার্ঘ্যঃ

পুরুষৈঃ ঐশ্বর্দিবানিশম্।

বিশেষ্যে চ সজ্জাত্যঃ সংস্থাপ্য

আত্মনো বশে ॥ ৯ ২৮

স্বামী প্রভৃতি অভিভাবকগণ রবণী-
দিগকে কোন সময়েই স্বাধীনতা দিবেন
না; এমন কি রমণীগণের বিষয়ভোগও
অভিভাবকের তত্ত্বাবধানাধীন হইবে।

গিতা রক্ষতি কোদারে ভর্তা রক্ষতি

মৌবনে।

রক্ষতি স্ববিরে পুত্রা ন স্ত্রী স্বাতন্ত্র্যমর্হতি ॥

৯, ৩ ॥

ললনাপণ কুমারী অবস্থায় জনকে

আজ্ঞাধীন থাকিবে; যৌবনকালে ভর্তাই
তাঁহাদিগের রক্ষণাবেক্ষণকর্তা; এবং
ব্রহ্মবস্থায় তাঁহাদিগকে তনয়ের বশবর্তিনী
হইতে হইতেক। স্ত্রীজাতির স্বাধীনতা
কোন ক্রমেই ঘটিতে পারে না।

স্বপ্নেভ্যোহপি প্রসম্ভেভ্যঃ

স্থিরো রক্ষ্য বিশেষতঃ।

স্বরোহি কুলয়োঃ

শৌক্যবাহুভুতরক্ষিতাঃ ॥ ৯, ২৯ ॥

যাহাতে চরিত্রে দোষ সমুদ্ভবের
সম্ভাবনা, তাঁহাদিগকে এরূপ প্রসঙ্গে
প্রশ্রয় দেওয়া কোনক্রমেই বিধেয় নহে।
অরক্ষিত থাকিয়া তাঁহাদিগের চরিত্র
দোষাত্মক হইলে, তাহাতে পিতৃ ও ভর্তৃ
উভয় কুলই কলঙ্কস্পৃষ্ট হয়।

ইমং হি সর্ববর্ণানাং পশ্যন্তো ধর্মমুত্তমম্।
যতস্বৈ রক্ষিতুং ভাৰ্য্যাং ভর্তারো দুর্জনা

অপি ॥ ৯ ; ৩০ ॥

নারীচরিত্র রক্ষণ ব্রাহ্মণ ক্ষত্রিয় প্রভৃতি
সর্বজাতীয় পুরুষ কর্তৃক পরম ধর্মরূপে
বিবেচিত হইবে। স্বামী যতই দুর্বল
হউন না কেন, আপন স্ত্রীকে সংপথে
রাখিতে তাঁহার যেন যত্নের ত্রুটি না হয়।
স্বাং প্রভৃতিং চরিত্রঞ্চ কুলগাংমনমের চ।
অধু ধর্মং প্রযজেন জায়াং রক্ষনু হি

রক্ষতি ॥ ৯ ; ৩১ ॥

যে ব্যক্তি স্বকীয় সহধর্মিনীকে
অশ্লীলচরিত্রা রাখিতে যত্নবান থাকেন,
তৎকর্তৃং আপন সন্তানসমূহের বিবুদ্ধি,
বংশের বিলুপ্তি এবং স্বকীয় চরিত্রের
বিলুপ্তিও পরিরক্ষিত হয়।

পতিভার্য্যাং সংপ্রবিশ্য

গর্ভে ভূত্বহ জায়তে ।

জায়ন্তাক্তি জায়ন্তঃ

যদস্যাং জায়তে পুনঃ ॥২; ৮॥

পতি ভাৰ্য্যাগৰ্ভে সংপ্রবিশ্টি হইয়া

আয়ুজরূপে জন্মগ্রহণ করেন ; এইরূপে

ভাৰ্য্যাগৰ্ভে আপনান্নর জন্ম হয় বলিয়া

ভাৰ্য্যা জায় এই আখ্যা প্রাপ্ত হইয়াছে ।

ন কশ্চিদ যৌনিতঃ শব্দঃ

প্রসহ্য পরিরক্ষিতুম্ ।

অতৈরুপায় যৌগৈস্ত

শক্যান্তাঃ পরিরক্ষিতুম্ ॥২; ১০॥

স্বমণীগণকে তাড়নাদি দ্বারা বল-

পূৰ্ণক কেহ ধৰ্ম্ম পথে রাখিতে পারেন

না ; তবে নিম্নলিখিত উপায়গুলির

প্রয়োগ দ্বারা তাহাদিগের পরিরক্ষণ

সংসাধিত হইতে পারে ।

অৰ্হণ্য সংগ্রহে চৈতন্য

ব্যৱহাৰে নিয়োজয়েৎ ।

শৌচে ধৰ্ম্মেহন পীত্ব্যাক্ষ

পরিণাহন্য বেদগে ॥২; ১১॥

ধনের আয় ব্যয়াদির তত্ত্বাবধান, গৃহ

ও নিজ দেহের পরিশুদ্ধি বিষয়ে, ধৰ্ম্ম-

কার্য্যে, অন্নবস্ত্রনে ও শব্দাকটাহ প্রভৃতি

জব্যবসায়াদির পর্য্যবেক্ষণে, তাহাদিগকে

সতত ব্যাপ্ত রাখিবে ।

অরক্ষিতা গৃহে রুদ্ধাঃ

পুরুষৈরাপ্তকারিভিঃ ।

অস্থানমান্বনা বাস্ত

রক্ষয়িত্বা অরক্ষিতাঃ ॥২; ১২॥

জীলোক আপন ধৰ্ম্ম আপনি রক্ষা না

করিলে আত্মীয় পুরুষগণ তাহাকে গৃহে

রুদ্ধ করিয়া রাখিলেও তাহার বিশুদ্ধি

পরিরক্ষিত হয় না । যে জীলোক আত্ম-

বিশুদ্ধি রক্ষণে যত্নবতী, তিনিই অশ্লিষ্ট-

চরিত্রা থাকেন ; অতরাং নিঃকর

ধৰ্ম্মোপদেশ দ্বারা তাহাদিগকে ধৰ্ম্মপথে

রাখিতে যত্নবান হইবে । তাড়নাদ্বারা

কোন কলোপলভি হয় না ।

যদিও নবম অধ্যায়ে মহাত্মা মহুকে

বামাদিগের প্রতি বাহু বলিয়া পরিদৃষ্ট

হয়, তথাপি স্থানান্তরে তিনি অবলা-

কুলের প্রতি রূপাকটাকও নিক্ষেপ

করিয়াছেন—

বজ নারীস্ত পূজ্যতে রমস্তে তত্র দেবতাঃ ।

যতৈতাস্ত ন পূজ্যন্তে

মৰ্কাস্তজাকলাঃ ক্রিয়াঃ ॥৩; ৫৬॥

যে কুলে জীলোকেরা বস্ত্রালঙ্কারাদি

লাভদ্বারা জটিলনে কালক্ষেপ করে, তথায়

দেবতার প্রসন্ন থাকেন । আর যে কুলে

জীদিগের অনাদর, সে বংশে সকল ক্রিয়া

নিষ্ফল হইয়া যায় ।

জামরো বানি গেহানি

শপহাশ্রতিপূজিতাঃ ।

তানি কৃত্যাহতানীব

বিনশ্যন্তি সমস্ততঃ ॥৩; ৫৮॥

ভগিনী, পত্নী, পুত্রবধূ প্রভৃতি স্বমণী-

গণ অসন্তুষ্ট হইয়া যে বংশের উপর অতি-

সম্পাত নিক্ষেপ করে, সেই বংশ মস্তা-

হতের ন্যায় উচ্ছেদ প্রাপ্ত হইয়া থাকে ।

তদ্বাদেতাঃ সদা পূজা

ভূষণাচ্ছদনাশটনঃ ।

ভুক্তিকামৈন রৈনিত্যং

সংকারেষুৎসবেরূ চ ॥৩,৫২॥

অতএব বাঁহারা বংশের সমুদ্বিকামনা করেন, তাঁহারা উৎসবাদি উপলক্ষে অশন বসন ভূষণাদি প্রদান দ্বারা ললনাগণের প্রীতি উৎপাদনে যত্নবান থাকিবেন।

সমুদ্রো ভাৰ্য্যা ভৰ্তা

ভৰ্তা ভাৰ্য্যা তথৈব চ ॥৩,৬০॥

যন্মিমেব কুলে নিত্যং

কল্যাণং তত্র বৈ ক্রবন্ ॥

যে কুলে স্বামী পত্নীতে ও পত্নী স্বামীতে ঐকান্তিক অল্পরক্ত, সেই কুলে নিশ্চয়ই কল্যাণ পরিবর্দ্ধিত হইতে থাকে।

বিধায় বৃত্তিং ভাৰ্য্যায়াঃ

প্রবমেৎ কার্য্যবান্নরঃ।

অবৃত্তিকৰ্ষিতা হি স্ত্রী প্রদুৰ্য্যেৎ

স্থিতিমত্যপি ॥৯ অধ্যায়, ৭৪ শ্লোক ॥

যদি কোন পুরুষের কার্য্যোপলক্ষে

দেশান্তর গমন আবশ্যক হয়, তাহা

হইলে তাঁহার নিজ পত্নীর ভরণ পোষণের নিমিত্ত সুব্যবস্থা করিয়া যাওয়া উচিত; কারণ এইরূপ দেখা গিয়াছে যে স্থানীয়া মহিলাও ভরণপোষণভাবে পরপুরুষ ভজনা করিয়া কুল কলঙ্কিত করিয়াছে। বিধায় প্রোষিতে বৃত্তিং

জীবৈন্নয়মনাস্বিতা।

প্রোষিতে স্ববিধায়ৈব

জীবৈচ্ছিন্নৈরগতি'তৈঃ ॥৯,৭৫॥

স্বামী পত্নীর গ্রাসাচ্ছাদনার্থ বৃত্তি সংস্থাপন পূর্বক প্রবাস গমন করিলে, পত্নীর সর্বতোভাবে চরিত্রের বিজ্ঞপ্তি-পরিচয় যত্নবতী হইয়া কাণ্ডাতিপাত বিধেয়। আর যদি স্বামী স্ত্রীর ভরণ পোষণের কোন প্রকার ব্যবস্থা না করিয়াই বিদেশ-গমন করেন, তাহা হইলে স্ত্রী স্বত্রকর্ত্তনাদি শিল্প কার্য্যদ্বারা জীবিকা নির্বাহ করিবেক।

রাধাচরণ ও নন্দকুমার।

তৃতীয় প্রস্তাব।

এই বাবে আমরা নন্দকুমারের অজুত মোকদ্দমার বিবরণ প্রকাশ করিতেছি।

১৭৭৫ খৃষ্টাব্দে নন্দকুমারের “জাল করা অভিযোগের” বিচার আরম্ভ হয়। ঐ বৎসরের জুন মাসের ৮ই তারিখে নন্দকুমার বলেন, “আমি এই যড়যন্ত্রিত

মোকদ্দমার সম্পূর্ণরূপে নির্দোষী। এবং যদি এই অভিযোগের প্রকৃতরূপে বিচার করিতে হয়, তাহা হইলে আমি আমার স্বদেশীয় সম্রাটের ব্যক্তিগণের জুরীদ্বারা বিচারিত হইতে ইচ্ছা করি।” আদালত এই প্রার্থনা গ্রাহ্য করেন নাই, সুতরাং